



H. XIII. 9

Liber
Novo-Tacim-
C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana universa.
3. Tr. de Esse alicubi seu Ubicite.
4. Pro methodo Trinitatis alijsq; materijs Apologia.
5. Quadrigatus expersus seu Consideratio quadriga propositionum
de Syncretismo nuncupatus Willebergus emissus.
6. Exercitatio de Prudentia Theologica.
7. Exerc. de Obedientia tam Civili quam Spiritual.

D. O. M. A.

404. 24

De

OBEDIENTIA,

Tàm Civili, quàm Spirituali,
EXERCITATIO PECULIARIS.

Theologica & Philosophica.

Naturam Obedientiæ, principia,
affectiones, subjecta, & species distin-
ctius repræsentans, Quæ Oppositi ejus, In-
Obedientiæ, specialior ratio, affectio, va-
rietas sit, constituens, variaq; quæ cum Socinistis,
Arminianis, Pontificiis, in disceputationem
apud Theologos veniunt, magnâ parte de-
ducens & examinans.

*Pro veritatis confirmatione, falsitatis confutatione
plenore in Theol. concinnata.*


AUTHORE

HENRICO NICOLAI,

Consil. Elector. Eccles. & Pro-
fess. Emerito.

ANNO M DC LIX,

7.



☞) o (☞

ILLUSTRISSIMO CELSISSIMOq₃

Principi ac Domino,

DN. BOGISLAO
RADZIVVIL,

D.G. Duci Birzarum, Dubinch.

Slutz. & Kopyl. S. R. Imperii Principi,

Ducatus Prusiae Gubernatori, Magni

Ducatus Lithvaniae Supremo Stabuli Praefe-

cto, Branscensi, Popiritensi Guberna-
tori, &c. &c.

Domino suo Clementissimo.

S. Et in rebus prosperitatem.



Octa ignorantia est, DUX IL-
LUSTRISSIME, quæ liti-
bus & disidiis caret. Hoc ca-
stæ avitæ doctrinæ simplicitati
justè asseratur, alienæ ab eâ fidei negetur.
Quæ nempe litibus foeta, ut non fluctus

plures in furdo mari. Illa in vitâ usum, in morte solatium suggessit. Disceptata in infinitum fusa utrumque invertere possunt. Sed simplicitas fermè sordere incipit, aut ut fomentum hæresium incesatur ac exploditur. Si Apostoli reviviscant, authores aut fautores earum audire fortè cogerentur. Quæ ad pacem Jerusalem in tantâ turbatione facere queant, pauci curant aut capeffunt. Incendium spectare plures malunt, quàm extinguere. Ego ab annis aliquot in sedando bono animo ac Conscientiâ laborare aggressus sum. Nondùm omnia publico dare licuit, nec omnibus placere potuerunt, quæ dedi. Diu scripta iniquè impetita, post septennii silentium defendendi necessitatem etiam patienti animo extorserunt. Tacere non securum amplius visum, ne jam non verecundia, sed diffidentia esse incipiat, siluisse: Et dum criminationes confutare respui-

spuitur, crimen agnosci deprehendatur. In
consensum n. malitia silentium interpretari
potest, ac per falsa etiam calumniae autori-
tas est, pronisq; auribus excipitur. Sed &
scribendo Curiones irritari magis solent,
quàm compesci. Acerbius insurrectum fuit,
& virulentia ad contumelias argumentum
fuit, quibus non meritis laceratus. Abest
remotis semotus terris belloque occupatus
Optimus Causæ meæ Patronus, *Electus Se-
renissimus*: Qui me nullis meritorum offi-
ciis cognitum, & patrocinio dignū, & titulo
clementissimè censuit. Dum abest, & Cels.
Tuam SIBI Vicarium, provinciæ Guber-
natorem, militiæ Imperatorem esse consti-
tuit, sensum aliquem injuriæ apud Illam de-
ponere submissè conatus sum. Interesse
Christianismi videtur, ne scripta ad pacem
composita pari cum impiis censu accipian-
tur. Id dicatione scripti hujus apud C. T.

testari volui: Controversi quidem, sed quo
ad aliud hoc tempore occasio non suppetiit.
Quod ne à gratiæ suæ tholis refigat, sed cum
authore suo eâ dignum censeat, officiosæ
demissionis verbis rogo. DEUM ex a-
nimo precatus, C. T. in turbatissimo hoc
seculo ab omni malo asserere, pacem pro-
vinciæ operâ Ejus reducere, ut ex Illius
consilio lætitiæ causas populi urbesq; con-
cipiant, & gloriosâ in posteris famâ æterni-
tati consecrare velit. Gedani, 4. Calendas
Martias. Anno 1659.

*Illustriss. Celsitud. Et Excellen-
tia Tua*

Devotiss. Cultor

HENRICUS NICOLAI,
Conf. Eccles. & Prof.
enier.

LECTO.

LECTORI ERUDITO

S. Et pacem Christi.

THema sisto, **LECTOR** erudite, quod in Theologicis usum passim circumfert, à nemine, quod sciam, distinctè pertractatum fuit. In Polemicis, Practicis, Casualibus, Homileticis, frequens Obedientiæ mentio, sparsaq; tractatio. Varia cum variis etiam super eâ controversa. Oppositum Inobedientia, non minùs quasi ferax. Interest, distinctè naturam ejus pernoscere, quæ, qualis, in quibus, quotuplex sit, & quæ Oppositi ratio sit. Digessi, quæ magnam partem hic disceptentur. Quid sui juris Naturæ rerum ferat, quid abnuat? Quid aut Veteres invenerint, aut sequentes adstruxerint? Quid explicitius in propositis esse queat, ostendi. Quæ ultrà quaruntur, jam in Theologicis alibi prostant, strictimq; libata, ac eò amandata. In primis Sequestri nostri Obedientiam memorabilis, ubi & humanorum causa movet, & insigni approbata exemplo veritas disceptata commovet. Multa fidenter Photinista & Arminianus disceptant, de quibus meritò illud usurpes: Studia eorû prohiberi debuerunt, quia regi non potuerunt. Ultrà, quàm securum, huma-

na quandoq; temeritas progreditur: Et mota semel curiositas modum difficulter novit aut servat. Pontificius multa superstitiosè de Cleri Obedientiâ induxit. Ubi sæpè vana pro veris non tantum à militibus in bello, sed & in pace à superstitionis accipiuntur. Caliginem ignorantibus parumvè versatis universa offundere possunt, quam disjici aut auferri ex usu fore deprehensum est. Conatus sum hoc Opusculo, quod accipe, lege, & pensa, Lector. Si quid ex solido & utile videris, DEO grates exsolve. Si sequius occurrat, humana infirmitati adscribe. Acquum est, virium nostrarum nos meminisse, ut & alii suarum meminerint. Id utile futurum, & servanda equitati, moderationi, concordia, inprimis necessarium. Quam in homines reducat Is, qui perpetuò concors, nunquam sibi adversari potest. Cui commendatus feliciter age, quod agis, LECTOR, & Vale. Gedani, 3. Calend. Martias. Anno 1659.



OBEDIENTIA,

Exercitatio peculiaris.



Bonam terram in spiritualib. Salvator in classica parabola ap. Lucam C. 8. describit, quod semen corde bono suscipiat, illud servet, & fructum in patientia adferat. Bona terra Corda credentium sunt, quæ semen in se jactum recipiunt, quod verbum in nos insitum est, Jacob. I. v. 21. Ac tribus maximè conditionibus malæ terræ oppositis agnoscitur. Retinet contra inhabiles, fructificat contra petrosos ac aridos, in patientia contra temporarios. Sermonem primò accipere & intelligere oportet, ne juxta viam simus. Deinde auditum firmiter retinere, ne supra petram sati. Deniq; obedire ei, ac fructus ferre doctrinâ dignos. Ex adverso improba terra tribus diversitatibus maximè innotescit. Secus viam, & in petras, & inter spinas semen habet. Ista vix recipit, Illa receptum non retinet, & hæc suffocat, quod accepit. Communi voce universa bonæ terræ attributa Obedientia nomine comprehendas: Malæ Inobedientiæ voce. Persapè Jehova ut summum mandati ab homine obedire requirit ac misericordiam, I. Sam. 15. v. 22. Matth. 9. v. 13. C. 12. v. 7. Illud, ne quid contra DEUM designet: Hoc, ut & proximam curam suscipiat. Quibus totam legem exhauriri scribam Christus docet Luc. 10. v. 27. Ipsa fides Christiana Obed. nomine in sacris frequenter exprimitur, t. 4. Ac in Ethicis, Politicis, Oeconomicis, Juridicis, Theologicis, classica Obed. occurrit mentio, passimque & homiletica & Polemica de eâ resonant. Digna inderes visa est, quæ in accuratiorem deductionem deducatur, & quæ Obed. natura sit, qualis, quotuplex sit, in quibus inveniatur, quibusvè modis se habe-

at, specialiùs representetur. Quod hac diatribe CUM DEO, cui omnes obedientiam debemus, expeditum dare constituimus.

2. *Obedientia trattari & præcognitivè queat, & cognitivè. Illud tripliciter. An detur? ubi detur? Et ubi ac quomodo consideretur?* Dari eam communi omnes consensu consentunt. In Juridicis L. 2. *Digestor. t. 3. In Jure Canonico Caus. 8. q. 1. C. 10. Et L. 1. decr. Greg. t. 33.* extat titulus *de majoritate & Obedientiâ, Theologicis, Ethicis*, passim ejus mentio est, ut t. 1. dictum. In *Ethicis* in semivirtutibus numeratur. In *Theologicis* in Casibus Conscientiæ ventilatur, ut ap. *Ameisium, Balduinum, Alstedium, Toletum, Navarrum*, alios videre est. In sacris prima ejus mentio *Gen. 3. v. 17.* est. Postea frequenter per utrumquè Testam. repetitur. In re etiam dari, non in solo mentis conceptu esse suum eam habere, essentia ejus docet, in actu, opere, habitu, vel semihabitu & habitudine aliquà hominis consistens, ut t. 5. patebit. *Ubi autem consideretur*, variè assignari queat. Generalis & abstracta Obedientie ratio ac formale cuinam disciplinæ addici debeat, non facile liquet. *Ritschel* ad Metaphysicam eam rejicit p. 2. *Meta. C. 4. t. 15.* Alii ad Jurisprudentiam pertinere censent. Alii aliter. Ad Metaphys. non pertinere Objecti Metaphys. ratio satis docet, quod Ens ut ens, & quæ ei competunt, est. Obedientia autem non est affectivæ entis, ut ens in generali est, sed ut Civis, Christianus, moratus, Scholasticus, in speciali est, ut animal rationale, Politicum, sociale, spirituale & Ecclesiasticum, ac simile est, eoq; Metaphysici fori in abstracto suo esse propriè non est, quod entis considerationem non egreditur, ut in Metaphys. pluribus docetur.

3. Ut generalis ejus habitudo Politica & civilis attenditur, Ita partim in *Ethicis* in semivirtutibus, Partim in *Politicis* de imperante & parente, magistratu & subdito, proponi, & natura ejus representari debet. Ut *Oeconomici* aut *Scholastici* muneris respectum involvit, ita ad *Oeconom.* aut *Scholasticam* aliquid de eà in specie tradi & memorari possit. Ut *spiritualis fori* est, & DEUM ac res spirituales DEÛq; mandata respicit, Quomodo DEO obedire frequenter jubemur, & Inobedientia quasi peccatum ariolandi esse dici.

dicatur 1. *Sam. 15.* Ut *t. 62.* dicetur, Ita in Theol. practicâ & Casuum tractationem sortietur. Quomodo Scholaſtici eam ad *sec. 2. Thoma q. 104. 105.* tractare ſolent. Alii in libris de *Iuſtit. & Jure* eam perſequuntur, ut *Leſſius L. 2. d. Iuſt. C. 46. d. 4.* Et breviter tangit *Strevesdorf. q. 80. d. Juſtit.* Sic in Theologiâ Casuum *Amesius L. 5. C. 19. 20. Alſtedius C. 3. t. 4. C. 12. t. 7. Balduinus L. 2. Caf. C. 8. aliq;* eam tractant. In doctrinâ de pœnitentiâ, quæ praxis aliqua Theologica eſt, & ad practicam Theol. partem pertinet, Ut *Epit. Th. L. 2. C. 5.* viſum, Novæ Obed. mentionem inſpergere ſolent, *V. t. 12.* Similiter in *Catecheticis* ad 4. præceptum mentio ejus de honorandis parentibus occurrit. In *Polemicis* multa de eâ moveri ſolent, ut controverſiæ cum *Pontif. Arminianis, Sociniſtis,* docent, ac *1. 10. ſeq.* patebit. *Ut abſtractè ejus natura* à Civili & ſpirituâli ſpectatur, & ut in utraq; locum habens generaliter ſiſtitur, Ita in peculiari tractatione natura ejus, affectio, principium, ſubjectum, Diviſio, Cognatum ac Oppoſitum inquiri, diſtincteq; ad cognoscendum repræſentari poteſt. *Sic maxime præſenti Tractationi* objicienda veniet.

4. Ita præcognitio Obed. expedita. *Cognitio nominalis ac realis* eſſe queat. *Nominalis 1. in homonymiâ.* Ita vox Obed. quandoque *generalisimè* ſumitur pro omni promptitudine & expeditione ejus, quod cupitur aut mandatur, ſive ab intellectuali, ſive animali, ſive inanimatâ & inſenſatâ etiam re expediatur, quomodo ventus & maria Chriſto obediſſe, *Matth. 8.* Omnia creata DEO obedire, *Sirac. 39.* Morus Apoſtoliſ, *Luc. 17. v. 6.* Et DEUS Joſuæ obediſſe dicitur *Joſ. 10. v. t. 15.* Vel cum Obed. in genere dicitur, ſive in bono, ſive in malo ſit, ſeu ſuperiori legitimo, ſeu illegitimo facta, quomodo impii diabolo obedire dicuntur, *V. t. 38.* *Quâdoquè generaliter* omne virtutis opus notat, quo præceptum impletur, etſi non illa ſpeciali intentione fiat, ut præcepto ſatiſſiat. Quomodo omnes virtutes actum aliquem ſub præceptum cadentem habentes obedientiæ dici poſſunt, ut temperantia, juſtitia, liberalitas. Honeſto enim in p̃mi virtute obeditur, & obedientia materialis ad omnes virtutes

DE OBEDIENTIA

se extendit. *V. Thomam sec. 2. q. 104.* Ita ipsa fides in Theolog. generaliter obedientia dicitur, ut post dicetur, etsi simul opus DEI vocetur, *Joh. 6. Colof. 2. v. 12.* Quandoque semivirtutem & probam dispositionem acquisitam in homine notat, praescriptum superioris legitimi implere faciens, quomodo & pro actu primo ac principio obediendi, & pro secundo ac ipsa obeditione sumitur, Ut *Dec. 3. mis. d. 9.* notatum. Hoc significatum in Ethicis maxime attenditur & frequentatur. Interdum in sacris perfectam Chri. Obed. per totam vitam agendo ac patiando DEO exhibitam notat, *Rom. 5. v. 19. Hebr. 5. v. 8. Phil. 2. v. 8.* Interdum spirituales illam virtutem in renato, DEO & divinis ratione DEI & spiritualis finis parendi, ut in Theologicis, *I. Sam. 15. v. 22. Eccles. 4. v. 15.* Hinc filii obedientiae, *1. Petr. 1. v. 14.* Qui post renascentiam ad voluntatem DEI se accommodare conantur, vel qui dediti, addicti, devoti & sacra illi. sueta ac exerciti in ea, & parati ad eam, Quibus filii inobed. & Belial opponuntur, *t. 38.* Quandoque pro fide ac receptione Evangelii accipitur, *2. Cor. 10. v. 6. 1. Petr. 1. v. 2.* Unde passim obed. fidei in sacris dicitur, *Rom. 1. v. 5. C. 6. v. 17. C. 15. v. 18. C. 16. v. 26.* Et obedientes pro credentibus sumuntur, *Act. 5. v. 32. Rom. 6. v. 17. Gal. 3. v. 12.* Quandoque pro ipsa justitia, cui obeditur, ut *Rom. 6. v. 16.* servi obeditionis ad justitiam, pro servi justitiae ad obediendum, ut peccati ad mortem servi sunt, qui peccato obediunt. Interdum generaliter obsequi alicui in intelligentibus obedire dicitur, siue superior ille, siue inferior, seu par, amicus, inimicus, notus, ignotus sit. Sic amicis, monitoribus, Consultoribus, quandoque & inferioribus obsequimur, ut Abraham Saræ, *Genes. 16. v. 2. C. 21. v. 2.* Sissera Jaëli, *Judic. 4. v. 18.* Tiglatpilnesser Assyrius Regi Ahas, *2. Reg. 16. v. 9.* Etsi superiores illis. Quandoque omnem legitimè parendi habitudinem à civili & Theologica abstractam, in utraque reperiendam notat, quomodo in *Phil. Theolog. Juridicis.* obed. rationem occurrere videmus, ut *t. 3.* notatum. Sic maxime hic sumitur, & hoc Tractatu tradendo decurreretur, ut progressus docebit. 2. In Etymologia, quomodo Logicè ut vox ultimæ

EXERCITATIO. VII.

et abstracta aliunde non derivatur, sed ipsa prima radix omnibus à se denominatis Logicam appellationem præbens est, ut obediendo, obedire, obedibili &c. Sic Bethania *Joh. 12. v. 1. Matth. 21. v. 17. C. 26. v. 6.* dicta quasi domus obedientiæ, ex qua Christus in Jerusalem ivit, obediturus Patri usque ad mortem, *Phil. 2. v. 8.* Grammaticè ab obaudiendo & obaudiendo dicitur, quod superioris præscriptum audiatur. 3. In *Synonymiâ*, ubi & obsequentia, obeditio, obfervantia, submillio, Obsecundatio, Paritio, Etsi quandoque & hæc differant, *t. 57.* Quandoque parentia *Navarino adag. sacr. n. 749. Et L. 2. elect. sacr. c. 11.* Græcè ὑπακοή, subauditio ἐν πειθαί, Hebraïs Mischmaad, à schamah, audivit, exaudivit, Item jick-hah, aggregatio, Collectio, obed. *Prov. 30. v. 17.* Germanis *gehorsam/ gehorhung/ folgung/* alijs aliter vocatur. Periphrastice & hieroglyphicè variè designatur & applicatur. *V. 6. 8.*

5. Cognitio Obed. realis absoluta in definitione, principijs, Objectis, subjectis, affectionibus, effectis, divisionibus, & speciebus esse potest. Ex definitione Obedientia est affectio proba intellectualis subjecti, aliquid sub ratione præcepti à superiore legitimo in legitimis æquitatis gratiâ expedire faciens. Genus hic est proba affectio, quia commodius dari non potest, h. e. habitudo, accommodatio & qualitas subjectū verè perficiens, determinans. In Theologicis virtutem, *Utr. 47.* In Ethicis semivirtutem, ut *dec. 3. misc. d. 9.* dictum, In utrisq; affectionem verè subjecto suo competentem vocare possumus. Nam & verè ipsi competit, ac essentialiter & generaliter de eâ prædicari potest, sive virtus sit, s. semivirtus, s. affectio in generali, ab habitu abstracta, & ad utramq; indifferens, verè affectio vocari potest, habitudo aliqua verè subjecto suo competens, illudq; per eam determinans ac denominans: Et generalius ipsa ac non cōversum sive reciprocè de eâ prædicatur, Obed. est affectio, sed non vicissim, affectio statim est obediens. Nam & Obfervantia, Continentia, est affectio, non autem obediens. Quod autem ita prædicatur, verè tanquam genus prædicatur, *Utr. dec. 3. Misc.* ostensum. Cetera differentia loca sunt, & ab objecto, Subjecto, & fine sumpta. Objectum hic præcep-

cum vel præscriptum, placitum, inclinatio, voluntas legitimi superioris est. In hoc quasi formale Obed. est, quod ab alijs vel virtutibus vel probis affectionibus discernitur. Ubi aliquod debitum sub ratione legitimi præcepti vel placiti peragitur, ibi Obed. est, & vicissim. Ad hoc enim volendum ac exequendum hæc habitudo directè ac per se inclinatur. Et præceptum hic latè sumitur, ut omne placitum & cupitum superioris comprehendat, etiam nutum & inclinationem, etiam si propriè non præcipiat. Sic qui statim cognita inclinatione superioris opus facit, obedire dicitur. Sic *Albertus M. d. virt. C. 3.* verum obedientem nunquam præceptum expectare, sed solam voluntatem Prælati ait. *V. & Bernhard. d. præc. & dispens. col. 6.* Ita milites phalangis apud Græcos ad nutum monentis intenti signa sequi didicerunt. *Curt. l. 3. C. 2.*

6. *Objectum* Cui est superior legitimus & imperandi jus habens. Vbi talis non, ibi obed. propria non, ut in Chro DEO, t. 13. Et si in eo ut homine sit. Ira Sathanas non est legitimus superior hominis, unde obedientia illi propriè non debetur. Quæ à magis, Impiis, & filiis Belial præstatur, collusio, conventio, consensio, factio & conjuratio magis est, quàm obed. Potius inobed. est, *Vi. t. 38.* dicetur. Consultori cum obeditur, non stricta obed. sed accommodatio ad præscriptum alterius ex motu spontaneo facta est, & analogon quid Obed. est. *Obsequi* enim in genere est directionem alterius sequi. Quod vel ex necessitate obligandi fit, & est Obedientia, vel spontaneo motu, & est Obsequentia. Vnde Obsequi & obedire, *folgen und gehorsamen* / distingui possit. Illud & pariter in parem, & consilium Consultoris, hoc inferioris in superiorem est, & mandatum imperantis pro objecto habet. Obsequimur officio, Obedimus præcepto, Consequimur studio, Prosequimur ordine, assequimur voto, persequimur injuria. *Conf. t. 57.* Ratio *objectiva* in *Objecto* quod est debitum *authoritati* superioris præcepti ratione, non quod semper in commodum ejus faciendum, sed quod ex præcepto ita necessum, ut sine aliquo contemptu & vilipensione interpretativa autoritatis superioris ejus executio nequeat prætermitti. Sic DEO aliquid revelante Objectum ad credendum necessarium fit

fit Creaturæ, ut sine injuria primæ veritatis fides ejus prætermitti nequeat. Ex revelatione divinæ res fit digna creditu, ac necessario credenda: Et ex præcepto divino res fit digna factu, & necessario facienda. Ex dignitate eā movetur porro Obed. necessitate, ut necessaria sit factu, ne superioris autoritas violetur. Tutò enim DEO creditur, nam prima ipsa Veritas, Obeditur, nam ipsa benignitas est, ut *præf. Misc. Th.* dixi. In *objecto* Cui obeditur, est superioritas & potestas superioris. Ideò superiori obediendum, quia legitimus superior est, & potestate imperandi præditus. Sicut ideò credendum DEO, quia prima veritas est. Sive potestas ex ratione Causæ ad effectum, ut in DEO ad Creaturam, patre ad filium, sive totius ad partem, ut Reipublicæ ad membrum, sive agentis ac patientis & instrumenti, ut mariti in uxorem & servi in herum redundet.

7. *Ex primæ radice* velut potestas Ecclesiastica descendit, quæ in cultu divino & ad finem spiritualem gubernat. Sic à DEO primæ rerum Causâ in Christum hominem plenissimè ac illimitatè descendit, *Matt. 28. v. 18. Ephes. 1. v. 21. seq.* Ab illo in omnes legitimos ordines Ecclesiasticos, quos ipse suo corpori mystico regendo, Ecclesiæ, præstituit, Apostolos, Prophetas, Evangelistas, Pastores, Doctores, ad consummationem sanctorum in opus ministerii, in ædificationem Corporis Christi, *1. Cor. 12. v. 28. seq. Ephes. 4. v. 11.* derivatur, qui potestatem omnes à Chro habent, & quibus membra inferiora consequenter obedientiam debent. Cum pro Chro docent ac præcipiunt, *Matt. 23. v. 3. Luc. 10. v. 16.* *Ex secundâ* per commissionem omnis potestas Politica Imperatorum, Regum, Principum, Comitum, Nobilium, Magistratuum descendit, & consequenter omnium eorum, qui ab his auctoritatem habent. Libera enim Respubl. per se & ex Naturâ rei potestatem regendi se & membra sua habet, unde alteri, uni aut pluribus secundum variaz limitationes & conditiones, prout utile videatur, eam committere potest. Vnde omnes subditi illis in legitimis obedire tenentur. *Rō. 13. v. 1. 1. Pet. 2. v. 13. Sap. 6. v. 4. seq.* *Ex tertiâ* potestas privata imperandi & functiones constituendi derivari potest, ut est potestas in
domo

domo, mariti in uxorem, utriusq; in liberos, fervos, ancillas, & similes. Vnde hic subiecti etiam superioribus suis legitimis obedire tenentur. *Ephes. 5. 6. Ex Subiecto intellectualis subiecti* Obed. esse dicitur. Non intelligentia subiecta improprie & æquivocè obedire dicuntur, Vt *t. 4. 15.* constat. *Finis est æquitas*, sive ea spiritalis, s. civilis sit, hoc est, Quæ iuri ac honesto conveniat. Et latissimè fundi potest. Sic DEO obtemperatur, ut honor exhibeatur, Rei publicæ, Vt salus & itatus ejus servetur, Medico, ut sanitas recuperetur, morbus pellatur, Præceptor, ut aliquid artis addiscatur, &c. Si finis inhonestus, impius, illicitus sit, non obedientia, sed conjuratio est, *Utr. 6.* visum. Ex sequentibus hæc pluribus constabunt.

8. Ita definitio Obed. fuerit. *Causa & principia ejus. ex t. 6. 7.* ferè patere possunt. *Efficiens prima* est DEVS, prima radix omnis potestatis & superioritatis in alios, *Rom. 3. v. 1. 1. Pet. 2.* Et consequenter obedientiam ad superiores inferens, jubens, promulgans, & compensans. Vnde tot præcepta ac monita DEI de obediendo in sacris extant. Primum omnium de eo *Gen. 2. v. 16.* Vltimum *Apoc. 22. v. 17.* extat. Et comminationes de inobediendo, sævaq; supplicia in contumaces exercita, Prima *Gen. 2. v. 17.* Vltima *Apoc. 22. v. 15. 18.* extat. Intermedii libri minis exemplisq; refertissimi sunt, ut inquirenti pater. Et prout potestas à DEO vel per positivam ordinationem, ut Ecclesiastica, vel naturalem rerum institutionem provenit, ut Politica: Sic consequenter & Obed. potestati debita ex eodem fundamento duci potest, Vt vel positivæ ordinationi, vel rerum naturali institutioni obediatur. *secunda Causa ejus Natura est*, quibusdam subiectis eam inferens ac implantans, Vnde quosdam à natura longe ad obtemperandum proniores, alios ad reluctandum inclinatiores videmus, quomodo quidam placidiores, alij pugnaciores & rixosiores nascuntur, & ingeniorum ac inclinationum mira varietas in Orbe humano animadvertitur: *Cura, Institutio, Informatio, Motus DEI, præceptorum DEI & superiorum frequens meditatio, Observantia ac reverentia eorum, qui superiores & præses Nobis possunt, meditatorum infixio, ac ad obediendū itera.*

iterata præparatio, humilitatis, vilitatis, imbecillitatis suæ jugis consideratio, utilitatis, necessitatis, dignitatis, jucunditatis, in Obed. in vitâ spirituali ac civili diligens animadversio, præmii ejus & poenæ contrarii sedula observatio, quæque similia media sunt, quibus Obed. parare in utraque vitâ licet, quæ ap. *Bernhardum, Drexelium, Laur. Justinianum de Obed. Polyantheat, & Homileticos Scriptores* deducta videre possis. *Materia ex quâ nulla est*, quippe merum accidens ea: *In quâ subjectum*, & circa quod Objectum est, de quo *t. 7. 5.* Forma ejus ipsa Obed. essentia definitione expressa est, *t. 5. Finis*, ultimus gloria DEI, quorsum omnia à Christiano tandem dirigenda, *I. Cor. 10. v. 3 I. Colof. 3. v. 17. I. Petr. 4. v. 11.* Intermedius utilitas, æquitas, & salus publici ac privati, spiritualis & civilis status est, ut omnia piè, honestè, ordinatè decorè, & compositè in utroq; administrantur, quod sine obedientiâ præstare non datur. Verè n. Alexander M. Regum Ducumque clementia non in ipsorum modò, sed & eorum, qui parent, ingeniis sita est. Obsequio mitigantur imperia. Ubi verò reverentia excessit animis, & summa imis confundimus, vi opus est, ut vim repellamus, ap. *Curtium L. 8. c. 8.* Veteres aras Deorum circumierunt, obedientiam ac parentiam suam notaturi. Circuitus quidam ejus, Rota ejus signum, Cursus circa aras, Volubilis sphaera, perfectus circulus est. Per Obed. aurea ad Coelum via est, noxia propriæ voluntatis vertigo est, quæ & similia ex Patribus ac Gentilibus multis deducit *Novarinus L. 2. elect. sacr. c. 11. 12. seq.*

9. Ita definitione & principiis Obed. discussis; quædam, quæ circa hæc moveri queant, examinanda. *Quæritur 1. An Obedientia virtus sit, an non, & Cur non virtus definita sit?* Obed. spiritualis virtus esse potest, & sic in Theologicis appellari solet. *V. t. 47.* Ethica ac moralis semivirtus & proba dispositio dici solet, non plena virtus. Non n. qualitas ultimam & facilitantem perfectionem subjecto concilians est, quæ actum ex habitu prodeuntem faciat, sed ad eum inclinat ac disponit, ut *Dec. 3. Miscell. d. 9. t. 7.* dictum. Cū utrumque, ut hic traditur, complectatur, rectius generali voce affectio

definita est, quàm speciali, virtus. *V. r. 5. 2. An ipsa observantia sit, an ab eâ distincta?* In Theologicis pro iisdem sæpè sumuntur. Ut cum hominem observantiâ seu obedientiâ mandatorum DE I justificari posse contra Armin. & Socinianos negamus, *r. 11*. Propriè non ipsa est, sed ex illâ hæc proficisci potest. Observantia est affectio cultum superioribus & excellentioribus, qui nos gubernare queunt, deferens. Vel ut *Augustinus l. 83. qu. 9. 31.* definit, est, quâ homines dignitate antecellentes cultu & honore dignamur. Ex hac Obed. oriri potest, affectio, jussum aut placitum legitimi superioris debitè expedire faciens. Ubi cultus prior, placitum aut jussi expeditio posterior est. Analoga ei est observantia, non idem cum eâ, *r. 52. 3. An omnis libera esse debeat, h. e.* Ut & non obedire queas? *Arminiani* affirmant, *V. r. 16. 18. 25.* Sed de solâ Ethicâ ac morali obedientiâ id fortè procedat. In spiritali falsissimum est, ut in Chro homine, angelis bonis, hominibus beatis in futurâ vita in bono confirmatis patet, qui DEO obediunt, ut non possint inobedire. Et quorum obedientia perfectissima est, *r. 18.* Ita inter Diabolos inferiores superioribus obediunt, cum ordo quidam inter eos, *Matth. 12. v. 24. Luc. 11. v. 26.* Et tamen non nisi mala agere possunt, non mala & bona simul. Deinde nec Ethica Obedientia semper est libera, h. e. spontaneo & libero motu suscepta. Nam & coacta ac imperio extorta esse potest, & tamen obedient. est. Ut cum servus ex imperio hero, discipulus præceptori, facinorosus lictori & Carnifici obedire cogitur, ut si non obediat, pœnam timere necessum habeat. Vbi obed. est, nec ex spontaneo motu libertatis perfecta est. Obed. ut sic, ad liberum & coactum naturâ sui indifferens esse videatur. *V. r. 50.*

10. 4. An spiritalis obed. fidei justificantis forma sit & dici possit? Ajunt Sociniani. Socinus syn. 2. d. justif. f. 8. 11. Not. ad Dialog. d. justif. f. 25. n. 16. Fragment. d. just. f. 53. De fide & op. f. 54. seq. De Servatore, p. 4. c. 11. Et L. Quod Evangel. c. 4. ac passim, Smalcius d. 6. c. Frantz. t. 53. seq. 70. Et divin. Chr. c. 14. Cateh. Racoviens. c. 9. Ostorodus Inst. c. 2. f. 1. Nec multum abluunt Pontificii, Lapide in Iohan. 6. v. 29.

Ar-

Arminiani sibi hoc tributum manifestam calumniam vocant, *Apolo.* c. 10. p. 110. Et se ut causam ac effecta hæc distinguere aiunt. Sed p. 111. 4. Obed. genus & causam fidei s. foecundam matrem obedientia istius Evangelicæ, de quâ hic agatur, faciunt. At genus rei sanè ad formam ejus pertinet, ut actio ad Sacramenti, qualitas ad caloribus, quantitas ad numeri & magnitudinis, actio ad justificationis. &c. Ita se per obedientiam fidei ipsam fidem, quâ opus nostrum s. actus obed. nobis à DEO præscriptus, gratiaq; divinæ auxilio à nobis præstitus est, intelligere aiunt. Ubi sanè fides & obed. fidei unum est. Similiter *Corvinus c. Tilen. f. 61.* fidem obed. à DEO requisitâ esse asserit. *Apologia item c. 10. p. 114.* nec ciccum interdum aiunt, an formam fidei Obed. voces, an effectum, fructum, foetum, sine quo esse nequeat. Quantulum hoc sit? Litem de respectibus Metaphys. aiunt. Ac *Socinista* inter fidem & obed. seu causam & effectum distinguere didicerunt, ut ex *Slichring. c. Meissn. d. 1. p. 326.* Et in cap. 11. *Hebr. v. 8. 9. Socino c. 17 præl. Smalcio c. Fran. d. 6. t. 63.* constat. Et tamen obedientiam veram fidei formam docent. Ac *Armin.* in negotio justificationis eam ut opus s. actum nostrum spectari docent, ut c. l. alibi que patet. Quod ipsum & *Socinista* volunt. Hastenùs ergo illis consentiunt.

II. Falsò omnia. 1. *Quia* in justificando perpetua fidei & operum apud Paulum est oppositio. Credenti, non operanti, *Rom. 4. v. 3.* Fide, absque operib. *Rom. 3. v. 28. C. 4. v. 6.* Non ex operibus, sed per fidem, *Gal. 2. v. 16.* Non ex operibus justitiæ, sed sua misericordia, *Tir. 3. v. 5.* Et si generaliter fides obedientia in sacris vocetur, t. 4. Specialiter tamen ut obed. opus à fide manans & consequens est, in justificando fides & opera opponuntur. 2. *Quia* legis & Evangelii distinctio idem requirit. Lex non est ex fide, *Gal. 3. v. 2.* Sed Justitia Evangelii est ex fide in fidem, *Rom. 1. v. 17. C. 3. v. 22. Gal. 3. v. 10.* 12. 13. 3. *Quia* author ad Hebræos fidem definiturus non per obed. sed hypostasim seu substantiam & firmam fiduciam describendam censuit, *Hebr. 11. v. 1.* Prout vox ea tali sensu *Psal. 39. v. 8. Hebr. 3. v. 14. 2. Cor. 9. v. 4. 11. v. 17.* sumitur, Et per eam Abrahamum obe-

divisse demum ait, *v. 8.* 4. *Quia* exempla justificatorum idem docent, ut publicani, qui peccata confessus, *Luc. 18.* Mulieris peccatricis voci Chriobed. remittuntur tibi pec. tua, *Luc. 7. v. 48.* Et latronis in cruce verbo Christi credentis, *Luc. 23. v. 48.* Aliorumque, in quib. bona opera nondum fuerunt, sed postea demum sequi debuerunt. Quæ in contrarium moventur, alibi solvuntur. 5. *An Obed. nostra justificationis causa sit?* Ita aiunt *Sociniste. V. Socinum d. justif. p. 17. aliosq.* Falsò. 1. *Quia* eadem Scriptura opera nostra à justificando excludens & obedient. nostram excludit, hæc n. propriè opus est, & in illis consistit. 2. *Quia* unius obed. Christi iustitia super omnes venit, *Roman. 5. vers. 18. 19. cap. 3. v. 20. 22. 2. Cor. 5. v. 21.* E. non nostra. 3. *Quia* Christi sanguini nostra justificatio adscribitur, *Rom. 3. v. 25. c. 5. v. 9. Ephes. 1. v. 7. Col. 1. v. 14.* At si nostrâ obed. eam habere possemus, effusione sanguinis Christi opus non fuisset. *Gal. 2. v. ult.* 6. *An obedientia Evangelio præstita vera ac filialis sit, sive ex promisso vite etern. sive ex comminatione mortis at. sive ex utroq.* oriatur? Affirmant *Arminiani Apol. c. 11.* Sed ex falsâ hypothesis, quasi æterna hæreditas ex obedientiâ præceptorum accipiat. Quæ propriè hæreditas est, & gratis ut donum DEI obtinetur, *Rom. 6. v. 23.* Non obedientiâ nostrâ. Merces quidem dicitur, sed indebita & gratiæ, *Matth. 5. v. 46. Luc. 6. v. 33.* Non debita & merita ex obedientiâ, ut latiùs con. *Pontif.* alibi docetur. Et verè filii ita obediunt DEO intuitu præmii, ut inprimis DEVM ob semetipsum ament, non ob commodum proprium. Inquè eo à servis ac mercenariis distinguuntur. Qui n. DEVM ob aliud amat, potius illud, quàm DEVM amat. Primaria radix obed. est, DEVM ob Deum amare, secundò ob præmia aut promissâ, Vt *Augustin. l. 5. d. C. D. C. 22.* deducit. Ipse DEVS merces nostra magna nimis dicitur, *Gen. 15. v. 1.* Summum bonum & sum. finis omnium est, Schaddai & sufficientia ipsa, ad omnia in omnib. nobis sufficiens, *Psal. 73. v. 25.* Ob seipsum ergò maximè colendus, ipsique obediendum est. Sufficis tu DEO, sufficiat tibi DEVS, ait *Augustinus.* Sic *Philippus ad Christum, Ostende nobis Patrem, & sufficit nobis,*

Joh.

Joh. 14. v. 8. Et hoc prisci Rabbinī ac Hebræi etiam agnoverunt, ut *Antigonus Socheus*, qui absquē spē mercedis Domini iussū exsequenda præscripsit, ut *R. Moyses & Joseph Ben Albo* scopum ejus explicant, etsi discipuli ejus, *Zadoc & Baytos*, perversē id detorserint, & aliam post hanc vitam eum negasse inde collegerint, ut *Manasse B. Israel L. 1. d. res. mort. c. 6. Et probl. d. Creat. tradit.*

12. 7. An necessario nexa sit persuasio & notitia de salute non consequenda, sed potius gehennā incurrendā, si non obediat & quis piē vivat? Affirmant iidem *Armin. Apol. c. 11. p. 112.* Præeuntib. *Socinianis* ut *Socino d. caus. fid. Quem* Tractatum commendare solent, & *p. 4. d. serv. c. 3.* Falsō & hoc. **1.** Quia veram & salvificam fidem hoc demū consequitur, ut necessario fundat opera & obedientiam, *Rom. 5. 8. Gal. 5. 6. Jacob. 2. & alibi.* At ea longē plus est, quā talis de salute aut perditione persuasio, viva nempe notitia & fiducia gratiæ in Christo, ut alibi docetur. Beatitudo ejus est, cui Deus non imputat peccatum, *Psal. 32. Rom. 4. v. 5.* Non qui solū de æt. vitā persuasus est. Nec solis promissionibus præmii cœlestis cœlum ingredimur, ut *Socin. & Armin.* putant, sed plura requiri *Joh. 17. v. 3.* patet, & alibi docetur. **2.** Quia experientia testatur, multis talem persuasionem firmam esse, qui tamen nec piē vivant, nec vivere cupiant, quōd obstacula pietatis, quibus irretiti, tollere nolint aut nequeant. **3.** Quia cum notitiā intellectus, qualis persuasio ista, non necessario nexa est obedientiæ & consecutio voluntatis, nec præcisē ab intellectu practico ea ita determinatur, ut sequi cogatur, sed perpetuō libera manet, & obedire & non obedire potest, ut in Ethicis doceri solet, & *dec. 3. Misc. d. 2. t. 11.* ostensum, ubi & quæ in contrarium moveri solent, soluta. **8.** Quis sensus, cum Christum ex in, quæ passus est, obedientiam didicisse dicitur *Hebr. 5. v. 8?* Cum potius ex obed. passionem didicisse dicendum videatur? Quia nempe humanitūs & respectu nostri loquendo Obed. Christi Patri semper præstita eo ipso luculenter ostensa ac declarata fuit, quōd usque ad mortem crucis ignominiosissimam sponte se demiserit, eoquē apertissimē ostenderit, se obedientiam perfectē didicisse, ac factō ipso Patri perpetuō exhibuisse, nobisq;

exemplum reliquisse, quomodo in prosperis & adversis DEO perpetuò obedire debeamus, *Hebr. 2. v. 12. C. 13. v. 14. 1. Pet. 2. v. 21. 9. Annova obedientia pœnitentium pars pœnitentia propriè loquendo dici possit?* Affirmant *Philippus ap. A. C. & exam. Ordinand.* Sed laxo sensu & cum quadam emolitione, Post eum *Pezelius, Philippista, Majorista, Socinista, Smalcus c. Franc. d. 2. d. pœn. f. f. Ex Lutheranis Cramerus arg. Psal. 51. Chyrræus in Catech. Sim. Pauli, alique* simile quid interdum habent. *Alii* voces distinguunt de proposito & actu, ut *Hülsemann. brev. c. 9. Stegman. d. 43. Phot. q. 4.* Item de pœnitentiâ stantium & lapforum, ut *alii.* Accuratè loquendo fructus ejus est, non pars, & sic à Scripturâ, *Matth. 3. v. 8. Luc. 3. v. 8. Act. 26. v. 20. Et August. Confess. 4. 12.* appellatur. Et ex *Socinistis Schlichting. c. Meisn. q. un. p. 32.* concedit. Fructus a. consequens rei propriè est, non pars. Contritio & erectio propriè partes pœnit. sunt, ut *Epir. Th. l. 2. c. 5.* dictum. Neutrum nova obedient. est. Siclatro in cruce verè pœnituit, Contritionem & erectionem exseruit, Sed novam obedientiam eo tempore exserere non potuit. *Luc. 23. v. 42.*

13. *Subjctum Obed. est, Cui ea competit ac inesse potest.* Hoc omne suppositum Intelligentis naturæ est, *r. 7.* Bruta, inanimata, insensata, impropriè obedire dicuntur, *r. 4. 15.* DEO obedientiâ Nemo tribuere solet. Imperium enim in omnes & omnia habet, Cui obed. omnes debent, Ipse nulli. Cum nullus ullum jus in eum obtinere possit, *Esaï. 40. v. 12. seq. Job. 41. v. 2. Rom. 11. v. 35.* Si creaturæ obedire dicatur, admodum æquivocè fit, *r. 15.* Cœteris obedientia adscribi solet. Ita partim DEI filius, partim angeli, partim homines hoc sunt. DEI filium, hoc est, Chrum Deo Patri obdivisse in sacris sapius dicitur, *Esaï. 50. v. 5. Job. 15. v. 11. Rom. 5. v. 19. Phil. 2. v. 8. Hebr. 5. v. 8. C. 10. v. 7.* Interdum obedientia Chri in sacris dicitur, quam nos erga Chrum exhibemus, ut *2. Cor. 10. v. 5.* Ut genitivus Objecti sit, erga Chrum, non subjcti. Sic Chrus pernoctans in Oratione DEI, *Luc. 6. v. 12.* h. est, ad vel erga DEUM. Hic obed. ab ipso Chro exercita notatur. Et de eo, quæ homo fuit, explicari solet, ac sine Controversiâ est. Quæri tamen de eo

de eo solet 1. An & ut DEUS Patri obedire dici possit? Affirmat Cyrillus l. 10. thes. C. 8. ex 1. Cor. 15. v. 28. Sed illud rectius subordinari, quàm subijci reddi in Apol. pr. Trin. t. 46. monui, Hilarius obsequium & obedientiam filio DEI ad Patrem tribuit L. d. Synod. Et L. 4. & 5. d. Trin. Basilus & Epiphanius alijsq; similia habent, ut multis Dorscheus d. Conc. Syrmien. s. 3. C. 4. deducit. Flacius eum obedire Patri dixit Clau. Voc. Jehova. Item Formula Concordia art. 3. Reprehensum in eâ hoc fuit à Bellarmino Iudic. d. Fo. Con. er. 1. & bre. Apol. er. 1. Sed defensum à Wirtembergicis resp. ad jud. Bell. er. 1. In Cansione, Nun fremet euch / canitur v. 6. Der Sohn dem Vater gehorsam war / Er kam zu mir auff Erden / etiam de filio ut DEO intelligendo; Omnesq; Lutherani For. Concord. absolutè recipientes ac mordicè in omnibus ei adhærentes affirmare coguntur. Cæterorum moderatiùs ei adhærentium alia ratio esse potest. Arius olim docuit, Chrum patre esse minorem, eoq; non imperare, sed imperia Patris excipere & exequi, ut Ambrosius in Luc. 5. v. 12. Et Lapide in Matt. 8. v. 3. notant. Ariam Chrum ut DEUM & Verbum obediuisse dixerunt, Ut Idem Phil. 2. v. 8. tradit. Si obed. proprio sensu sumatur pro affectione, quâ subditus superioris sui mandata exsequitur, nequaquam id dici potest. 2. Sic enim obedire semper inferioris ad superiorem, & minoris ad maiorem est, ut imperare superioris, Cui parere dicitur is, qui obedit. Filius a. DEI ut DEUS perfectè æqualis Patri suo est, ut, unus idemq; Deus ei; ὁμοῦς ὁ αὐτῷ. Inter æquales a. nunquam veri nominis obed. est, sed Communio tantùm, consensio, ὁμόνοια, & in Trinitate ὁμοουσία 2. Si filius DEI ut DEUS Patri obedit, utiq; ut DEUS à Patre distinguetur. Hoc enim significatur voce ut, Chrum, qui persona divina est, obedire Patri secundùm deitatem. Quomodo homo ut Musicus canit, ut Medicus curat, hoc est, secundùm formam & scientiam Musicam canere, & Medicâ curare dicitur. At sic alius Deus Pater, alius filius erit, & sic duplex deitas & deus erit, non unus tantùm verus Deus erit. Constat a. Patrem esse verum DEUM. E. filius non erit verus Deus

DEUS, nec Patri *quæritur* ut in Niceno Symbolo tamen *confitemur*. Qui enim obedit, distinguitur ab eo, cui obedit. Inde Christus qui secundum deitatem obedit, secundum deitatem à Patre distinguitur. Sic non unus cum Patre Deus manebit, sed alius Deus obediens erit, alius, Cui obeditur.

14. *Dices 1. Alia persona* hic sufficit, quæ obedit, alia, cui obeditur. Et sic in Trinitate alia & alia persona est. R. Non sufficit, sed & formale significatum termini adesse oportet, quod hic est deitas, Cum Christus quæ Deus s. secundum deitatem obedijsse Patri dicitur. De hoc enim formali quæstio propriè instituta est. Et sic alia deitas, quæ obedit, erit, alia, cui obeditur, ac duplex deitas erit, & filius quæ Deus à Patre diversus erit. Actiones quidem & passionis suppositorum & personarum esse certum est. Sed cum de certo formali in personâ aut supposito queritur, non sufficit personam nominare, sed præter eam & formale illud exprimere oportet, secundum quod aliquid ei convenire vel non convenire dicatur. Quod hic deitas Christi est, Cum in Christo duas formas vel naturas, divinam & humanam esse, confiteamur. Et determinare quæramus, an & secundum deitatem filius Dei Patri obedijsse dici possit. 2. *Filius DEI* ut Deus à Patre in mundum missus est, ut carnem assumeret, & in eâ mundum ac genus humanum redimeret. *Joh. 3. v. 17.* Et hoc filius executus est, Patriq; obedivit. Et sic etiam ut Deus obedijsse dicitur. R. *Missio* non semper inferioris ad superiorem est, ut cum herus servum, præceptor discipulum mittit, quomodo Ariani olim ex missione inferioritatem filij ad Patrem colligere voluerunt: *Sed quandoq; paris ad parem est*, quomodo amicus amicum hortando mittit, Et superioris ad inferiorem, quomodo hic superiorem orando mittere potest, Vt discipulus præceptorem, servus herum ad negotium aliquod expediendum exorare potest, Vrbis aliqua Regem & Principem ad legationem magni momenti mittere potest. Sic Filius mittit paracletum à Patre, *Johan. 15. v. 26.* Nec paracletus inferior Christo est, aut illi obedire propriè dicitur.

15. *Misio in divinis non jussionem aut imperium, sed processionem & originem unius persona ab aliâ cum novi effectus connotatione significat.* Augustinus filium mitti esse filium nasci, & Sp. S. mitti esse Sp. S. procedere ait, *L. 4. d. Trin. C. 19. 20.* Misio est *vel per imperium*, quomodo æger à Medicis ad capiendam Medicinam in thermas mittitur, vel qui à superiorib; instruuntur, mittuntur, *vel per naturalem productionem*, quomodo arbores flores, ramos, fructus emittere dicuntur, *vel per hortatum & rogatum*, quomodo scilicet advocatus mittere potest. Si Obed. vocem largius sumas pro qualibet consensione, executione, expeditione, promptitudine, quâ promptè & alacriter capesitur aliquid & expeditur: Ita & filium DEI ut DEUM Patri obediisse dici potest, h. e. voluntatem ejus promptè expediisse, ei consensisse, eadem cum ipso voluisse. *Joh. 5. v. 30. C. 6. v. 38.* Ita omnes Creaturæ DEO obedire dicuntur, *Sir. 39. v. 37. C. 42. v. 24.* Ventus & mare Christo obediunt, *Matth. 8. v. 27. Marc. 4. v. 41. Luc. 8. v. 25.* Leones, lupi, serpentes, fluvii, sanctis obediunt. *V. Beyerling. Poly. Voc. Obed. l. 13. p. 8.* Canes assuefacti heris ad jussa obedire solent. Corvi Eliæ & Paulo eremitæ obediunt. *Lapide 1. Reg. 17. v. 6.* Adamus voci Evæ obedivit, *Gen. 3. v. 17.* Et superior illâ. DEUS voci hominis obediisse dicitur, *Jos. 10. v. 14.* Deus fervorum suorum precibus obedit, ait *Author d. mirab. Scri. ap. Augustin. T. 3. L. 2. C. 4.* Et tamen illis superior. *V. t. 4. Tertullianus?* unum *Joh. 10.* ad obsequium filii, qui voluntati Patris obsequitur, pertinere ait *c. Praxeam, Vt Meth. d. Trin. t. 31.* allegavi. Obsequentia a. latior Obed. est, *t. 6.* Hæc obedientia prorsus impropria est. Et sic Patres quidam locuti, *V. t. 13.*

16. 2. *An & Patri non obedire, & ab eo dissentire, adeoq; peccare potuisse Christus dici possit?* Affirmant Arminiani in *spec. calum. f. 2. n. 18.* Et *praf. p. 31.* Et *Apol. C. 17.* *Episcopus resp. ad def. Cameron. C. 13.* Sociniani Christum etiam pro seipso suisque infirmitatib; & perpeffionibus, quæ peccata improprie dicta, DEO obtulisse asserunt ex *Hebr. 7. v. 27.* Socinus *pral. C. 29.* *Smalcus d. div. Chr. Slichting. ad Hebr. 5. v. 2-3. C. 7. v. 27.* *Crellius* Christi carnem omnes occasiones ad pec-

candum invitare ac irritare potuisse, quæ nos possunt, ait, *l. 2. d. un. Deo, f. 3. p. 521.* Volkelius etiam non alienus *L. 4. d. relig. C. 21.* Olim Nestorius simile quid dixit, ut ex Cyrillo anath. 10. sumi potest. Confer *Lapide in Ephes. f. v. 2.* Et ex Scholasticis Scotus, Biel, Bassolis, Gabriel, ad 3. sent. d. 12. q. 1. 2. Molina p. 1. q. 14. Bellannus d. actib. supernat. aliqz idem sentiunt. Durandus strenuè illud defendit q. 2. ad c. l. Et communiter omnes Scoti discipuli consentiunt, ut Rada p. 3. Controv. 4. a. 3. tradit. Piscator Christum sanctè vivendo justificatum scribit, ut Affelmann. ei tribuit d. justis. t. 2. Sic Christus peccator fuisset, & peccatorum remissione eguisset, quod valde absonum. Nobis n. à DEO justitia & sanctimonia factus est, *1. Cor. 1. v. 30. Sed Falsè & absurdè omnia ista. 1. Quia* consubstantialis filius Patri est in omnib. adeoq; ipsa essentialis sanctitas & rectitudo est. At talem non obedire aut refragari posse DEO Patri impossibile est. Ipsa sanctitas aberrare aut peccare non potest. Peccabilis a. esset, si non obedire posset. 2. *Quia* etiam Christus ut homo sanctus sanctorum est. qui in tempore ungi debuit, *Dan. 9. v. 24.* seu sanctitas sanctitatum, ut ex Hebræo reddi solet. Nam qui ad templum secundum illa cum R. Salomone & Thalmudicis detorquent, vanè & Contradictoriè textum depravant. qui apertè de Messia loquitur, ut præcipui Rabbini fatentur, ut alibi dixi, *Passional. t. 13.* At talis dici non potest, qui peccare & DEO non obedire potuit. 3. *Quia* Christo etiam ut homini spiritus datus est non ad mensuram, *Joh. 3. v. 34.* Cui a. immensa Sp. S. dona concessa sunt, ei & justitia ac sanctitas immensa competit, & axiomata divina conveniunt, divina virtus, sanctitas, gloria. Ac cui hæc competunt, quomodo ille peccare, aut DEO non obedire poterit? Et quomodo divina sanctitas cum peccato vel peccandi potentiâ consistat? 4. *Quia* Christus segregatus à peccatoribus Pontifex sanctus, innocens, impollutus est, qui non habuit necessitatem prius pro suis delictis offerendi, ut cæteri habuerunt, *Hebr. 7. v. 26. 27.* Et quem Nemo de peccato arguere potuit, *Joh. 8. v. 46.* At tales tituli malè ei tribuentur, qui DEO non obedire potuit. Ab peccatorum n. consortio eximitur, ut qui pec-

care

care non potuerit. Nec in carne peccatrice, sed similitudine tantum carnis peccati venit, *Rom. 8. v. 3. 5. Quia fomes, fons, & origo pecc. in Christo locum non habuit, ut qui è Sp. S. conceptus, & ab ipsa conceptione sanctus, ac à peccati contagio immunis extitit, Luc. 1. v. 35. Eoq; peccatum in ipso locum habere non potuit. 6. Quia persona Verbi substantialiter humanitatem sibi conjunxit. E. & eam dirigit ac gubernat, & in illà directione deficere non potest. E. humanitas sic directa peccare non potest. Etsi n. lege aut præcepto Verbum ad dirigendum non obligetur; ex essentiali tamen bonitate & naturâ sic obligatur. Quomodo DEUS seipsum negare non potest, etsi ab alio legem non accipiat, 2. Tim. 2. v. 13. 7. Quia Patres & Scholastici plures communiter id docent. Damascen. l. 2. d. fide, C. 13. Confitemur Christum habere omnia, quæ Adam primus, solâ exceptâ peccantiâ, h. e. peccandi facultate, ut Interpretes exponunt. Nam nec peccatum facere potuit. Lombardus L. 3. sent. d. 12. lit. D. Thomas ibid. a. 2. Capreolus c. 1. Ariminensis 1. diff. 42. q. 2. Becanus p. 3. Th. sch. tr. 1. C. 12. q. 3. Et C. 13. q. 4. Et Thomista communiter. Lapide 2. Sam. 7. v. 16. In Job. 8. v. 46. C. 10. v. 18 C. 14. v. 3. I. C. 17. v. 17. I. Pet. 2. v. 22. I. Joh. 3. v. 5. Sir. 24. v. 12. Ac ex ipsis Arminianis Apologia Remonst. C. 17. p. 190. se non id affirmare audere ait, etsi Scholastici quidam affirmarint, fieri potuisse, ut Christus legi divinæ non obediret, & sic non obediendo peccaret.*

17. Dices I. Unio ad Verbum nil aliud humanitati dat, quam substantiam & personalitatem, ut in naturâ Verbi subsistat, & cum eâ unam personam faciat. At ex hoc nulla Physica repugnantia ad peccandum est. R. Sufficit, si hyperphysica & supernaturalis sit, eò quòd intimè in ipsum esse Verbi humanitas suscepta est, Vt unam cum eo personam faciat, & consequenter omnis plenitudinis deitatis corporaliter particeps facta sit, Col. 2. v. 9. Atque ita homo ille à parte rei sit ipse DEVS Verbum, actioq; naturæ illius verè actio DEI sit. In talem a. naturam ita cum Verbo unitam peccabilitas cadere non potest, nisi simul Verbum, quod eam suscepit ac terminat, peccabile facere velis, quod blasphemum. 2. Si unio impeccabi-

cabilem carnem facit, E. & immortalem facit. *R. Non mori* potuit scil. ex peccato proprio. Aliàs ex alieno & imputato mori potuit, ex peccato nostro, nempe quod expiandum suscepit, & sic mortalis illa Caro fuit. Sic enim mortem & pœnam pro nobis subiit, ut mediator ac sponsor noster, ut nostrum peccatum ita aboleret: Sed mereri pœnam peccato non potuit. Sic n. satisfacere non potuisset, si ipse pœnas meruisset. Mors pœna tantùm est peccati: At peccatum culpa ipsa, illegalitas, ac difformitas cum DEO est, quam committere non potuit, & à quâ Verbum carnem suam propriam conservare debuit. Mors honesta & utilis esse potest, Culpa non. *Sed & negatur Conseq.* Quia diversa ratio est. Mors dissolutionem animæ à Corpore tantùm infert, adeoq; unionem naturalem modò soluit, non personalem. At peccatum auersionem à DEO importat, & moralem cum DEO dissolutionem infert, quæ in naturam hypostaticè Verbo DEI unitam cadere nequit, ut quæ unam cum eo hypostasim facit. Quomodo ea à Verbo vel à DEO per apostasiam, prævaricationem, aut peccatum auerti possit? 3. *Sola unio* non est principium operandi. E. nec à peccato præservandi. *R. Non est præcisè & in se solitariè spectata:* Consequenter tamen, quâ totam plenitudinem deitatis in carne illâ corporaliter habitare facit, *Col. 2.* Et sic sanctitatem, potentiam, gloriositatem, & beatitudinem Carni conciliat, quibus consequenter à peccando immunis esse cogitur.

18. 4. *Si angelus* hominis naturam assumat, & illa natura per propriam voluntatem peccet, culpa non angeli, sed voluntatis humanæ erit. Idem de humanitate à Verbo assumptâ dicendum. *R. Si talem* angelus assumat, gubernare illam tenebitur, quantum in se erit, ne peccet. Si sua negligentia eam labi permittat, quod impedire debuit & potuit, Culpa ipsi imputari poterit. Si quantum ex se est, faciat, & impedire non possit libertatem humanitatis, tum culpa soli humanitati, non angelo, imputabitur. Verbum a. divinum potest omne peccatum in naturâ assumptâ impedire, & ex sanctitate sua facile illud avertere volet, *f. Conceptio Christi ex Sp.*

S. ra-

S. rationem dicit, quâ illa productus fuit. At productio per Spiritum segregantem à communi modo concipiendi illam, ad peccabilitatem aut impeccabil. nil facit, quæ naturam integram jam productam, non productionem ejus respicit. E. nec impeccabilitas ex eâ præcisè colligenda. R. *Rationem dicit*, quâ productus fuit, & simul segregationem & affectionem, quòd sine omni peccato productus fuerit. Eo ipso n. hæc Conceptio à communi modo segregata fuit, ut sancta Caro conciperetur, & quod è Maria nascitur, sanctum sit, ut angelus ad Mariam dicit, *Luc. 1.* Nostram naturam in ipsâ conceptione peccato infici David suo exemplo testatur *Psal. 31.* Conceptio fecit, ut sanctû ex Mariâ statim prodiret, non demùm sanctû deinceps evaderet, 6. *Christi natura* humana eadè est cum nostrâ, h. e. liberâ voluntate prædita. E. & voluntas libera ac indifferens ad peccandum & non peccandum mansit. R. *Natura Christi* per omnia nobis similis, sed excepto peccato, *Heb. 4. v. 15.* Consequenter peccabilitate. Tò Excepto latiùs sumendum, ut & peccati causam excludat, quæ vis ad peccandum est. Nec hæc propriè affectio & proprietates humanitatis, sed defectus & imperfectio ex peccato adnata & inducta est, quæ deformat naturam, non perficit. *Falsum etiam*, ad libertatem requiri, peccare vel non peccare posse. Nam Deus liberrimum agens, & peccare nullo modo potest. Angeli boni libera agentia, & in bono ita confirmati, ut peccare amplius non possint. Et obedientiam illis *Bernhardus* adscribit *serm. in Fest. Martini*, ac ex eo *Nojarinus adag. sci. n. 578.* Sic beati cœlites in vitâ æt. amplius peccare non poterunt, & summè liberi pro isto statu erunt, *V. Michael. t. 36. 60.* Ac *Lombardum* jam suo tempore rationem hanc solventē, *l. 3. d. 12. lit. D. adi.* Eminentior hæc libertas est, quàm in homine adhuc peccandi facultate obsepto. Quò liberior natura, eò magis à propensione peccandi immunis est, ut divina, angelica, & beatorum in Cœlis. Non voluntas aufertur, cum in eâ benè velle generatur, ait *Prosper c. Collat. C. 12.* Ita fidelium obedientia necessaria in causâ suâ, fide, quia necessariò illi nexa. Et tamen in se libera, ut ipsi *Arminiani* fatentur *C. 11. apol. s. 2.* Diaboli liberè

peccant, & non tamen possunt non peccare. Christus ut viator in hac vitâ scientiam infusam habuit, ut nos fidem habemus, & secundum eam liberè actum amoris ac obedientiæ elicere potuit vel non elicere pro arbitrio, ut & nos liberè similes actus elicimus. Vnde libenter voluntatem DEI fecisse dicitur *Psal. 40. v. 7. Hebr. 10. v. 7. seq.* In hoc libertas sufficienter servatur, non opus, ut obedire ac repugnare simul potuerit. Sic angeli boni liberè eosdem actus eliciunt, nec tamen inobedire aut repugnare DEO possunt.

19. 7. *Natura unita ad rectè operandum gratiâ adjuvante & cooperante indiget, non minùs ac purus alius homo in naturâ suâ consideratus.* E. nulla repugnantia est, ut & unita verbo à Verbo deviare possit. Seclusâ n. illâ gratiâ, quæ liber DEI concursus supernaturalis est, natura illa deficere potest. *R. Negatur Consequentia.* Quia vi unionis natura illa perpetuò à Verbo ex naturâ infinitæ suæ sanctitatis ac bonitatis dirigetur, *1. 16.* Et in illo dirigendo nunquam deficere potest Verbum. E. & à peccando perpetuò immunem eam præstabit Verb. & sic per unionem impeccabilis ista Caro facta est. Et licet gratia adjuvans ex libero DEI concursu sit, tamen eundem propriæ suæ carni substantialiter sibi unitæ nunquam negare poterit Verbum, & sic perpetuò à peccato eadem immunis erit, quod impeccabilem esse est. 8. *Humanitas Christi per solam unionem non est potentior aut sapientior facta, & sic mansit ignorans ac fragilis, ut reliqui homines.* E. & ex ignorantia ac fragilitate peccare potuit, ut reliqui. *R. Non facta est per unionem solam & præcisè spectatam, benè tamen cum omnibus illis spectatam, quæ secum vexit, & quibus humanitatē illam instruxit, ut tota plenitudo deitatis in illâ habitaret, 1. 17.* Quomodo & omniscientiâ, potentiâ, gloriâ divinâ ex unione caro illa ditata est, Per consequens & à peccato prorsus libera effecta est.

20. *Christus in desertum à Sp. S. ductus est, ut à Diabolo tentaretur. Matt. 4. v. 1.* At hoc invalidum fuit, si prorsus peccare nō potuit. Tentatio n. libertatis ejus ad peccandum periclitatio esse debuit. *R. Propriè tentatio ad peccandum sollicitatio fuit, etiam si ipse*

ipse peccare non potuit. Doceri eo debuit, Christum à Sath. superari non posse, nec tentationibus ejus succumbere, sed ipsum potius Sath. superaturum esse. Satis ad tentationem, quòd impudentissimis Satanæ furoribus Christus se subjecerit, & eousque trueulentiam ejus passus sit, etiamsi ab eo vinci non potuerit. **10.** *Non multum* ad consolationem nostram in tentationib. faciet: Christum in omnibus similiter ut nos tentatum fuisse, si ipse peccare nullo modo potuit. At hoc tamen velut multum ad solatium nostrum faciens refertur, quòd per omnia ut nos, tentatus fuerit **Christ.** *Hebr. 4. v. 15. 16. R.* In eo solatium nostrum est, quòd Christus omnes nostras infirmitates suscepit, omnem culpæ pœnam in se transtulit, execrationem ac maledictionem à Nobis in se derivavit, à Sath. nullo modo superari potuit, sed triumphum de eo egit, spicula & tentationes ejus omnes pro nobis elisit ac discussit, Vt plenam de illis victoriam in Christo fideles reportare possint. Si n. Christus peccare, & à peccato superari potuit, non nos à peccato liberare potuit. qui ipse peccato subiacet, aliù ab eo liberare non potest. Ideò sanctum nobis Pontificem esse oportuit, *Hebr. 7. v. 26.* Nec ut nos vinci possumus, ita & eum posse decuit. Secùs & ut nos æternùm perire potuimus, sic & ipse potuisset, quod blasphemum. Et ad informationem nostram ea omnia faciunt, Vt post baptismũ tentationibus infestati non turbemur, sed viriliter sustineamus, & sub Christo pugnemus ac vincamus. Non n. eò arma nobis data sunt, ut otiemur aut fugiamus, sed ut pugnemus, Vt *Chrysostom. hom. 13. in Matth.* deducit. Et cum dux pro nobis præjuerit ac vicerit, eò fiducialius nos sub eo pugnam inire, & victoriam sperare queamus.

21. 11. *Non opus* fuit Christum ab angelo contra tentationes, quibus instante passione invasus est, confortari, si illis cedere aut succumbere non potuit. Sed id tamen factum legitur *Luc. 22. v. 43.* Ergò. **R.** *Non idèò* id factum, ne impatientiã animi delinqueret, aut tentationibus succumberet, Cujus periculum hic nullum fuit, sed ut peccata totius humani generis, iram DEI, maledictionem, ac pœ-

ac poenas ipsis debitas se suscepisse ac gestare ostenderet, pondusq; illud, sub quo alijs succumbendum planeq; desperandum fuisset, considerandum exhiberet, sicq; se coram iudicio DEI trepidare, angore ac tristitia pro nobis affici doceret, & gravitatem peccati estimandam sisteret, quæ tantis angoribus vindicanda maneret, & si pravaricari, delinquere, aut succumbere in illis tentationibus nullo modo quiverit. Homo factus ut propter nos tristis, sic & propter nos confortatus, ne nos succumbamus. Non sua, sed nostra vulnera dolet, non suam mortem, sed nostram infirmitatem, ut in tantis perpeffionibus Patrem nostrâ causâ eum versari voluisse indicaret, Omnia perpeffus, ut ab omnibus nos liberaret, timuit, ut nos à timore liberaremur, doluit, ut dolores à nobis abessent, ut *Beda, Ambrosius, Cyrillus, aliq;* loquuntur. Non contra defectum moralem peccaminosum Confortatio illa fuit, sed naturalem simplicis negationis, qui sine peccato esse potest. 12. *Si tibi* nequit Christus, nostra obed. præstantior ejus erit. Nos u. liberè obedimus, Cum ille necessariò. R. *Negatur sequi.* Non ideo libertas in Christo excidit, quòd peccare nequiverit, sed eminentior ac excelsior nostrâ fuit, ut & sanctorum angelorum & beatorum in vitâ futurâ, qui etiam im-peccabiles, r. 18. Et sic adhuc illa præstantior nostrâ est, quia ex libertate ab omni peccato exemptâ est, ut in Nobis in vitâ futurâ erit. Necesfitas cum libertate stare potest. Quomodo DEUS & angeli boni necesfariò benè agunt, & tamen liberè. Agere n. & non agere hoc aut illud possunt, & si non nisi bonum. Nec ita necesfariò Christus obedijt, quasi pro se aut propria personâ legi subiectus fuerit, sed totû illud nostri causâ præstitit, ut nos à maledictione legis liberaret, & adoptionem nancisceremur, Gal. 4. v. 5. V. t. 26. Sponte ergò & ultro nostri causâ legi se subjecit, unde possibilitas inobed. & peccati colligenda non est, quæ cum perfectissimâ sanctitate consistere nequit.

22. 13. Christus passionis calicem à se transire, sed Pater eum bibere voluit, Matt. 26. v. 39. 42. E. inter voluntatem DEI & humanam Christi repugnantia fuit. E. & repugnare DEO, & sic non obedire

obedire potuit. *R. Diversitas* propriè est, non repugnantia, Nec in Christo plena ac absoluta voluntas fuit, sed sub conditione, si possibile, & Pater velit. Vnde postea suam voluntatem plenè voluntati Patris subjecit, v. 39. Inefficax voluntas fuit, non efficax. Inter efficaces a. propriè est repugnantia, non inter efficacem & inefficacem. Velleitas magis naturalis ex naturali mortis horrore fuit, quàm voluntas. Nec circa idem objectum eodem modo spectatum fuit. Refugit mortem voluntate per modum naturæ spectatà, ut omne vivum naturaliter sui corruptionem horret. Appetijt eandem per modum rationis & cum deliberatione spectatà, & quà à Patre decreta fuit. Non quòd calicem bibere nolit, etiam supposito DEI decreto, quòd deberet eum bibere: Sic plenè Christus placito Patris obedijt, si omninò decretum, ut non nisi exhausto calice genus hum. liberaretur. Orare tamen potuit, ut si fieri posset, ut non exhaureret: Non decreto DEI repugnando, sed DEO committendo, fierinè posset, ut transiret calix, nec ne, & nihilominus genus hum. liberaretur. Non quòd decretum ignoràrit, aut falli ullo modo potuerit: Sed quòd fragilitas humana spontè assumpta calicem naturà horreat, in quo tamen voluntatem suam voluntati DEI plenè subjecit, nec perfectæ sanctitatis & obed. y. aliter facere potuit. Vtcunq; vi naturalis instinctus angebatur: per omnia tamen voluntati Patris se subjecit, nec aliter facere posse declaravit. In quo nulla ad inobediendū potentia. Voluntas simpliciter ad Objectū, passionem & tormenta, relata, naturaliter ea refugit: Ad Consiliū Patris & fructum passionis plenè se voluntati Patris submisit.

23. 14. *Christus* optavit Patrem desinere velle, quod voluit, eò quod pater id facere possit, si velit. Hoc ostendit, Christum tandem aliter velle posse, ac Pater velit, si hic in illa volitione persistat. At talis etiam non obedire posse dici potest. *R. Antecedens falsum est*, Non hoc Christus optavit, secùs actu Patri repugnasset, & non solum peccare potuisset, sed facto peccasset, quod blasphemum: Sed totam rem oratione suà Patri commisit, & ex communi piorum more ac carnis fragilitate desiderium Naturæ tantum

explicuit, quanto perè acerbum calicem ob iræ gravitatem, maledictionis atrocitatem, Judicii divini seueritatem, & carnis infirmitatem horreret, ac se ad hauriendum positrâ Patris voluntate, nec aliter eâ inflexâ, paratum esse profitetur, & omne placitum suum in sinum Patris cœlestis tandem deponit. Deprecatur calicem sub conditione, si Pater velit, non ut se posse etiam non velle quamvis Patre volente, ostendat: Sed si Pater aliter velit, & se calicem à se transire cupere significet. Si autem nolit, & bibi eum debere omninò velit, voluntatem suam voluntati Patris in totum tandem submittat. Hoc totale submittere non cum non obedire posse consistere potest. 15. *Expresè Christus ait*, Non mea voluntas fiat, sed tua, *Matth. 26. v. 39. Marc. 14. v. 36.* Et sic potuit velle, quod Pater non voluit, & à voluntate Patris dissentire. Secùs verba illa nullam vim & emphasin habebunt. R. *Negatur Consequ.* Eo ipso voluntatem suam plenè voluntati Patris submittit, & sic non dissensit. Totum sub conditione saltem voluit, si Pater vellet, t. 22. Quod propriè nullam dissensionem importat. Et sensum comparatum phrasis illa habere potest, non tam sicut ego vellem, quàm sicut tu vis, ut *ἑλω* more Hebræo pro *ἑλοιμ* positum sit. *V. Grotium in Matth. h. l.* Emphasis verborum in eo est, ut angor animi & naturalis sevæ mortis horror & velleitas aliqua naturæ insinuetur: Plenam voluntatem Christus Patri resignavit, & sic nulla repugnandi porentia inter voluntatem Christi & Patris remansit. Quæ plurib. *Thomas p. 3. q. 18. 21.* deducit. Ego aliqua *dec. 2. misc. d. 6. Corol. 2. & 5. adjecti.*

24. 16. *Appetitus sensitivus & naturalis in Christo horruit mortem, rationalis & Patris voluntas cupivit mortem.* E. hic ad minimum dissensio voluntatum Patris & Christi, & sic dissentire Christus potuit. R. *Inefficax* tantùm voluntas Christi refugit mortem, non efficax. Inter duas a. efficaces voluntates tantùm est repugnantia, non unam efficacem, alteram inefficacem, t. 22. Nec absolutè refugit mortem, sed sub conditione, si Pater velit. Id a. quod

quod certà tantùm conditione refugitur, & alià ratione tamen recipitur, non potest cum altero absolutè repugnare aut dissentire dici. Appetitus sensitivus naturaliter refugit mortem, scil. si non altiore principio decreta sit. Voluntas appetiit eam, quà decreta Patri fuit, & decretam esse novit. Hic conformitas potius & harmonia, quàm dissensio, & diversitas magis, quàm contrarietas aut non obedientia est. Non n. voluntas circa idem objectum eodem modo spectatum se habuit, *1. 22. 23.* 17. *Ignoravit Christus* homo quædam, ut diem iudicii, *Marc. 13. v. 32.* Item sicum fructu carere, *Matth. 21. v. 19. Marc. 11. v. 13.* Si ignorantia ei tribui potest, Cur non & potuisse deficere aut exorbitare? *R. Non est parvasio.* Ignorantia quædam naturalis & sine peccato est, ut quæ subiecto non competat, ut infanti cognitio Metaphysicæ aut Physicæ: Peccare posse illegalitas ac defectus probrosus est, eoq; naturæ DEO hypostaticè unitæ, & in communionem infinitæ sanctitatis receptæ non convenit. Ignorare aliqua Christus in exinanitione potuit, ut Naturalis homo: Peccare & exorbitare non potuit, ut sanctissimus homo. 18. *Christo non* repugnavit dolorosum, miiserum, passionibus subiectum esse, ut in passione. E. nec peccabilem esse aut dissentire à Patre posse. *R. Negatur sequi.* Dolorosum esse est affectus aut defectus naturalis, qui vel bonus, vel indifferens esse potest. Peccabilem esse est defectus moralis ac vitiosus, qui Christo competere non potuit. Et Christus dolorosus ob alios fuit, quorum peccata in se luenda suscepit, ut nostra, non quòd ipse peccandi radicem in se habeat, aut habere potuerit. 19. *Renatus à voluntate DEI* dissentire & aliud velle potest, *1. 35.* Cur Christo id negetur? *R. Potest, sed sine peccato, & sic etiam Christus, si dissentire Patri potuisset, sine peccato fecisset, & sic citra inobedientiam. Sed negatur & Consequentia.* In Christo n. longè major & alterius generis sanctitas & innocentia ex unione cum Verbo fuit, quàm in ullo renato esse potest, *1. 16.* Qui imperfectè renatus hic est, languidà, vacillante, molestà, ac in multis deficiente sanctitate sanctus, *1. 36.* Quæ omnia in Christo contrà sunt, qui sanctus sanctorum

fuit. 20. *Christus aliquo modo non conformis voluntati DEI comitanti esse potuit, quâ ad actus etiam malos DEUS concurrere vult, quia velle ac conari potuit, ut homines à peccatis cessarent. Et sic DEUS non ad actum peccati concurreret, quod tamen vellet. Christus a. id nolle. E. etiam dissentire ab eâ voluntate potuit, & sic etiam non obedire. R. Negatur Consequ. Illa non conformitas in tali casu sine peccato fit, ut & in renato est, qui hoc modo etiam nolle potest, quod Deus vult, t. 35. Sed inobeditio vel repugnantia voluntatis Dei semper peccabilis est, & peccandi potentiam prærequirit, eoquâ in Christo locum habere non potuit. Vt t. 16. visum. 21. Adamus fuit typus Christi ut Adami secundi, 1. Cor. 15. Sed ille etiam in innocentia statu peccare potuit, liber n. creatus est, & factus postea peccavit. E. & Christus potuit peccare. R. Fuit typus Christi, quâ caput & radix totius generis humani fuit, quod peccante eo & ipsum peccavit, Rom. 5. Non a. in omib. attributis statum generis non concernentib. Inter quæ peccare posse fuit. Alias & sic arguam; Adam apostatâre à DEO & perire potuit, & factus apostatavit. E. & Christus ita potuit. Quod de eo non valet, Psal. 16. v. 8. Adamus in morte manere potuit, non Christus c. l. Libertas non semper ad peccare posse est, t. 18.*

25. III. *An obedientia Christi Patri præstita libera fuerit, ac coacta? Prius Arminiani aiunt Apol. C. 17. p. 189. seq. Posterius Socino & Socinistis tribuunt. Liberam fuisse dici potest, nisi Armin. aliud eo subintelligerent, talem nempe fuisse, ut & non obedire, ac oneri & provinciae susceptæ se subducere Christus potuerit. Hocn. liberi voce propriè subinnuunt. Id autem falsum esse t. 18. seq. ostensum. Libera fuit, sed ut certo modo necessaria fuerit, nec aliter Christus agere potuerit. Neque hæc ita absolutè opposita sunt, ut non simul stare possint, ut DEI, Angelorum, & beatorum hom. in vitâ æternâ exemplo t. 18. ostensum est, quorum libertas præstantior nostrâ est, etsi ad bonum tantum determinata. Sic obedientia fidelium libera, & tamen ex causâ suâ, fide, necessaria, Vt c. l. dictum, Quod ex naturâ præmii & mercedis libertatem deducunt, quam*

quam Christus pro obedientia sua tulerit, *Phil. 2.v. 8. seq. Hebr. 2.v. 9.* alibi in *Theolog.* deducitur. Proprie loquendo Christus sibi nihil meruit, non n. sibi, sed nobis natus & datus est, *Esa. 9.v. 6. Gal. 4.v. 4.* Adeoq; nec primum proprie pro se retulit, sed ordine eo antecedentis & consequentis nactus est exaltationem & gloriam sua, ut ante pateretur & obediret, *Luc. 24.v. 26.* Sic n. a Patre decretum erat. Et hoc Scriptura dicta volunt, *Phil. 2. Hebr. 2.* aliaque, ut contra *Pontificios & Socinist.* aliosq; alibi deducitur.

26. IV. An & obedientia vita Christi s. activa pro nobis praestita sit, an eam pro se ipso Christus ut Creatura & legi subiectus praestare debuerit? Prius communiter recipi solet, Nobis n. natus & datus est Christus, r. 25. Nobis ergo & legem implevit, non sibi. Nam & ut homo in unione personae Dominus legis ac finis fuit, *Matth. 12. v. 8. Rom. 10. v. 4.* Ac per obedientiam ejus in genere justis constituti multi dicuntur, *Rom. 5.v. 19. C. 8. v. 3.* Non ad solam mortis obedientiam illud usquam restringitur. Unde passim & sanctam vitam Christi pro nobis actam Scriptura docet, *Job. 4. v. 34. C. 6. v. 38. C. 17. v. 19. Gal. 4. v. 4. 5.* Posterius *Socinista* arripiunt, ut ex *Ostorodo, Eniedino, Socino de Servat. & c. Puccium, Smalcio de div. Christi*, aliisq; patet, Et *Cargius* quidam circa an. 1563. thesib. editis id arripuit ac defendit. Sed qui postea revocasse dicitur. Eum *Ursinus, Olevianus, & Piscator* secuti sunt. Et hic quia passim eam in Epist. Pauli inculcat, primus sententiae author visus est. Item *Rollocus Scotus L. d. efficac. vocat. p. 32.* Piscatorem defendit *Thom. Godackerus, Martinus, Ravenspergerus, aliq.* Sed ab aliis Reformationis sententia rejecta ac refutata est, *Calvino L. 2. Inst. C. 16. Bezà in qu. & resp. Martyre in L. C. Sohnio T. 1. Polano, Bucano, Trencatio, Wittackerro, Foxio, Alstedio Tb. Sch. f. 4. C. 10. Et Polem. f. 5. q. 11. Maccovio d. f. Colleg. Misc. Et d. Mediat. d. 22 Et Tb. Pol. c. 15. q. 3. Joh. Munstero l. d. justif. Pastores Gallicani Wappinei an. 1603. congregati diligenter Piscatorem de errore monuerunt. Sed ille epistolam Apologeticam ipsis opposuit. Acriter sententiam illam oppugnavit *Geor. Carletonus Anglus, L. d. cons. Cath. Eccl. c. Trident. p. 3. C. 3. Bisterfeldius co. Crellium in Cont.**

clus. p. 637. sententiam utramque non ita longè distare ait, quin distinctà verborum explicatione conciliari possint, quamvis utramq̃ obedientiam conjungentes plenius sentiant. Simile quid *Synodus Heidelbergensis* censuit, ut *Sculdetup. p. 61.* vitæ suæ narrat, Et *Brant. Vesaliensis exam. quadripartit.* Quo iudicio à multis annis non puerilius auditum *Asselmann.* reponit *disp. d. Justif. t. 2.* An cœteris id facile persuasuri sint *Heidelbergenses & Bisterfeldius*, viderint. Alibi plenius totum hoc ventilari solet. *Bernhardi* illud hic tenendum: Christus in vitâ actionem passivam habuit, in morte passionem activam sustinuit.

27. V. An obedientia mortis Christi vera obedientia dici possit, an potius passio vocanda sit? Prius negat *Maccovius d. 4. d. Justif. & Th. Pol. c. 1.* quòd obedientia actio sit, mors a, passio, & ex obedientiâ profecta sit. Rectius affirmatur. Sic n. & Scriptura tam actioni, quàm passioni Christi obedientiam tribuit, *Phil. 2. v. 8. Hebr. 5. v. 8. V. t. 12.* Et Obedientia generale vocabulum est, omnem accommodationem in superiorem cōplectens, sive agendo, s. patiando expediatur. Sic discipulus obedit, cum & poenas promeritas patienter sustinet, & Civis, cum incarcerationem patitur, & Christianus DEO, cum crucem ac calamitates à DEO immittas patienter suffert. Ac definitio ejus ad agendum & patiendum indifferens est, & in iussu superioris respiciendo sistit. Sive illud de actione, s. de passione sit, t. 5. Tàm is obedire dicitur, qui suffert imposita, quàm is, qui expedit mandata aut commissa. VI. An mortis Christi obedientia vera pro nobis satisfactio apud DEum fuerit, morteq̃, illâ velut pretio nos verè redempti simus? Hoc Photinistis paradoxum visum, Cum nec DEUS unquam satisfactionem requisierit, sed gratis omnia condonare voluerit, nec eam per naturam requirere opus habuerit, cum debita credentib. remittere paratus fuerit, & reapse ex merâ gratiâ remiserit. V. *Socinum p. 3. d. serv. C. 1. seq. Ostorodum C. 36. Inst. Et p. 3. con. Tradel. Smalcium c. Frantz. d. 4. t. 64. seq.* Crellius paulò aliter hic sentire videtur. Sed lusus verborum quædam videri queant, & communiter Socinista ita sentiunt. Olim *Petrus Abailardus* idem sensisse dicitur ap.

ap. *Bernhardum ep. 190. Lapide 1. Cor. 1. v. 30. Arminista* ut solent, ambigui sunt. *Peltius* ipsis tribuit, quod negent, & *Welsingium, Slatium*, allegat; *harm. 4. 21. t. 4. 8. Bodecherus in Remonstr. C. 8. idem* facit. Sed istos ipsi pro suis non agnoscunt, Vt *Apolog. d. Trin. t. 34.* monui, & ipse *Peltius in pras.* agnoscit. *Welsingius* ferè Photinista fuit. Quæ ex *Arminio, Episcopo, Confessione & Apol. Remonstr.* allegat, ex illis contrarium potius colligas, quàm id, quod Ipse cupit, Vt *Confess. C. 8. f. 9. Et Apolog. C. 8. f. 9.* Directè quidem satisfactionem non negant. Habent tamen in scriptis, unde virtus ejus obliquè vertatur, & *Socini* confiniis accedatur. *Justitiam* n. DEI essentialem negant, unde pro peccato satisfieri absolute necessum sit, aliud medium peccatum expiandi, quàm mortem filii, dari potuisse censent, non tam propriam satisfactionem, quàm aliquam Patris acceptionem & æstimationem putant, sanctam conceptionem ac nativitatem Christi ad nostram corruptionem regendam tendere negant, in quo modo, an merito, an præconio & exemplo, formale Salvatoris in Christo consistat, determinare ceu *λεπτολογίας* Academicas, fastidiunt, Christum primum salutis præconem & sic præconi ratione Salvatore dicitur, Id tantum meruisse, ut in gratiâ DEVS nobiscum redire velit, asserunt, fidei collationem aut regenerationem nobis promeruisse negant, Vt. 30 seq. similiaq; foveant; quæ ex *Apologiâ, Confid. Catech. Heidelberg, Arminii art. perpend. Episcopii* scriptis, ac similibus desumi possunt.

28. Falsa universa. 1. Scriptura Chrium nos sanguine ac animâ velut *λύτρω* & antilytro mercatum esse DEO & Patri suo passum affirmat, *Matth. 20. Marc. 10. Act. 20. 1. Cor. 6. 7. Hebr. 9. Apocal. 1. 5.* Et alibi, ac ut id pretium corruptibili auro & argento opponatur, *1. Pet. 1. v. 18.* Quo reverâ ut pretio in emendo dato satisfacere solemus: Caroq; nos emptos dicit, *1. Cor. 6. v. 20. C. 7. v. 23.* Ac illo pro omnibus moriente omnes in illo mortui censeantur, *2. Cor. 5. v. 14. 15.* Hæc a. satisfactiones sunt. 2. Quia sacrificia V, T. satisfactiones typicæ pro peccatis fuerunt, ut è *Levitico*
& ep.

& ep. ad Hebræos patet, ac typi mortis Christi fuerunt, ut ex eadem patet. E. & mortem Christi antitypicam satisfactionem esse oportet. Secus minus in antitypo esset, quam in typo fuisset. Quod contrâ potius esse solet, ut plus antitypum habeat, quam in typo præextitit. Sic plus in Christo fuit, quam in Adamo, Simione, Jonâ. Plurib. alibi hoc tractatur, & quæ obijciuntur, refelluntur. Quædam L. I. Epist. The. C. I I. t. 5. 6. tradita. Ipsi Socinistæ quædam interdum habent, quæ ad hanc sententiam asserendam referri possint, ut in Confess. Veritatis à Socin. factâ t. 8. patebit. VII. Si omnino mors Christi satisfactio fuit, an absoluta & rigide dicta, vi justitiæ, an potius moralis & ex pacto per gratuitam Patris acceptationem fuerit? Posteriorius Arminiani arripiunt, Armin. art. perp. d. Justif. n. 10. f. 33. Co. Perkinsum f. 76. seq. Resp. ad 31. art. f. 153. Episcopus d. 6. t. 11. Et præiuerunt olim Scholastici quidam simile statuentes, ut Biel 3. sent. d. 19. Durandus 4. sent. d. 15. Scotus, Gabriel, Almainus, Medina. Sed Valentia d. Christo redem. C. 4. 5. negat quidquam certò hic definitum. Sequuntur & ex Reformatis nonnulli. Calvinus L. 2. Inst. C. 17. f. 1. Chamier T. 3. Panst. L. 9. C. 1. 2. 3. Et ex Socinistis Socinus C. 25. 27. prel. Th. Quamvis neget Smalcus c. Smiglec. d. satisf. Christi c. 7. Prius alii arripiunt. Vasquez. p. 3. Thom. d. 5. Eustachius S. Pauli p. 2. sum. q. 2. Feuardent. l. 4. Theomach. C. 18. Becanus p. 3. Th. Sch. tr. 1. C. 15. n. 13. Et Suaretz. ap. Eundem c. 1. Lapide C. 1. Rom. v. 17. C. 5. v. 15. Bellarmin. L. 1. d. Justif. C. 2. L. 2. C. 5. Gerhardus T. 1. L. C. d. Christo, t. 134. seq. T. 4. d. Justif. t. 36. Et d. 3. d. glor. DEI, t. 6. Ex Reformatis Marefius Coll. Th. loc. 11. t. 35. Alii q:

29. *Utrumq;* certo sensu diversoq; respectu asseri queat, & acceptationem aliquâ Patris, & frigidam solutionem hic concurrisse. Illud, quia gratiæ DEI acceptum ferendum est, quòd filium Mediatorem nobis constituerit, in mortem dederit, eâ morte ut lytro pro nobis contentus esse voluerit, poenas nobis debitas per eam credentibus universis remittere, à nobis eas non exigere, fidem omnibus non malitiosè repugnantibus dare, & per eam credentes ab omni malo liberare, æternumq; salvare voluerit. Quæ si DEVS

ex me-

ex merâ gratiâ præstare noluiſſet, nemo eum ad id obligare potuiſſet. Hoc, quia pretii perſoluti ſufficiencia non ex nudâ Patris acceptatione dependet, ſed & intrinſeco valore ſuo juxta offenſâ peccatorum noſtrorum & ſatisfactionis à Chriſto ad juſtitiaſ rigorem præſtitæ æquilibrum talis eſt, ut recipi mereatur. *Nam 1. Perſona ſatisfaciens infinitæ dignitatis eſt, ut proprius DEI filius, DEO Patri æqualis, eoq; pondus æquivalens paſſioni adjicere poteſt. Deus a. DEO condignè ſatisfacere poteſt, etſi nudus homo id non poſſit. Paſſio a. hæc eſt Dei hominis, non nudi hom. Act. 20. v. 28. 2. Paſſio ipſa ac obedientia, eaq; quæ à Chriſto agendo patiendoque præſtitæ ſunt, tantæ dignationis ſunt, ut ſuſcipi à DEO mereantur. Omnem n. juſtitiam implevit, Matth. 3. v. 15. C. 5. v. 17. Rom. 8. v. 8. ſeq. Gal. 3. v. 13. Vnde laboraſſe, bajulaſſe, afflictuſ eſſe ir peccatis noſtris, diſciplina pacis noſtræ ſuper eum fuiſſe dicitur, Eſa. 43. v. 24. C. 53. v. 3. ſeq. Et Hebræum Moſar exactionem debiti ex rigore juſtitiaſ notare ſolet, Deut. 11. v. 2. Jerem. 2. v. 19. C. 30. v. 14. Ezech. 5. v. 16. Ac tam perfectè, exactè, & abunde Chriſtus ſatisfecit, ut ex rigore juſtitiaſ plus ab eo exigi non poſſit, quantum rei ad rem æqualitatem concernit. De juſtitia� aliàs inter DEVM & Chriſtum Scholaſtici diſquirere ſolent. De quo alibi plura.*

30. VIII. *An & regenerationem & fidei collationem obedientia ac mors Chriſti nobis meruerit? Iterùm negant Arminiſta, Apol. C. 8. ſ. 9. Et nihil vanius ac ineptius eſſe ajunt. Falsò. 1. Quia fides donum & opus DEI ſpirituale eſt, Job. 6. v. 39. Ephes. 1. v. 19. Phil. 1. v. 29. At tale DEI donum & gratia non obtingit nobis, niſi per meritum Chriſti. Rom. 5. v. 15. 2. Quia omnes promiſſiones gratiaſ næ & amen in Chriſto ſunt, 1. Cor. 1. v. 20. Et expreſſè DEUS in Chriſto gratificatus Philippenſib. dicitur, ut & credant & patiantur ob Chriſtum, Phil. 1. v. 29. 3. Quia in Chriſto omni benedictione ſpirituale nobis DEVS benedixit, Ephes. 1. v. 3. ſeq. Et omni dono ſpirituale ditavit in doctrinâ & cognitione, 1. Cor. 1. v. 5. Et regeniti in vivam ſpem per reſurrectionem Chriſti à mortuis dicimur, 1. Petr. 1. v. 34. Ac Deus opus fidei perficere dicitur, ut nomen D. n. I.*

Christi prædicetur; 2. *Tess. 1. v. 11. 12.* Sed ad spiritual. benedictionem omnino & fides pertinet. 4. *Quia* ipsi Arminiani DEUM per & ob Christum gratiam ad credendum & per fidem ætern. peccatorum remissionem consequendam sufficientem peccatorib. contulisse fatentur *c. l.* Si gratiam ad credendum, utiq; eam & fidem ejus effectum, ex merito Christi esse dici potest.

31. *Dices 1. Non potest DEVS fidem sub comminatione mortis à nobis exigere, si Christus eam meruit. R. Non sequitur.* Sub certo ordine n. & dispositione eam conferre vult iis, qui non repugnant. Non a. absolutè. Et sic & Christus eam promeruisse, & DEVS ordinatè per certa media conferre, eamq; ab hominib. exigere potest, & homines media ad eam acceptare debent. Quæ sibi subordinata & consequentia, non opposita sunt. Sua dona in nobis DEVS à nobis reposcit, quæ conferre paratus est, nisi rejiciantur. Et sic dare ea potest, & postulare. 2. *Fides est actus officii nostri. E. non beneficium meriti Christi. R. Etiam non sequitur.* Vtrumq; est, & fidem nos in potestate nostrâ non habemus, ideò ejus gratiam gratiosè nobis à Christo promeritam esse oportet. Quam DEVS omnib. offert, & media adhibentibus confert. Illi fidem tantum in notitiâ & assensu nostro censent, qualia nos præstare aut omittere queamus, Cum fiducialis apprehensio meriti Christi & applicatio sit, quæ conditio à nobis exigitur, sed gratiosè ob meritum Christi in nobis à DEO efficitur. Quæ simul consistunt. Ita ipsa fides à nobis exigitur, & tamen opus DEI in nobis est, quod à DEO efficitur. *Joh. 6. v. 29. Col. 2. v. 12. 2. Tess. 1. v. 11.* Est actus officii nostri, sed gratuitum DEI opus & donum, quo illud efficit, non liberi arbitrii viribus in nobis perficitur, ut Pelagio vicini hic Arminiani censent. 3. DEVS præscribit fidem peccatoribus velut à se præstandum. At si ex ipsâ meriti Christi vi ea fluat, evertitur hæc præscriptio. *R. Non sequitur.* Præscribit fidem à se præstandam, sed non ex se, ac si ipsi eam præstare propriis viribus possent, sed ut à DEO ut opus Dei eam petant, media à DEO ad illam præparata adhibeant, nec Sp. S. per verbum operari volenti malitiosè re-

se repugnent, ac gratiâ DEI seipsos indignos reddant, *Act. 17. & 13.* Fluit ex mediâ vi, sed certo ordine ac modo, quod medium recipere quidem ex nobis non possumus, respuere tamen possumus, & hoc cavere debemus.

32. 4. *Sic Christus tantum pro illis mortuus erit, quos DEVS illâ fide donabit.* Sic nulli alii credere debebunt, nec contemptæ mortis Christi rei peragi poterunt. *R. Non sequitur.* Omnibus gratiam illam Christus acquirere potuit, omnibus fidem dare DEVS velle potest, etsi multi respuant, obicem ponant, media negligant, se gratiâ indignos reddant, & sic non salventur, ac per hoc contemptæ mortis Christi rei fiant. Nec absoluta voluntas fidem operandi in absolutè electis urgenda, quæ quorundam hic sententia fuit, non omnium, ut *de Concil. 1. 2. 2.* dixi, Nec fides aut vis credendi humano arbitrio resignanda cum Arministis, sed medium tenendum, & gratiæ divinæ ac merito Christi ea tribuenda, sed incluso ordine mediorum ad id destinatorum, quibus fides à DEO datur non irresistibiliter, sed ut homo gratiæ non malitiosè resistat, quod quandoque in potestate habet, Vt *Tr. de Conversione* plenius dicitur. 5. *Si Christus fidem meruit, E. meruit nostrum officium.* Hoc n. est credere. *Joh. 6. v. 29. C. 12. v. 36. 1. Joh. 3. v. 23.* At officium à nobis DEO & Christo reddi debet, non à Christi merito acquiri debet. Fidem n. DEO & Christo adhibere debemus, si salvari velimus. *Joh. 3. v. 15. 16. R. Major non sequitur.* Fidem Christus meruit non sub ratione officii, sed divini beneficii, quod gratis Deus ob istud filii meritum in nos conferre, in nobis excitare, promovere, augere, & servare vult, & quod sine DEO ex nobis ipsis habere aut excitare prorsus non possumus, 1. 30. Quod beneficium per applicationem ex fide factam nobis appropriare, & sic in officium per ipsum DEVM & filii meritum vertere, viribusque DEI quotidie ad finem usq; servare debemus, ut salvi fiamus. Quorsum omnem sufficientiam ex DEO habere & expectare debemus, 2. *Cor. 3. v. 5.* Vt sine Christo nihil hic possimus, *Joh. 15. v. 5.* Ita utrumq; sibi consentit, non opponendum est.

IX. *An & sibi Christus obedientiâ suâ aliquid meruerit?* Affirmant Pontificii, Photinista, Arminiani, VVeigeliani, Fantatici quidam Reformati, alii, & gloriam ac exaltationem suam promeruisse censent. Rectius negatur. Pro nobis passus & mortuus, non sese, *Esai. 53. Rom. 5. 6. 8. Gal. 2. 3. 4. Ioh. 3. 1. Cor. 1. Hebr. 2. 1. Petr. 2. 3. Et alibi.* Nobis venit & natus est, *t. 25. 26.* Non sibi. Et nobis ergo meruit, non sibi. *In Phil. 2. & Hebr. 2.* Consecutio & ordo antecedentis ac consequentis est, quo pati Christum oportuit, eoq; ordine gloriam ingredi, *Luc. 24. v. 26. Joh. 12. v. 25. Hebr. 2. v. 10.* Non a. meritum. Crux n. via paradisi à DEO statuta est, *Act. 14. v. 21.* Ut plurib. *in Theol.* Quid à nostrâ obed. differat, *t. 37.* videbitur.

X. *Quomodo obed. Christi Patri præsita dicatur voluntas, Hebr. 10. v. 10.* Quâ voluntate sanctificati sumus per oblationem Corporis Christi? *Per metalepsin* voluntas pro voluntatis executione & obedientiâ sumitur, vel unâ cum correlato sui, voluntatis impletionem, ut sensus: Ista voluntate DEI scil. impletâ & præsita à Christo per oblationem corporis ejus in mortem plenè nos sanctificati sumus, ut aliis sacrificiis legalibus opus non sit. Effectum obedientiæ Christi imbecillitati oblationum legalium opponit, quæ verè sanctificare non poterant, *Hebr. 7. v. 19. C. 9. v. 9. C. 10. v. 1. 2.* Sed typicè tantum & adumbrativè. Christi a. obedientiâ plene omnes sanctificati sumus, ut aliundè quidquam acquirere opus non sit, & quidem speciali illâ illi ut Mediatori impositâ, quâ corpus in mortem voluntariè obtulit, *Rom. 5. Phil. 2.* Ut primi Adami inobedientia singularis illius mandati de non comedendo fructu vetito voluntaria transgressio fuit: Sic secundi Adami obedientia singularis voluntatis de Corporis sui oblatione pro Adami ac posterorum inobedientiâ voluntarium plenumq; obsequium esse debuit, per quod inobed. Adami expiata fuit. *Generaliter* Christi tota obedientia, vitæ & mortis, expiavit, *t. 26. 27.* *Specialiter* hac oblatione in mortem, quam in primis Scriptura memorat, *Vt c. l. dictum.*

33. *Ita Christi obed. fuit. Angelorum S. est,* quâ illi promptè Deo obediunt, & jussu ejus capeſſunt. De hac quæritur, *1. An propriè di-*

ita sit, cum non libera, sed necessaria sit, & aliter agere ac peccare non possint? Negant Arminiani, *Apol. C. 6. s. 7. C. 17. p. 190. Et spec. calumn. pref. p. 31. Et s. 2. n. 18. Act. Synod. p. 140. seq. Episcopus resp. ad def. Cameron. C. 13. Falsò. 1. Quia tota Obedientiæ definitio t. s. tradita illis competit, cum jussu DEI expediant & expedire in sacris dicantur, *Psal. 103. v. 20. Psal. 104. v. 4. Hebr. 1. v. 14.* Sic angelus Gabriel ad Danielelem missus & visionem explicans verè DEO obsecutus, *Dan. 8. v. 16. seq. C. 9. v. 22.* Et ad Mariam missus DEI mandatum verè executus est, *Luc. 1. v. 26. seq.* Ita in Oratione Dominicâ oramus, ut voluntas DEI fiat, sicut in Cœlo & in terrâ, ibi ab angelis bonis scilicet, *Matth. 6. v. 10. Luc. 11. v. 2.* 2. Quia falsum est, talem libertatem, ut & non obedire quis possit, ad obed. ut sic requiri, ut exempla Christi & beatorum in cœlis ostendunt, t. 18. Cum indifferens ad eam esse queat, t. 9. Et si in hominibus lapsis talis post lapsum inveniatur. Laude & præmio eam non dignam fore, si peccare nequeant, similiter falsum. Laus in benefactis est, etiamsi malè facere non possis. Quomodo DEVS laudatur, & beatorum innocentia laudem meretur, etsi peccandi possibilitati exempti sint. Præmium similiter benefacto dari potest, ut cunq; malè agere ampliùs nequeas. Ut homini perfectè spiritualiter beato, & in bono jam consummato. Imò diviniore ac excelsiore libertatis gradus hic est, ita obedire, ut non obedire, peccare, repugnare, rebellare, ampliùs nequeas. Plenè de vitiis vincentium ac triumphantium in hominib. hoc est. *V. c. l. Conf. Michael. t. 37. 60. 2. An & in angelis malis obediens aliquas sit, & inferiores superioribus subesse ac obedire cogantur, an potiùs furor & aterna confusio inter ipsos obtineat?* Ordinem aliquem inter eos esse certum est, supremi n. Diabolorum mentio in sacris est, *V. t. 9.* Et Sathanas ut dux, ac angeli ejus ut assistentes pugnasse dicuntur, *Apo. 12. v. 7.* Sed talis obed. quæ in bono sit, & æquitatis gratiâ fiat, quæ t. s. definita, inter ipsos non est, sed confusio ac distortio juncta, prout attributa & opera eorum confusa. *V. Mich. t. 70.* Paritio tamen aliqua inferioris ad superiorem, etsi coacta, confusa, malitiosa, seditiosa, turbulenta, illis competere videtur, quâ ille huic cedere, ac placidum*

tum ejus capeffere cogitur. Sic Beelzebub inferiores spiritus utcumque viciffè videtur, *Matth. 12. Luc. 11.* Et in Magicis unus alium expellere animadvertitur, f. verè, feu per collufionem id fiat, ut Apollonii, Magorum Africæ, Germ. aliorumq; exempla ap. *Beyerling. Voc. Miraculum. p. 144.* aliosq; docent, & in *Magicis C. 9. l. 22.* deductum est. Sic dæmoni in dæmoniaco mandatum à Mago Afro datum, ut exeat, & statim ille exivit. *Beyerl. c. l.* Archidæmon aliquando juffit, ut omnes mali spiritus ad Lutheri exequias confluerent. Vnde magnam Corvorum copiam feretrum circumvolitalfe refert *Bredenbach. l. 7. Collat. fac. c. 39.* Et *Lapide in 2. Reg. 10. v. 20.* Si vera ea. Simile quid in morte Vdonis Magdeburgensis præfulis factum Idem refert. *Conf. Eundem in Ephes. 6. v. 12.*

34. Obed. hominum est, quæ ab hominibus vel ad DEUM, vel Satbanam, vel ad sese expeditur. Ad DEUM, cum DEO ejusq; verbo obeditur. Hæc renatorum propria est. De quâ quæritur *1. An tam perfecta ea in hac vitâ esse possit, ut legem moralem implere eiq; satîs facere possint?* Affirmarunt olim *Judæi & Pharisei*, quorum quidam quid facientes dicti, sæpè quid debeo facere, & faciam, crepabant, ac supra modum arrogantes erant, Vt *Osiander C. 15. harm.* notat, *Manichei & Pelagiani*, hodiè *Papistæ, Socinistæ, Arminiani, Fantatici, VVeigeliani, Paracelsistæ, Anabaptistæ, Suencfeldistæ, & similes.* Falsò. *1. Quod legis fuit, impossibile nobis fuit, Rom. 8. v. 3.* Vt jugum, quod nec nos, nec Patres nostri portare potuerint, *Act. 15. v. 10.* Et quæ vivificare non possit, cum servari nequeat, *Gal. 3. v. 21.* *2. Quia lex tota spiritalis est, nos aut. carnales sumus, sub peccatum venundati, Rom. 7. v. 14. seq.* Et obedientiam totalem ac perfectissimam requirit, *subjectivam* totius hominis & omnium virium, *Objectivam* omnium cogitatorum, dictorum, & operum, & *adjunctivam*, omnium temporum, locorum, modorum, ac circumstantiarum, ut in nullo, ne in minimo aberretur, *Deut. 6. Matth. 22. Marc. 12. Luc. 10. Gal. 3. Qui n. in uno aberrat, omnium est reus, Jac. 2. v. 10.* At talem obedient. nullus mortalium, excepto Christo, præstare potest, *Rom. 5. v. 15. seq. C. 8. v. 3. seq. 1. Reg. 8. Job. 9. 15. Psal. 32. 51. Prou. 20.* Ac

more

mors omnibus incumbens, ut peccati stipendium, *Rom. 6. v. 23.* Omnib. peccatum inesse testatur, *Rom. 5. v. 12. seq.* Quæ in contrarium obvertuntur, *alibi* explicantur. 2. *An semper renati DEO obedire teneantur, an & quandoq; ab eo dissentire, & nolle, quod ipse vult, possint?* Vbi mandatum DEI habent, ei semper parere coguntur, absolutè vel conditionatè, in toto vel parte, simpliciter vel sub circumstantiâ, prout mandatum fuerit, aut ex sensu legis commodè interpretari possit. Vbi nudum placitum aut sententia, ab eo dissentire, & id non velle salvâ Conscientiâ possunt. Sic DEVS Sodomam ac Gomorram everfas voluit, sed Abraham noluit, & pro illis deprecatus est, *Gen. 18. v. 22. seq.* Populum Israeliticum excisum, sed Moses dissensit & deprecatus est, *Exod. 32. v. 10. seq. Num. 14. v. 12.* Sic Paulus in Bythyniam ire voluit, sed DEVS noluit, *Act. 16. v. 7.* Et urbes ac regiones DEVS ob peccata excindere velle potest, & tamen nos id nolle, deprecari, ac clementiam & poenitendi spatium exorare possumus. DEVS parentes morte eripere nobis velle potest, nos eos in vitâ longius servari nobisque in usus nostros commodari velle possumus. Pestem in Israël DEVS immissam voluit, sed David noluisse, & potius populo parvum cupisset, si impetrare potuisset. *2. Sam. 24. v. 14.* Saulem DEVS rejectum voluit, sed Samuel doluit & deprecari voluit. *1. Sam. 15. v. 11. seq. C. 16. v. 1.* *Sic voluntati DEI comitanti*, quâ nobiscum ad actus nostri arbitrii concurrere decrevit, non semper voluntatem nostram conformare tenemur. Sic per eam non solum ad substantiam actus boni, sed & actus peccati concurrere vult, nos a id non tenemur velle. Imò si sciremus peccatum futurum, deberemus potius præcepta servare & peccata vitare, etiam si DEVS ad actum peccati concurrere veller. *Sic nec voluntati consequenti*, quâ aliquid occasione ex nobis acceptâ facere decrevit, ita velle nostrum conformare tenemur, ut non oppositum conari liceat, sed satis est, si contra præceptum aliquod nō faciamus. Ut si à DEO ob peccata præcedentia per morbum quis puniatur, eamq; poenam ex justo iudicio duraturam sciat, potest nihilominus per orationes, jejunia, eleemosynas, alia pia remedia conari,

nari, ut à poenâ eâ liberetur, etiam si DEVS eam durare velit. Inde *Augustinus Enchir. c. 101.* Aliquando bonâ voluntate homo vult aliquid, quod DEVS non vult, ut cum bonus filius Patrem velit vivere, quem Deus bonâ voluntate vult mori. Bonæ DEI voluntati pietas illius potius consonat, quamvis aliud volentis, quam impii idem cum DEO volentis impietas. Ut cum vult mori Patrem, ut hæreditatem avarus occupet, Idem DEVS velit, ut peccandi finem faciat. Ita DEVS martyria sanctorum velle potest, nos inclinatione naturæ eas nolle, refugere, ac deprecari possumus citra peccatū, modò ad ultimum tandem omnia voluntati DEI resignemus, *V. l. 22. 23.*

35. 3. An renatorum obed. verè & ex iustitiâ ap. DEUM meritoria esse possit? Affirmant Pharisei, Pelagiani, Manichei, Novatiani, Pontificii quidam, Synergiste, Enthusiaste, Mahometista, alii. Falsò omnes: 1. Quia nec Scriptura meriti vocem uspiam hic usurpat, nec vocem æquipollentem habet, quâ illud eliciatur, ut inductio V. & N. Test. ostendit. 2. Quia verum meritum opus proprium, non alienum, indebitum, non jam ante debitum, & mercedi adæquatum ac proportionatum esse debet. At tota nostra obedientia aliena & gratiæ DEI est, sine quâ nihil præstare valemus, *Joh. 15. v. 1. seq. 2. Cor. 3. v. 4.* Nil DEVS in nobis præter sua dona coronat, *V. Psal. 103. v. 4.* Et tota DEO debita est, *Luc. 17. v. 10.* DEO n. totaliter ratione creationis, redemptionis, & sanctificationis, omniumq; benefactorum cum omnibus, quæ habemus aut possumus, jam ante obligati sumus: Et inter eam ac vitam æt. bonis operib. redditam nulla æqua est proportio. Illa languida, imperfecta, multis vitiis spurcata, transitoria, invita sæpè & molesta nobis: Hæc sincera, perfectissima, constans, perpetua, purgatissima, plenâ DEI benignitate collata, lætissima, doloris omnis & tristitiæ vacua est, & longè ultra opera nostra omnia, quæ fecimus ac tulimus, in æternum coronat, *Rom. 2. v. 7. C. 8. v. 18. seq. 2. Cor. 4. v. 17.* At inter talia legitima proportio non est, quæ in merito verè dicto requiri solet. Unde veteres, da tua, sed quæ non debes, proportio & adsit, Non aliter meri-

meritum dixeris effectuum. Quæ ad hæc excipi, aut in oppositum adduci solent, *alibi in Theol.* solutionem habent.

37. 4. *Quid à Christi obed. Patri præstita nostra differat, & quantum?* Alterius generis eam à nostrâ *Arminiani* faciunt, in eo tamen convenientem, quòd prorsus libera fuerit. *Apol. c. 17. p. 198. & alibi.* Convenit cum nostrâ, quòd verè talis fuerit, & definitionem *Obed. 1.5.* traditam reverà participet. Eoq; eodem nomine passim in sacris insignitur, *t. 13.* Fuit n. affectio intellectualis subjecti, Patri ut superiori à Christo homine sponte æquiritatis alicujus gratiâ exhibita, ut per partes ostendi potest. Et à Deo mandatū accepisse passim in sacris dicitur, *Joh. 10. v. 18. C. 12. v. 49. 50. C. 14. v. 31.* Vbi *Joh. 12. Augustinus* per mandatū Patris ipsum Christum accipit, cum id vit. æterna dicatur, & Christus eodem titulo appelletur, *1. Joh. 5. v. 20.* Sed Symbolica hæc est explicatio. Mandatum n. vit. ætern. dicitur, quia causa & via ducens ad eam est, efficit n. producit, & fundit vitam illis, qui mandata servant, *Matth. 19. v. 17. Differt a. Quòd* illa ut filii DEI naturalis propria fuerit, cum nostra adoptivorum tantum sit; Illa DEI & hominis sit, ut subjecti quod, *t. 13. seq.* Cum nostrameri tantum hominis sit; Illa perfectissima, omnibus numeris absoluta, verè etiam secundum justitiæ rigorem meritoria fuerit, *t. 29.* Pro nobis ac vice nostri præstita, quàm nos redempti ac DEO reconciliati fuerimus, plenè spontanea ac voluntaria, non talis, ut etiam non præstari potuerit, ut in nobis, *t. 16. seq.* Nostra semiplena, coacta, molesta, invita, nequaquam ap. DEVM meritoria, *t. 36.* Pro nobis ipsis, non pro aliis exhibita, & talis sit, quæ & non præstari potuerit, cum peccare omnes & in multis aberrare possimus, quod non in Christo fuit, *t. 16. seq.* Quòd illa nullius poenæ comminationem additam habuerit, si non susciperetur, quod in Christo locum non habuit, *c. 1.* Nostra sub poenæ temporalis & æternæ comminatione imponatur, si non exhibeatur, *Leu. 26. Deut. 28. Jos. 23. 24. Prov. 4. 5. 6. Et alibi.* Quale quid de Christi obed. non invenitur. Porro de notis veræ obed. erga DEVM, ac mediis & rationibus ad eam *Ameſius L. 3. d. Conſe. C. 1. aliq;* disquirunt. 5. An verè Thomas

Apost. Ch isto obedierit, & vestigia clavorum ejus tetigerit, Joh. 20. v. 27? (lossa dubitat. *Euthymius* negat. *Augustinus* ex reverentiâ Magistri non ausum censet, *tr. 12. 1. in Joh.* Contrarium verius. Expresse n. Christus id jussit, & si non factum, Johannes non silentio illud præterisset. Voluitq; sic Christus efficax resurrectionis suæ argumentum non Thomæ solùm, sed omnibus Apostolis relinquere. Vnde & Patres pleriquè affirmant, *Augustinus, Cyrillus, Ambrosius, Beda, Theophylact. Chrysost. Gregorius, alii. V. Commentat. h.l. 6.* An nostra ad DEUM conversio verè Obed. dici queat, si merè passivè in eâ nos habeamus? Negant *Arminiani act. Syn. p. 138. seq. Ep. ad VValac. p. 69. seq. Collat. Hagienf. p. 191. seq. Resp. ad Censur. f. 70. Episcop. d. 15. & alibi.* Falsò, Verè n. obedire dicitur, qui jussum facit, & ad aliqujus mandatum se immutat, s. vi propriâ, s. alienâ id faciat. Quomodo verè embryo in utero se movet, etsi vires movendi à Deo habeat. Verè ad jussum Magistri tyro imaginem pingit, etsi vim pingendi ab artifice acceperit. Ex non volente homo à DEO fit volens, novasq; vires per gratiam accipit, quibus acceptis ipse gratiæ deindè cooperari potest. Agit homo, sed à DEO actus, & convertitur, sed à DEO ad id immutatus. Spontè agit & movetur, credit & resipiscit homo, non DEVS. Sed hoc Deus homini largitur, quòd possit & velit resipiscere & credere. Ad Obedientiam satis est, si homo voluntariè consentiat DEOq; obsequatur. Convertit DEVS nolentes, nonquâ tales manent, sed qui fuerunt, & ex nolentibus in ipso convertendi principio volentes facti sunt, ac sponte Deo convertenti obsequuntur, non coactè aut invitè. Vt pluribus *Tr. d. Conversione* dicitur.

38. Sic Obed. Deo præstita fuit. *Sathana exhibita est*, quæ Deo hujus seculi in operibus carnis & tenebrarum à filiis nequitiae exhibetur, & finem æternum exitium habet. *Matth. 13. Luc. 8. Joh. 8. 9. 10. Act. 13. 18. 19. Rom. 1. 2. 6. 7. 8. 2. Cor. 3. 4. Gal. 5. 6. Ephes. 6. 2. Tim. 3. 2. Pet. 3. 1. 2. seq. Apoc. 2. 21. 22.* Qui ei dediti sunt, filii Belial, inobedientiæ, & incredulitatis dicuntur, *Deut. 15. v. 13. Judic. 19. v. 22. 1. Sam. 2. v. 12. C. 10. v. 27. 2. Sam. 23. v. 6. 2. Chron. 13. v. 7.*

13.v.7. *Nahum* 1.v.15. *vel c.2.v.1. 2. Cor.6.v.15. Act.13.v.10. Ephes. 2.v.2. C.5.v.6. Col.3.v.6.* Quasi sine jugo, usu, inutilis, noxius, rebellis. Sic Apostata homo Belial, *Prov.6.v.12.* Vnde inobedientiam, impietatem, socios ejus, Diabolum, ut primum apostatam, legis, fidei, & obedientiæ DEI jugum excutientem, omnesq; ei adhererens notat. Beliaal est sine usu, Beliol sine jugo, q. effroenis, impius, sejugis, scelestus. Interdum filii subtractionis dicti, qui à jugo fidei & obedientiæ se subtrahunt, ex *Hebr.10.v.39. V. Lapide in h. l. LXX. παρανόμους* reddunt *Deut.13.v.13. Pagninus* sine profectu reddidit *1. Sam.10.v.27.* Et torrentes Belial de Sathanicis impugnationibus & exagitationibus dicuntur *2. Sam.22.v.5. Psal.18.v.5.* Hic Baal, Belial, Belialitæ, ac Babylon magna mater fornicationum in terris *Apoç.16.17.18.* Theologicè è sacris advertenda ac ponderanda occurrent. *Baal* velut regnum ac territorium ejus. Huc Magi cum suâ confœderatione Sathanæ factâ pertinent, de quâ in *Magicis C.3.4.* dictum. De hac plura in Opposito Obed. *Inobedientia. t.58. seq.* tradentur. De illâ quæri solet 1. *Verenè obediencia dicatur, cum potius Inobed. sit?* Si Obedient. in honesto dicas, & virtutem aut semivirtutem facias, *t.56.* Non est Obed. Nam nec affectio laudabilis est, nec superiori legitimo facta. Sathanas n. illegitimus herus, & per superbiam ac apostasiam à DEO legitimo, cui subfuit & subesse debuit, factus, nec boni finis, æquitatis gratiâ exhibita est: Sed *generalius dicta*, prout quamvis paritionem alteri ut superiori factam notat, s. bona s. mala, virtuosa s. vitiosa, bono aut malo sine præstita, prout vocem ita generaliter usurpare solemus, *t.4. 2. Quomodo à Christiano cavenda ac extundenda ea?* Si sedulo scederis cum DEO in baptismo initi mentionem teneat, & virtute ejus ab omni malo, quo Sathanæ obœditur, se retrahat, ad omne bonum, quo DEO obeditur, se adducat & assuefaciat. *V. Rom.6.v.3. seq. Gal.3.v.27. Ephes.5.v.26. Tir.3.v.5.* Sathanæ n. in eo omnibusq; ejus operib. abrenunciavit, DEO & omnib. ejus attinentiis se perpetuo addixit.

39. *Obed. hominum ad hominem est, quæ homini superiori ab*
F 2 *infe.*

inferiore exhibetur. Vt Ecclesiasticis, Magistratibus, heris, parentibus, & similibus imperium aliquod in alios habentibus. De hac quaeritur 1. An obœdientia legibus Ecclesiasticis præstita Conscientiam hominis obliget, ut si non præstetur, ipsa conscientia violetur? Pontificii affirmant, Thomas 1. sec. q. 96. a. 4. Bellarm. L. 3. d. Laicus, C. 11. Tholoſan. l. 8. d. Rep. C. 2. Soto l. 1. d. iust. & 14. q. 6. Becanus p. 2. Th. Sch. tr. 3. C. 6. q. 2. Suarez l. 3. d. leg. c. 7. seq. Lixetus l. 3. d. leg. C. 2. Lapide in Rom. 13. v. 5. Negant Calvinus l. 3. Inst. C. 19. f. 15. Sibrandus L. 8. d. Pon. Rom. C. 7. Chamier T. 3. Panſtrat. L. 15. C. 8. 9. Et Reformati pleriq; VValdenses & Anabaptista idem dicere dicuntur ap. Becan. c. l. Alii distinguunt, ut Gerhard. de Mag. t. 268. Meisnerus l. 4. d. leg. f. 1. q. 11. Et p. 3. Ph. sob. f. 2. C. 4. q. 12. Et rectius. Directè & immediatè leges humanæ Conscientiam non obligant, solus n. DEVS in eam jus sibi reservavit, quæ immediatè & proprie illi subest, & is perdere in gehennam potest, Matth. 10. v. 28. Quod nec Magistratus civilis nec Ecclesiasticus suâ autoritate immediatè præstare potest. Directè a. quod obligat, comminationem æternæ damnationis secum vehit. Indirectè & mediatè eam obligare possunt, quæ earum statuta legibus DEI & Naturæ consentiunt, aut generali aliquo ejus statuto verè continentur, aut earum violatio directè leges divinas evertit, aut leges humanæ & Ecclesiasticæ DEI legibus subordinantur. Sic resistens Magistratui DEI ordinationi resistit, & damnationem sibi attrahit, Rom. 13. v. 2. DE I minister n. ille est, v. 4. Et hic non ob iram solum, sed & conscientiam obediendum, v. 5. Ac ob Dominum, quia sic voluntas DEI est, 1. Pet. 2. v. 13. 15. Et ex ipsis Pontif. quidam huic sententiæ accedunt, Vt Vasquius l. 1. ill. Contr. q. 28. Gerson. l. 4. d. vii. Spir. Almaynus d. pot. Eccl. q. 1. C. 10. Quibus & Navarro quidam addunt ex Man. C. 23. ut Becanus c. l. tradit. Opposita alibi expediuntur. Ac Politicorum axioma hic observandum veniet, Optime imperare illum, qui bene parere didicit. De quo in Politicis.

40. 2. Monachorum, Monialium, & Jesuitarum cœca obœdientia in superiores suos in Papatu an probari possit? Tria vota solenniora paupertatis

ratis, continentiae, & obedientiae Religiosi ap. Pontif. praestare solent. Et ex obed. absolutè se Prælati ac superioribus subijciunt, ut nihil de imperio disputent, absolutè illis pareant. Sic ille frater secum dixit, Ego & asinus unum sumus. Vt is omnia suffert, nihil disceptat, sic tibi agendum erit. *Loiola* si Papa jubeat, se scapha sine remo & velisè Tiberi mare trajecturum dixit, & prudentiam imperantis, non parentis esse addidit. *Lapide Act. 27.v. 44.* Cæca dicitur, quòd velut oculos claudat, ut non magis in eo, quod mandatur, inquirat, ac cæcus in itinere, quo deducitur. *Cusanus* irrationalem vocat, quia nullâ ratione imperati, sed solo imperantis mandato instar pecudis agitur. Quæritur, *Antalis obed. probari possit?* Aiunt Pontificii. *Bellarmin. l. 2. d. Monach. C. 21. Maffei. l. 3. d. vit. Ign. C. 7. Ribadeneira d. vit. Loj. C. 4. 5. Gretserus T. 2. def. Bellarm. Possess. vin. l. 5. bibl. C. 61. Lapide 1. Sam. 14. v. 42. C. 15. v. 22. Jerem. 35. v. 6. Luc. 2. v. 51. Actor. 27. c. 1. Beyerling. Pol. V. Obed. p. 9. Bailius Catech. Controv. tr. 2. q. 23. Lessius L. 2. d. iustit. C. 46. d. 5. Novarinus adag. sac. n. 750. seq. & alibi. Rectius negatur. 1. Quia caro à Christo empti sumus, non debemus hominum servi fieri, 1. Cor. 7. v. 23. At qui cæcam obed. homini vover ac debet, is est servus hominis. Nec propter DEVM cæca ista Ob. est, nusquam n. DEVS eam præcepit aut laudavit, sed propter hominem. E. coipso est illicita & ab Apostolo prohibita. V. *Chrysostom. hom. 19. in 1. Cor. Oecumen. in 1. Cor. 2.* Quia Christiani jubentur spiritus & omnia explorare, non omnib. credere, 1. *Job. 4. v. 1. 1. Tess. 5. v. 21.* At nemo cæcam obed. exhibens explorat spiritus aut quicquam probat. Discretionem n. excludit, & sic iudicium suffocet, quod absq; discretionem nullum, & sic explorationem abijcit. E. Nemo Christianus talem obedient. cuiquam exhibere potest. 3. Quia quivis Christianus in proprio animo planè certus esse debet, *Rom. 14. v. 5.* At nullus ex cæcâ ob. aliquid faciens planè certus in animo suo est, hæc n. iudicium, explorationem, discretionem nullam admittit, nec disceptari permittit, an imperatum facere debeas, sed simpliciter admittit, & prudentiam imperantis esse docet, non obedientis, ut ante visum. Sic*

F 3

qui-

quidam in ardentem clibanum ire iussus fuit, & illuc ex igne exiit, *Vt Beyerling. c. l. p. 6. refert.* Quod totum illicitum fuit. E. n. il. Christianus Cœc. illam obed. præstare debet. 4. *Quia* solus Christus & Magister & Dominus noster, Cui absolute obedire debemus, *Matth. 23. v. 8. 10. 1. Cor. 3. v. 21.* Nulli ergo hominum absolutam obed. præstare debemus. At talis Monachorum est, ubi cœcorum velut Patrum cœci nati esse coguntur. 5. *Quia* ex ipsis Pontificiis *Castrol. 1. c. bar. C. 7.* Paulum iussisse intellectum nostrum captivare scribit, sed in obsequium Christi, non autem hominis. Et cœcam Judæorum in Rabbinos obed. de quâ *t. 47.* pleriq; improbare solent. Pariter & hæc improbari debeat. Quæ contra moventur, *t. 41. ex parte solventur.*

41. 3. *Rechabitarum Obed. Patri præstita Jerem. 35. v. 6. 7. qualis fuerit, & quomodo DEO probata?* Passim ea à Pontif. in obedientiam Monasticam probandam adducta. Arguitur n. Quicquid DEO gratum, voveri ei potest. At obed. etiam de non præceptis est DEO grata, ut exemplo Rechabitarum constat. E. voveri potest. Distincte hic R. 1. *Omni b. ferè* causis hæc obed. à Monachorum diversa est. Illa filiorum erga Patrem fuit, Cui obedientia jure DEI & Naturæ debetur, *horum* prorsus externorum erga alios, quibus nunquam conjuncti absolute se subjiciunt. Illa sine omni voto fuit, *horum* cum strictissimis votis. Illa ad tempus fuit, ut certo tempore aliter agere potuerint, sic bello ingravescente urbes inhabitârunt, *v. 11.* Horum perpetua esse debet. Illa sine ullo continentia voto fuit, uxores n. & liberos habuerunt. Hæc coelibatum perpetuò nexum habuit. Illa nulla merita habuit, hæc & habet, & jactat, & aliis insuper erogare audet. Remissionem peccatorum Votis se mereri intendunt. Quale nihil in Rechabitis. Illa nihil coram DEO satisfacere voluit: hæc & satisfactiones ad DEVM prætendit. Illa analogiam ex instituto Nazareatus à DEO facto, & votis *Lev. 27. Num. 6. & 30. in V. T.* habuit, hæc nullum institutum DEI in N. T. ostendere potest. Illa parenti facta, Cui honor jure debetur. Hæc Prælati sæpè fit, ut parentibus refractarii fiant, & ab obedientia,

tiâ eorum etiam reclamantibus patribus se abripiant, ut praxis quâdoque docet. Et sic mandata DEI ob traditiones hominum cum Phariseis evertunt, *Marc. 7. v. 8.* Deniq; Monachi nihileorum servant, quæ Rechabitarum servârunt. Vina bibunt; monasteria, prædia, domos, ædificant & tenent, agros, vineas, terras, possident, colunt, proventus tollunt & consumunt, & ad abundantiam ac magnificentiam inde sæpius se alunt, ut Fuldense, aliâq; monasteria in Germania, Galliâ, Hispaniâ, Italiâ, docere possunt. Non ergo obed. Rechabitarum suo statui prætexere possunt. **2. Major limitari potest,** si etiam nostræ potestatis sit, & nisi aliunde quid obster, unde ingratum fieri queat. Perpetuò in cœcâ obed. & continuâ continentia vivere, incertum, an perpetuò nostræ potestatis futurum sit. Aliunde etiam accedere potest, ut ingratum fiat, si molestè, invitè, cum tœdio, murmure, odio, à nobis expediatur. **3. Minor** falsissima est, Obed. cœca est DEO grata. De hac n. quæritur, non Ob. in genere aut qualicunque. Non gratam esse patet, quia monitis Christi & Apostolorum contravenit, ut *1. 40.* visum. Rationalem obed. vov. veri posse certum est, ut si quis parentibus aut Magistratui in civilibus legitimis, Episcopo in spiritualibus competentibus se obediturum voveat.

4. Rechabitarum exemplum in multis impertinens hic. Imperantis persona legitima & divinæ constitutionis fuit, pater ad filios, cui honorem deberi certum est, *Exod. 20. v. 12.* Et cui ex lege DEI, naturæ, & civili liberis leges imponere jus fuit. Non aliquis privato arbitrio aut superstitione electus, ut in monasterio Abbas, qui totum suum imperium superstitioni ferè hominum debet. **Fortè &** Vir prophético spiritu præditus fuit, è quo potestatem imperandi aliqua suis liberis habuit, quomodo de Mardocheo & Maccabeo festa instituentib; in *Misc. The. l. p. 2.* respondi, Quod de suis Abbat. nondū ostensum: Leges ipsæ merè Politicæ fuerunt, non religiosæ aut animæ salutem spectantes, ut vino abstinere, domos, agros, vineas, non possidere, in tentoriis habitare. Hæc genus aliquod vitæ Politicæ describunt ab eo populo diversum, in cujus medio Rechabitarum

ta ut advenæ habitarent. Ut hodiè Judæi in Papæ ditione habitant, ut fundi alicujus possidendi facultate non habeant. At Monachorū leges religionis sunt, statum animæ & salutis concernentes, quam promptius talibus mereri & acquiri docent. Imperia etiam ipsa nec injusta, nec dura, nec absoluta quidvis agendi aut patiendi, sed ad certa genera determinata fuerunt, quæ suas causas Politicas habuerūt, quas ad 2. Reg. 10. v. 15. aut Ierem. 35. deducere interpretes solent, ut Martyr, R. Kimchi, quia nempe domus, agri, vineæ hominem detinent, ut ingruente bello, fame, persecutione, medio vitæ cursu mori necesse sit, Cum illis carenti mutari sedes facile sit, prout suo bono esse viderit, vel alias nobis ignotas. Itaque obed. hic describitur, qualis in omnibus populis politiam suam amantibus est, sed nulla cœca & indeterminata, qualis nostro casu obtruditur.

42. Dices: Plus fecerunt Rechabite, quam lex divina præcepit: Non n. usum vini, domus, agri prohibet. Et tamen laudatur obed. eorum. Et comparantur illi ut obedientes Patri cum Judæis non obedientib. DEO, indeq; inobed. illa exaggeratur. Quod fieri nequeat, si præcepto DEI in rebus illis Patri obedire illi obstricti fuerunt. Nec remunerarentur aut laudarentur, nisi singulare quid fecissent: Nec filii in omnibus præcisè obedire parentibus tenentur, cum puberes facti sunt, secus ut servi obedirent, & discrimen inter liberos ac servos exularet. R. Quæ speciem ac materiam specialem factorum plus Rechabite fecerunt, quam præceptum DEI habet, ut vino, agris, domib. vineis, abstinere, hæc n. lex Dei non prohibuit: Non quæ generalitatem objecti à DEO mandati. Obed. parentibus exhibendæ. Hic n. parentibus in omnibus obedire jussum est, Col. 3. v. 20. Ad quæ nempe patria potestas se extendit. Nam si supra ultraq; eam jubeatur, DEO magis obediendum, quam hominibus, Act. 4. v. 19. C. 5. v. 29. Et hic eadem ratio omnium est, quæ ex imperio fiunt, sive regio, sive patrio, herili, aut ullo legitimo. Vade cum obedientia ipsa mandata est, & non nisi in singularib. actionibus exhiberi potest, eo ipso, quo tales ex obedientia divinitus imposita fiunt, vi legis divinæ fieri censentur. Ac tales hic actiones à

Jonadabo mandata, & à Rechabitis expedita fuerunt. Haftenus vi præcepti divini obed. præstiterunt, non plus, quàm ea jusfit, fecerunt. *Comparatio* eorum cum Israelitis nil juvat. Potius contraponuntur, & à minore ad majus scelus Israeliticum exaggeratur. Filii Patri obedierunt, & sic mediâtè DEO: Et Iudai ipsi DEO immediâtè jubenti parere recusant? Cum longè major obed. ipsi Deo loquenti præcipientiq; debeatur, quàm hominibus, quibus nos DEUS obedire jusfit. Gravissimè ergo Israelitæ peccare censendi sunt. Singulare quid fecerunt Rechabitæ, si singulares actus præceptos spectes. At hoc singulare præstare tenuerunt, quia Patri obedire ex lege debuerunt. Et hæc obed. in illis laudatur & remuneratur, *v. 14. 13. 19.* Prout DEVS obedientibus multiplicationem dierum promissit, *Exod. 20. v. 12.* Neque liberi in eligendo vitæ genere sui juris sunt, sed parentibus subsunt, & sic de se ex arbitrio proprio statuere non possunt. In omnibus n. honestis obedire debent, *Col. 3. v. 20.* Sic in V.T. Pater votû filia audiens rescindere illud potuit, *Num. 30. v. 6.* Et filiam etiam constupratam potuit non elocare stupratori, *Exod. 22. v. 17.* Nec si non omnia ipsis liceant, statim ut servi obediant. Eo ipso, quo filii sunt, satis à servis distincti sunt, ac essentialis ea distinctio est: Nece libertatis definitio est, ut nihil non liceat, & ipiritus filialis ac servilis discrimen satis in sacris propositum est, *Rom. 8. v. 15. Gal. 4. v. 6, 7. 2. Tim. I. v. 7.* Etiam si uterq; superiori suo obedire teneatur.

43. 4. *Paris in Parem obedientia an vera sit?* Propriè dicta non est, hæc n. Respectum ad superiorem importat, *t. 5.* Sed impropria & analogica. Obsequentia magis, quàm obedientia. Sic amicus amico, Collega Collegæ, ægrotus Medico, Clienti advocato & consilienti obsequitur, ut respectus superioris ad inferiorem non præcisè obtineat, *t. 6. 57.* Sic Dei Filius Deo Patri obsecutus, & æqualis ipsi est, *t. 13.* 5. *An Filius patri in prodicione contra Principem, patriam, regionem, urbem, obedire teneatur?* Nequaquam. Honestum n. hic exulat. Obed. a. tantum in honestis est. In honestorum propriè conclusio est, *t. 6.* Et in Domino filii parentib. obedire debent, *Ephes. 6.*

v.1. At illicita non in Dom. expediri possunt. Sed nec Patrem prodere debet, nisi ingens Circumstantia contrà agere necessitet. Tum n. patrià potestate exemptus esse censetur, & magis Principi, Patriæ, regioni, tali casu obligatus esse æstimatur. Sic filius quâ filius parentibus quoad paterna jura subest. Sed quâ Idem Magistratus, Princeps, Rex est, non subest, sed præest quoad jura regalia. Rex n. omnium, qui in regno sunt, & consequenter parentum suorum superior & dominus est, quare eos communi Reipubl. jure & lege regere, dirigere, ac corrigere tenetur. *V. t. 45.* Ita in casu periculi, Cum Pater & Princeps regionis in eo impliciti, filius magis obligatur Principi subvenire, quàm Patri, in quantum ille totam patriam gubernat, ac commune bonum continet, quâ ratione officium pietatis vel justitiæ legalis illi debetur, non solum observantia. Illa n. ad patriæ benevolos & benefactores etiam extenditur, & justitia legalis debetur, quâ commune bonum continent. Observantia a. ut mihi gubernationis per suas leges & statuta author est, spectatur, *t. 2. 52.*

44. 6. An Carnifices in jugulando absolute Magistratibus parere debeant, etiamsi innocentes jugulare jubeantur? Sic olim apud gentiles in Christianis jugulandis sæpè actum. *V. Hist. Eccles. Surium in act. Martyr. Cyprianum in epist.* Et sub Papatu in Evangelicis extirpandis, *V. Prompt. exempl. Martyrologia Evang. Titium in Th. hist. loc. 14. t. 6.* Vbi præsumptio est, injustè jugulari alios, officium negare, eoquæ se potius abdicare debent, quàm sævitix injustorum illud commodare. Sic Doeg graviter peccavit, quòd ad imperium sanguinari Saulis innocentes Sacerdotes Nobe jugulârit, *1. Sam. 22. v. 18.* Et in genere qui vis innocentes jugulandos eruere, ac qui ad interitum trahuntur, liberare non cessare, *Prov. 24. v. 11.* Itemq; inopem ac pauperem vindicare jubentur, *Psal. 82. v. 4. Prov. 31. v. 9. Sirac. 4. v. 9.* Quibus & Carnifices de innocentia alicujus gnaros non excludere decet. Conscientiæ n. magis obediendum, quàm Magistratui, Deo, quàm homini. *Act. 4. 5. V. t. 42.* Conscientiam a. concernit, innoxios jugulare. *7. An & in facinorosis jugulandis in N. T. Magistratui obedire*

pos-

possint? Negant Socinista, Socinus ep. p. 407. Radecius ap. Eund. p. 692. Et p. 2. def. c. Paleolog. f. 233. seq. Et lib. suavor. C. 3. Smalcus c. Franz. d. 7. prior. t. 174. Et d. 6. post. t. 18. seq. Ostorodus C. 28. Inst. f. 2. 3. Volkel. l. 4. d. relig. C. 16. Eosque secuti Arminiani aut cognati eorum, ut Geisteranus in Confes. VVelling. d. offic. Christ. f. 1. Slatius ap. de elar. f. 53. A nonnullis n. Armin. contra illos excipitur, ut in Apol. pr. Trin. monui. Item VVeigeliiani, VVeigelius fest. Virid. p. 48. Et dom. 22. p. Trin. p. 330. seq. Anabaptista in Colloq. Frankenth. Et Fanatici communiter. Falso. 1. Quia Magistratus non frustra gladium gerit, sed vindex ad iram malè operanti est, Rom. 13. v. 4. E. quandoq; eum stringere oportet, & consequenter Carnifex ut Magistratus administer justè id exsequi, & sic obedire poterit. Nec de infideli tantùm magistratu id dicitur, sed generaliter de omni potestate, quæ nonnisi à DEO est, & cui proinde obediendum est, V. 1. 2. seq. 2. Quia si in V. T. cum lege caritatis id non pugnavit, maleficos gladio excindere, nec in N. T. pugnabit. Utrobiq; n. lex caritatis præscripta est. At ibi non pugnavit, ut Gen. 9. Exod. 21. 22. 23. Et exemplis Achan, blasphemorum, Sabbathifragorum occisorum, Jos. 7. v. 25. Lev. 24. v. 11. Num. 15. v. 35. aliisq; patet. E. nec in No. pugnabit, Consequenter licitè id jussu Magistratus à Carnificib. expedietur. 3. Quia ex ipsis Socinistis Stegmannus in probâ, C. 1. t. 1. Crëllius l. 1. d. rel. c. 6. p. 64. Volkel. L. 4. d. rel. C. 16. supplicia magistratuum agnoscere coguntur. Ex Arminianis Episcopus ab eo non alienus esse videtur, d. 13. Inst. t. 18. 19. Quæ obijciuntur, in L. C. d. Magistr. solutionem habent.

45. 8. An tyrannis in omnibus obediendum, an resistendum? Si tyrannus absoluti juris sit, nemini subiectus, exercitio tantum, non ipsâ occupatione, ac civilia tantùm, et si iniqua, modò non apertè contra DEVM & conscientiam sint, imperet, ac subditi merè tales, cum nullo imperio, jure aut potestate sint, parendum & cedendum erit. Si tyrannus restricti juris, & de novo Rempub. occupet, ac subditi cum potestate aliquâ sint, qui rempublicâ repræsentent, ut Ephori, Optimates, non parere, sed resistere, coërcere, in ordinem redigere, aut etiam planè exautho-

rare ac exigere eum possunt, ut in Politicis & Casibus Conscientiæ plenius doceri solet. De Obedientiâ subditorum ac inferiorum in superiores plura ap. Amesum L. 5. d. Conf. C. 19. 20. seq. Vide. 9. An & spurii parentib. obedire teneantur, etsi illegitimi sint? Omnino. Generale n. præceptum est, Honora p. & mat. Exod. 20. vers. 12. Etiam morosum, Sir. 3. v. 9. Non determinando, an legitimus sit, an secus. Et licet parentes scortando aut adulterando peccent: Quia tamen liberis vitam & attributa vitalia gignendo communicant, & liberi à parentib. dependent, principii ac causæ rationem ad foetum nanciscuntur, & sic auctoritatem ac majoritatem aliquam in sobolem accipiunt, cum paternitas ut talis majoritatem aliquam in liberos importet, & pater major filio sit, in quantum Pater, etsi in essentiâ pater & filius pares ac idem sint. Est n. pater causa & principium filii, non autem Filius Patris, & quoad hoc semper Pater major filio est. Consequenter soboles ut minor & inferior parentibus ut superioribus reverentiam & obedient. debet. Indignus n. vitâ est, qui vitæ suæ authorem negligit: dignus a. qui eum fovet. Ac naturalis obligatio inter patrem & filium est, qualiscunq; tandem pater sit. E. & ex eâ honor patrib. debetur, sive legitimi, sive tantum naturales sint. Authores n. vitæ filiis existunt. Jure Civili spurii patri succedere prohibentur, ut ne alimenta quidem petere possint, L. 5. Cod. t. 4. l. 6. Et Novell. 74. C. 6. Sed hoc jus naturæ evertere non potest. Ita dominis etiam duris ac iniquis obed. præstanda, 1. Pet. 2. v. 18. Tit. 3. v. 1. E. & à simili parentibus licet illegitimis ea debetur. Hi n. plus adhuc soboli conferunt, vitam nempe, quàm he-
rus servo, aut Magistratus subdito.

Dices 1. Honor virtuti debetur. Sed in parentibus illegitimis nulla virtus, sed potius scelus est. E. R. Honor virtuti debetur, sed non soli. Etiam eminentiæ, potestati, & superiori debetur, ideò quia potestas est, Rom. 13. v. 1. Tit. 3. v. 1. 1. Pet. 3. v. 13. Etiam si pravè eam administret, Item officio, 1. Sam. 15. v. 30. Et sic parenti illegitimo honor debetur, quia Causa ac principium vitæ filio est, & sic superioritatem aliquam nactus est. Nec sola virtutis absentia suf-

sufficiens honoris negandi Causa est. Sic Neroni, Caligulae, honor debitus fuit, etsi parum virtutis in illis fuerit. 2. *Definitio* parentum illis non competit, qui in societate patriâ generant. Hic a. extra Societatem in concubinato, pellicatu, adulteratu, meretricatu. E. nec honor parentibus debitus. R. Definitio parentum in societate nempe perfectâ & honorabili competens, illis non competit, Consequenter honor talibus conveniens illis non tribuitur; bene tamen, qui in aliquâ societate, etsi imperfectâ ac vituperabili vivunt, ut concubinato, pellicatu, &c. Quales Societates etiam in Oeconomicis adduci solent. Hoc modo honor talibus parentibus competit, ut naturalibus, inferior eo, qui honorabilib. convenit, aliquis tamen ex superioritate naturali, indequè resultante honoris obligatione. 3. *Si illis honor debetur*, confirmabuntur scortationes, illegitimi concubitus, partus, liberi. Quod non credibile, DEVM quarto præcepto intendisse. R. Prorsus per accidens & vitio hominum id fiet. Deus parentibus & generantibus honorem constituit. Quod illegitimè, meretriciè, concubinariè, adulteratè, generent, totum ex vitio impiorum hominum est, quod à DE I intentione distinguendum est. Sic DEVS Spiritum hominis etiam spurii in homine facit, *Zacch. 12. v. 1.* Sine quo ille nunquam à parentib. in sobolem propagaretur, ut *Deo. 2. Misc. d. 2.* visum, Nec illicitos concubitus probat aut intendit, sed prohibet, *Hebr. 13. v. 4.* Consequentia etiam tota falsa est. Honor parenti ut majori statutus est, non ut illegitimo, scortatori, adultero. Quod ex vitiositate hominis est, non superioritate honorandi. 4. *Ob parentes spurii infames & officiis indigni judicantur.* E. non honorem ipsis debent. Sic in V. T. non in Ecclesiam admissi, *Deut. 23. v. 2.* R. E. ob hanc infamiam honorem illis non debent, sed quod vitam ab illis habent, *Sirach. 7. v. 20.* Et ipsi causâ liberorum sint, & sic majoritatem aliquam ad eos habeant. Infamia adjacens aliquod vitæ hic est, Vita ipsa insigne bonum aliquod est, & ob hanc liberietiam illegitimos parentes honorare debent. Exclusio ab Ecclesiâ ceremonialis V. T. fuit, in N. T. cessavit. *Esa. 56. v. 3.* Et exclusionem tan-

tum ab officiis & dignitatibus notavit, secus profelyti fieri, Deum-
q; cum Judæis colere potuerunt. Sic peregrinus circumcissus pa-
scha comedere, *Exod. 12. v. 48. Num. 9. v. 14.* Et munus offerre po-
tuit, *Lev. 22. v. 18.* Extraordinariè etiam ad officia ac honores in-
terdum admissi fuerunt, ut Iephthæ exemplum *Jud. 11. v. 5. 6.* docet.
Quod & in N. T. observatur, ut varia exempla docent. 10. *An in*
conjugio contrahendo liberi parentib. obedire teneantur? Papista de ho-
nestate id esse ajunt, Nos de necessitate asserimus. Et hoc rectius
ex generali præcepto, *1. 44.* Parentum tamen & liberorum quoad
hoc conditio variè distinguenda est, Vt *L. C. d. Conjugio* ampliùs do-
cetur. 11. *An filius Magistratus Patri privato obedientiam debeat?* Si
ut magistratus in loco sit & publico officio, auctoritatem status &
loci sui obtinere debet, non privato cedere. Si ut privatus & in
privatis, obedire debet. Sic Fabius M. Consul patrem equitan-
tem obvium equo descendere jussit, & pater obediit, ac filium lau-
davit. *Valerius M. L. 2. C. 1.* Et Assa rex Iudæ matrem Maëcham ab
officio idololatræ removit, *1. Reg. 15. v. 13. 2. Chron. 15. v. 16.*
Publica n. instituta privatà pietate potiora judicanda sunt, ut *c. l.*
Val. Max. docet. Conf. t. 13.

46. Ita etiam *Subjecta Obed.* fuerint. Sequuntur *affectiones &*
effecta ejus, competentia à posteriori ei convenientes, naturam ejus conse-
quentes, determinantes, ac denominantes. Tales sunt, *necessitas, dignitas,*
utilitas, fructuositas, jucunditas, & premia ejus temporalia ac spiritualia,
& similia, quæ *Beyerling. L. 13. Poly. p. 1. 2. 6. seq.* deducit. Ita *immu-*
nitas ab obed. Principis præscribi nequit, ut ab ejus directione, corre-
ctione, judicio, appellatione quis se eximat. Potestas n. ad talia
respectu subditorum auctoritati Principis intrinseca est. Nisi for-
tè subditus desinat esse subditus, & superiorem eum in temporali-
bus non agnoscat. Vt si in aliam terram migret, in quâ nihil pote-
statis illi, aut totum statum immutet, quo ab obedientiâ ejus exima-
tur. *Lesius L. 2. d. Jussit. c. 46. d. 5.* tres conditiones Obed. religio-
sæ præscribit, ut nempe sit cœca, prompta, & fortis. Cœca ad im-
perfectiones superioris & rationes præcepti scrutandas. Prompta,
ne ler-

ne lentè & cum torpore iussa expediat. Fortis in opere aggrediendo, continuando, & finiendo, ne ob difficultates à proposito resiliat. De cœcâ t. 40. dictum. *Ibidem n. 39.* quatuor obed. gradus colligit. Exteriùs iussa exequi, voluntatem suam voluntati superioris subijcere, iudicium suum superiori submittere, non præcepta solum, sed & placita ac desiderata adimplere. *V. & Lapide in C. 6. Es. v. 8. Nota* verà obed. esse possunt *sinceritas*, quâ nil proprii quæritur, sed DEO ac legitimo superiori parere, & parendo Deum honorare intenditur: *Integritas*, ut in omnibus DEO obediatur, non quibusdam tantùm, Et deniq; *perpetuitas*, ut in finem usquè vitæ obediatur, non desistatur. Aliàs incipere & non progredi, nec laudem habet, nec præmium. Sola perseverantia coronam meretur. *Apocal. 2. v. 10. 25. 26. C. 3. v. 11. Hebr. 3. v. 14. Colos. 1. v. 23.* Ejus *Symbolum Orbis* esse potest, figura facile in omnem partem mobilis. Sic obediens ad nutum DEI & legitimi superioris facilè se in omnibus moveri sinat. Quandoque Obed. contingit, quòd angelos testes habeat. Ita *Chrysost. Theodoret. Theophilact. Thomas, Anselmus*, illud *1. Cor. 11. v. 10.* Mulier potestatem supra caput habeat propter Angelos, explicant, quòd angelos testes obed. aut inobed. pudoris aut impudentiæ suæ habeant. *V. Lapide h. l. Exempla Obed. ap. Beyerling c. l. Zuingerum in theat. Vide.* Et in sac. historiâ ac profanâ obuia sunt. Insignis est Abrahamæ & Isaacii filii. *Gen. 22.* Qui se à Patre ligari & lignis imponi patitur, paratus DEO & Patre jubente victima fieri. Inde Paulo solidè commendata, *Rom. 4. v. 18. Hebr. 11. v. 17.* Et ap. Hebræos Abrahamæ Obedientia & Iobipatientia velut proverbio locum fecerunt. *Bernhard. ser. 16. ad soror.* optat illi devotionem Petri, & obed. Abrahami. De quo *Novarin. adag. sac. n. 749. seq. legi potest.* Item offerre Isaac, pro promptè ac obedienter carum quid offerre ap. Eundem dicitur, ut *Idem n. 578.* tradit. *Gerson* in Magnificat scribens Mariam matrem Christi sub cruce stantem perfectiss. actum obediens. habuisse offerendo filium Patri, & se in acerbâ filii morte Dei voluntati conformâdo asserit. *V. Lapide in Joh. 19. v. 25. De effectis Obed. ex hæcenus dictis bonam partem patere potest. Kempis fideles*

les diabolum vincere ait. cum obediunt, *p. 1. serm. pii Viri*. Rectius id fidei tribuatur ex *1. Joh. 5. v. 4*. Id rectè ab aliquo dictum, Citius exauditur una oratio obedientis, quam 10. millia contemptoris. Grata DEO operatio fidei obed. condita: Insulsa hac carens. Quæ ex *P. Damiano Novarinus L. 2. elect. C. 16*. persequitur. Obed. mater unionis ac concordia est, ut in omnibus ordinibus patet, ubi ea viget. In obed. mater confusionis & discordiarum. *Bernhardus* solam obed. fidei meritum possidere ait, sine qua infidelis aliquis esse videatur. *Salomon* obedientem victorias loqui ait, nam dum aliis subdimur, nos ipsos in corde superamus. Tantò quemque citius DEVM placare addit, quantò ante ejus oculos repressà arbitrii superbià gladio præcepti se immo et, *L. d. ord. vite*. Vbi plura horum habet, ac *Beyerling, Lapide, Lessius, L. Justinianus*, pluribus de effectis ejus agunt. DEO obedire & servire regnare est. Quædam & de illis habent, cum de fide obediente ac caritatis & obedientia operib. vestita tractant, ut *Lapide C. 3. 4. Rom. Jacob. 2.* & alibi. Vbi nimia quandoq; Obed. tributa intercurrunt, quæ cum grano salis legenda & accipienda erunt.

47. Ita & affectiones Obed. fuerint. Sequitur divisio. Sic Obed. est *Spiritalis & Civilis*. *Spiritalis est Virtus Theologica, qua in foro spirituali ex respectu spirituali ob finem spiritualem DEO & divinis parere facit*. Sic cum DEI ejusq; præceptis obeditur, Ministris verbi, Episcopis, officiariis spiritualibus. *Hebr. 13. v. 17. 1. Cor. 4. v. 16. C. 11. v. 1. Phil. 3. v. 17*. Hæc ubi à DEO in generali aut speciali præscripta est, & debito modo expeditur, laudem habet, & verè talis est. Et obediendum DEO humiliter, alacriter, libenter, simpliciter, viriliter, constanter ac perseveranter, & indifferenter, ut *Abraham* fecit. *V. Lapide in C. 12. Gen.* Si proprio motu aut superstitione ficta ac lecta, & finibus illegitimis modisq; alienis exercetur, æquivocè dicta est, & in superstitiones degenerat, Vt in Papatu, *t. 40. 41*. Talis & discipulorum erga Rabbinos in Iudaismo, qui dextrum sinistram esse dicentibus credere coguntur, ut *Buxtorffius, Helvicus, aliiq;* narrant. *Civilis, qua in foro civili ex respectu*

specu civili ob finem civilem & politicum hominibus exhibetur. Quæ *vel est Ethica* in statu Ethico ab omnibus specialibus abstracto, ubi semivirtus dici solet, *1. 9. Vel in statu speciali* spectata esse potest. Quæ *vel Oeconomica* in statu Oeconom. ut liberorum & servorum, *vel Scholastica* in statu Scholastico, ut discipulorum, *vel Politica* in statu Reipubl. exercita esse potest, ut Civium & subditorum. Quæ iterum *vel togata & in pace, vel sagata & in bello* occupata erit. De his omnibus morales disciplinæ pluribus agunt. *An hæ civiles obedientiæ specie differant, an modis & habitudinibus tantum*, quæri hic solet? Si Oeconomica, Scholastica, Politica, specie diversæ disciplinæ sunt, ut *dec. 3. misc. d. 1.* constitutum, etiam obedientiæ hæ specie differre dici possunt. Circa diversa n. objecta & fines versantur. Oeconomica circa Oeconomicam rem, Politica circa Politicam. Si una species practicæ disciplinæ sunt, & velut partes sub uno toto habitu practico tantum differunt, ut alii volunt, ut *c. l.* dictum, etiam obedientiæ illæ unius speciei omnes dici possunt, modis peculiarib. tantum inter se differentes, indeq; determinationem sortientes.

48. *Spiritualem à Civili* etiam specie non differre *Lessius c. l. d. n. 4. 26.* censet. 1. *Quod* in omni potestate imperandi velut divina includatur, à quâ illa descendat & vim obligandi accipiat. 2. *Obed.* non potestatem, ut tanta aut tanta est, respiciat, divina aut humana, sed ut sufficiens ad obligandum per præceptum est, quantacunq; aliàs sit. Et in hoc formali omnis obed. cõveniat. *Verius tamen contrarium est*, & obedientias has specie differre asseritur. 1. *Quia* potestas spiritualis & civilis specie differunt. Diversissima n. objecta & fines habent, illa spiritualia, hæc civilia & fines civiles habet. At talia objecta & fines specie differunt. Discrimen n. ab objectis & finibus in practicis sumi solet. Sic temperantia & fortitudo specie diversæ virtutes, quia circa objecta & fines specie diversos versantur. E. & obedientiæ potestatibus illis exhibitæ specie differre dici possunt. 2. *Quia* obedientiæ istæ actu separari à se possunt. Sic potest in uno homine obedientia Politica ad Magistratum esse, & bonus esse civis in Republ. ac præstare ea, quæ bonum Civem Reipubl. decent, ut

non sit obedientia spiritualis ad DEVM & divina, ac pessimus Christianus in Ecclesiâ sit. Ita bonus Civis in politiâ erit, & malus Christianus in Republicâ D E I. Sic bonus discipulus in Scholâ aliquis esse potest, ut malus Christianus in Ecclesiâ sit, v. g. Impius, Atheus, profanus, irreligiosus. At quæ separari possunt & actu separata sunt, etiam specie differre possunt. 3. Quia functionibus propriis diversis absolventur, obedient. exhibere Politix & Ecclesiæ, vel DEO ac divinis, exequi mandata DEI & mand. hominum, DEO obsequi & homini, dominio spirituali ac civili & temporario subesse, Voluntatem Dei & hominis perficere. Quæ voluntates quandoq; contraire ac adversa velle possunt. Sic lex Dei est, desloratam & ducat & dotet, *Exod. 22. v. 16. Deut. 22. v. 29.* Lex Civilis & consuetudo hominum, aut ducat, aut dotet. Lex DEI, fur restituat quadruplum pro furto ablato, *Exod. 22. v. 1.* Civilis fur 5. aureos furatus relictus à vitâ ad mortem trahendus, Vt sanctio Criminalis habet. Lex DEI adulteros capitaliter puniri sancit, *Lev. 20. v. 10. Deut. 22. v. 22. Job. 8. v. 5.* Sed lex Pandectarum mitiorem pœnam constituit *Dig. l. 48. t. 5.* Lex DEI concubinatum, lupanaria, meretricias conjunctiones penitus reprobât, *Lev. 19. v. 29. C. 21. v. 9. Deut. 22. v. 30. C. 23. v. 17. 1. Cor. 5. v. 9. C. 6. v. 9. 18. C. 10. v. 8. Gal. 5. v. 19. Ephes. 5. v. 3. Col. 3. v. 5. 1. Tess. 4. v. 3.* Lex Civilis eas tolerat ac permittit, *L. 25. Digest. t. 7. L. 5. Cod. t. 26.* Lex DEI autocheiriam prohibet, *Exod. 20. v. 13.* Jus Civile in servo eam probat *L. 15. Dig. t. 1. l. 9. n. 17.* Lex Dei omnibus pœnitentibus veniam impertit, *Jerem. 3. v. 12. seq. Ezech. 18. & 33.* Lex Civilis Apostatis eam negat, nec horum flagitium pœnitentiâ obliterari ait, *l. 1. Cod. t. 7. l. 3.* Idei in aliis sit. Hic obedientia potius spiritualis legi D E I præstanda, quàm civilis legi humanæ, nisi lex DEI merè forensis esse deprehendatur.

49. *Ad opposita respondendum*, Ad 1. In potestate humanâ includitur divina, non formaliter & actu, sed virtualiter & potestate, non ut pars in toto includitur, nec ut contentum in continente, ut vinum in vase, sed ut derivatum & deductum in derivante, origina-

tum in originante, & rivus in fonte suo, è quo scaturit, includitur. At tale includere specificum discrimen non tollit. Sic causæ secundæ includuntur in primâ, à quâ omnem vim & efficaciam habent, ut si prima non esset, secundæ nec esse, nec operari possent. Et tamen causæ secundæ à primâ non specie solùm, sed toto genere sunt diversæ, ut finitum ab infinito, creatum ab increato, dependens ab independente. Et potestas humana includitur in divinâ, non ut ejusdem generis & fori, sed ut diversi. Aliud jus fori & poli, aliud politiæ & Ecclesiæ. Ita Hieronymus ep. ad Oceanum, Aliæ leges Cæsarium, aliæ Christi, aliud Papinianus, aliud Paulus noster præcipit. Sic principia Musica includuntur in principiis Arithmeticis, & tamen Musica specie diversa scientia est ab Arithmeticâ. 2. *Obedientia* respicit potestatem ut sufficientem ad obligandum. In hoc generalis natura obedientiæ sita est. Sed hoc non impedit, quò minus alia & alia species Obed. esse possit. Nam sub potestate diversæ species contineri possunt, ut spiritualis & civilis, Ecclesiastica & Politica, utraq; diversas suas formas, objecta, & versandi modos habere potest. Illas potestates etiam obedientiæ specie diversæ sequi possunt, ac alia spiritualis, alia forensis dici potest.

§o. 2. *Obed. est publica & privata. Publica*, quæ publicè exercetur in negotio publico ab Ecclesiâ vel Republ. Vt in Civitate, Coetu Ecclesiæ, Concione, &c. *Privata*, quæ privatim in negotio privato. Vt in domo, Oeconomîâ, societate patriâ, herili, &c. Item 3. *Est libera & coacta. Libera*, quæ ex libero animo expeditur. Sic filii DEI liberè DEO obediunt, non tam ob præmium, quàm ipsum DEVM. r. 11. Ita populus spontaneus dicitur, *Psal. 110. v. 3.* Christi obedientia DEO Patri præstita liberi spiritus fuit, *Psal. 40. v. 9. V. 1. 25.* *Coacta*, quæ ex coactione aliquâ. Sive illa violenta sit, ut cum facinorosus ad mortem damnatus Carnifici obedire cogitur, quod aliàs, si proprii arbitrii res esset, non faceret, sive ex herili aliquo Imperio profecta, ut cum servus duro heroparere cogitur, ni verbera sentire velit, aut subditus tyranno Rempubl. invadenti aut sceleratè administranti, ubi sapius servis parere coguntur, qui ad libertatem nati sunt, & ut

moderata *extas* vidit, quid ultimum in libertate, ita tyrannica, quid in servitute sit, ut *Tacitus vit. Agric. C. 1.* loquitur. Ad omnem obedientiam libertatem præcisè requiri inductione doceri non potest, *Vi 1.9.25.* monitum. Quædam coacta esse potest, & tamen obed. definitionem totam participare.

§ 1. 4. Obed. alia est absoluta, indeterminata, & infinita, alia comparata, determinata, & finita. Sic n. docendi gratiâ appellari queat. *Absoluta*, quæ nullis legibus aut conditionibus coerceatur, sed quæcunq; tandem aliena fuerit voluntas, eam sibi irrefragabiliter exequendam promittit. Hæc DEO debetur, nulli creaturæ, nisi vicem vicem DEI velut gerat. DEO absolutè obediendum, si de mandato aut voluntate constet, nihil disceptandum. Sic Abraham in Isaaco occidendo, *Gen. 22.v.3.* Et prole ex Sarâ suscipienda in spem contra spem naturæ credidit ac obedivit, *Gen. 18.v.11. seq. Rom. 4. 18.* Vnde in justitiam illi reputatum est. *Rom. 4. v. 3.* Ita Monachorum cœca obed. est, quam superioribus vovent, *t. 40. Comparata*, quæ certo respectu fertur, & non prius expeditur, quam imperii causam exquisierit, aut rationem viderit. Hæc non auctoritatem imperantis pro summâ lege habet, sed legi eam subjicit, quam si evertat, nullam agnoscit. Hanc creaturæ deberi certum, nisi ab ipso DEO mandatum accepisse constiterit, ut non suo, sed DEI nomine obedientiam præscribat. *§. Obed. est filialis & servilis. Filialis*, quæ ex filiali affectu in superiorem fertur. Ut renatorum in DEUM, *Rom. 8.v. 15. 1. Pet. 1.v. 14.* *Servilis*, quæ ex servili in herum ut superiorem fertur. Talis est, quæ injustis oppressoribus quandoq; datur, & à servis immorigeris heris interdum expediri cogitur. *Ex gradibus Obed. vel plena & perfecta, vel semiplena ac imperfecta esse potest.* Plena quæ omnibus suis partibus & gradibus completa est, ut nihil ei desit. Talis Christi fuit Patri præstita, *t. 29. 37.* *Semiplena*, quæ in aliquo eorum deficit. Qualis renatorum in hac vitâ est, ubi volentibus bonum agere semper malum & infirmitas adjacet, *Rom. 7.v. 21.* Aliam legem in membris nostris legi mentis nostræ repugnantem videmus, *v. 23.* Perpetuâq; pugna Carnis & Spiri-

tus in renato, quamdiu hic degit, animadvertitur, *Rom. 7. v. 14. seq. Gal. 5. v. 16. seq. Jac. 3. v. 2. v. 3. 34.*

§ 2. Ita & Obed. divisio fuerit, Et sic universim absolute ea spectata. Spectanda jam respectivè ratione Cognatorum & Oppositorum suorum erit. Cognata Obed. omnes virtutes vel semivirtutes affinitatem aliquam ad eam habentes sunt. Quales sunt *Observantia*, affectio cultum superiori vel excellentiori nos regere valenti exhibens, *t. 9.* Quæ etiam in spiritualem & civilem, absolutam & comparatam, liberam & coactam, filialem & servilem, perinde ut Obed. dividi potest, *t. 47. seq.* Quid ab Obed. differat, *t. 9. visum*: *Pietas* quæ cultum debitum alicui ut principio ortus ac educationis offert, & propriè in parentes, Patriam, Principem patriæ, Consanguineos, & similes ferri dicitur. Per hoc ab Observ. differt, quòd hæc in alium ut principium gubernationis vel ad eam idonei feratur: *Pietas* a. ut in principium ortus ac educationis. Et sic pietas præstantior observantiâ per se loquendo est, magisq; obligare creditur. Majus n. & intimius beneficium ortus & educationis, quàm gubernationis est, in eodem rerum genere. Sic & Principi regionis, quâ commune bonum continet, pietas debetur, & plus quàm Observantia, quia totam patriam gubernat, *t. 43.* Primus gradus pietatis & Observ. est propositum majoribus honorem ac debitum obsequium impendendi, secundus molestias, asperitatem, ac duritiam eorum æquo animo ferre & in melius accipere, Tertius cum voluptate illis servire, & incommoda eorum tolerare. Religio justus de DEO sensus, & verus ejusdem cultus est. Hæc virtus spiritualis est, debitum cultum DEO cognito ut rerum omnium principio cum quadam sui submissione exhibere faciens. Eâ & excellentiam divinam in se, & nostram ab illâ dependentiam contestamur. Ac obedientiam DEO & homini præstandam elicit, ac superioribus parere facit. Unde religiosi dicuntur, qui DEVM timent, eiq; parere laborant, *Act. 2. v. 5. Nehem. 1. v. 11.*

§ 3. Virra præstantior harum, religio, an obed. spiritualis, hic queri solet? Pontificii fermè Obedientiæ primas tribuunt, *V. Lessium l. 2. d.*

just. c. 46. d. 5. Lapide in Luc. 2. v. 51. Et 1. Sam. 15. v. 22. Et C. 13. Joh. v. 9. Et. C. 35. Sir. v. 1. 2. Bellarm. l. 2. d. Monach. C. 21. Johannem 22. P. R. in extravag. t. 14. C. 1. d. verb. sign. aliosq. Si Obed. generaliter sumatur, ita ipsa fides Christiana Obed. dicitur, t. 4. 10. Et religionem comprehendit, vel idem cum eâ est, illique æquipollet. Si specialiter pro certâ virtute Theol. mandatis Dei parere faciente, sic religionem prærequirit, & hæc potior illâ est. 1. Quia immediatè DEVM ejusq; eminentiam & cultum respicit, circa quem versatur, & viciniùs DEVM attingit tanquam Objectum, cui cultum deferat ac deferre docet. Obed. præceptum D E I præcisè intuetur. At prius quid DEVM colere, quàm præceptis ejus se accommodare est. Et quò viciniùs virtus aliqua D E V M attingit, eò est præstantior. Tum etiam ex altiore motivo religio procedit, DEO ejusquè essentiâ eminentissimâ, eoq; cultum summum deferendum docet ac inclinat, quòd naturæ eminentissimæ ac gloriosissimæ sit, & propterea propriè, quòd Deus sit, quod ob naturam ac essentiâ propriè est, ut contra Socinistas negantes, Smalcium L. 1. d. error. Arian. C. 9. 10. 11. L. 2. C. 17. P. 2. refut. monstr. C. 8. P. 1. C. 2. 3. Et exam. 100. error. Err. 8. 9. 10. 11. 17. 100. ac alias alibi ostenditur. Nec tantùm ad præcepta, sed ipsam DEI naturam, primitatem, summitatem, omniaq; ab eo insinuata flectit, cum Obed. in præcepto tantùm sistat. At virtus ipsum Dei esse attingens vicinior illi est, quàm virtus præceptum respiciens, quod Obed. facit. 2. Quia qui præcepto parere vult, ei auctoritatem præcipientis primò innotescere oportet, quod per fidem fit. E. fides hastenùs prior potiorq; obedientiâ. Ad fidem a. religio pertinet. 3. Quia obed. velut fructus, opus, & signum è fide ac religione promanans est, Et fides ac religio velut Causa & radix eam de se fundens est, t. 11. 12. At Causa prior & potior suo causato & effecto esse solet. 4. Quia fides, spes, religio, immediatiùs mentem cum DEO conjungunt, fides nempè credendo & fiducialiter amplectendo, spes imperando, religio colendo, adorando, sacrificando, serviendo, quàm Obed. quæ præceptum tantùm propriè intuetur, & ad actus omnium virtutum obligat, nempè

EXERCITATIO. 63

cum sub præceptum cadunt. Sola n. præcepta illa intuetur, quæ dum fervantur, omnes virtutes acquiruntur. Et mediante præcepto demùm ad DEVM fertur.

54. Dices 1. *Qui superiori obedit, Deo obedit.* Ejus enim ille velut vicarius, & qui vos audit, me audit, ait Christus *Luc. 10. v. 16.* E. & Obed. ad ipsum DEVM ordinatur. R. DEO obedit, sed mediante superiore legitimo, qui loco DEI velut præcipit. Et eò illud *Luc. 10.* pertinet. Nam si illegitimus, & superstitione electus aut ascitus sit, non statim DEO obedit, qui cuicumque superiori, *r. 40.* 2. *Obedientia* proprias hominis affectiones, voluntatem & judicium Deo velut in holocaustum offert & mactat, dum eas exuit, & superiori suo resignat, Vnde melior Obedient. quàm victima dicitur, *1. Sam. 15. v. 22.* H.e. Religio, cujus victimas offerre est. E. & religioni prævalet. R. *Negatur Conseq.* Obedientia id facit, sed mediante præcepto demùm, quod propriè respicit, Religio ipsum Deum in cultu ac honore intuetur, *r. 53.* Et sic ipsi Deo hominem religat, ac immediatius eum attingit. Affectiones a superiori resignare certo modo & ratione oportet, secùs negotium vitiosum fit, *r. 40. seq. In 1. Sam. 15.* obed. melior victimis dicitur, quando nempe expressè à Deo imperata, & victimæ in particulari non jussæ sunt, ut in casu Saulis erat, qui Amalecitas exscindere jussus fuit, non a victimas offerre. Hic melius facere, quod Deus præcepit, omisis victimis non præceptis, quàm offerre victimas non præceptas, & omittere præceptum. Non a. quòd Obed. simpliciter præstantior religione sit. Nec victimæ ipsæ religio statim sunt, etsi ex eà offerri debeant. De quo hic quæritur. Si devota religio non sit, victimæ Deo nil placebunt, ut gentilium & idololatrarum hecatombæ. Melius aliquid in casu esse potest, quia *consultius, utilius, eligibilius*, non quòd absolutè præstantius. Sic utilius ferrum, quàm aurum, aqua, quàm vinum, hæc tamen naturâ sui præstantiora. Vnde inter bonum præstantius & eligibilius distinguitur. *V. Phil. 1. v. 23. Scaliger. ex. 106. f. 2.* Sic Obed. melior religione, quia in praxi magis necessaria, & religioni præponenda esse potest.

§5. 3. *Obed. actiones omnium virtutum continet*, quatenus in præcepto sunt. Debitum n. seu obligationem ex præcepto pro-
 venientem in omni virtutis materiâ respicit. At hoc longè gene-
 ralius religione est. R. Et *Justitia* universalis debitum ad omnem,
 honestam legem ac consequenter universam virtutem exercendam
 respicit, nec religione præstantior est. Est n. virtus tantùm civilis,
 hæc spiritualis, & Objectum ipsum Deum respicit, quo absolutè
 nullum præstantius inveniri potest. Et Obed. continet actiones o-
 mnium virtutum non essentialiter, quasi ipsa universa virtus in parti-
 culari esset, sed ratione præcepti tantùm, quod de omni virtute da-
 ri potest, & quod Obed. velut ex proprio objecto respicit. 4. *Per*
victimæ alienæ caro, per Obed. propria voluntas mactatur, ait *Grego-*
rius L. ult. mor. C. 12. R. E. Obed. certo casu magis necessaria & uti-
 lior victimis esse potest, quod verum, t. 54. Non autem, E. Obed.
 ex se præstantior religione est. Etiam religio victimas offerens suâ
 voluntatem DEI cultui & honori conformat, submittit, eamq; illi
 postponit. Et sic etiam suam voluntat. Deo velut sacrificat. 5. *O-*
bed. sola virtus est, quæ cœteras menti inserit, insertasq; custodit, ut
Idem c. l. ait. Ex motivo n. Obed. homo ad functiones cœterarum,
 virtutum impellitur, ut audiendum sacrum, orationem, eleemosy-
 nas dandas, &c. R. Hoc mediante præcepto tantùm & consequen-
 ter facit, quâ præcepta de virtutibus omnibus dari possunt, unde si
 religione ex naturâ sui præstantior est Obed. Et Justitia univer-
 salis eâ præstantior erit, quæ legibus parere docet, quæ de omnibus
 virtutibus dari possunt. Quod tamen non sequitur, si virtutes ex
 proprio objecto ac formali suo spectentur. Ex longè altiore n. mo-
 tivo Religio procedit, ac longè intimiùs Deum attingit, quàm O-
 bed. t. 53. Deinde Obed. cœteras virtutes menti inferere obiter tan-
 tum & vulgato modo dicitur, non accuratè. Fides propriè id facit,
 ex quâ caritas aliæq; virtutes resultant, cujus Comes est religio.
 Magis hæc id faciat, quàm Obed.

§6. 6. *Per Obed. voluntas divinæ voluntati conformatur*, quæ
 exacta norma omnis sanctitatis est. R. Et *per fidem* conformatur,
 quæ

quæ ad religionem pertinet. Et per humilitatem, nec religione ea statim præstantior. Imò per religionem ipsam conformari potest, quæ DEVM ut essentiam eminentissimam & summam omnium causam respicit, *r. 53*. Cui omne nostrum esse & velle subjiendum consequenter insinuat. Et religione DEVM ipsum immediatè attingimus, Obedientiâ tantùm quâ jussorem & præcipientem, *c. l. 7. Obed. voluntatem q. vivum* & perenne sacrificium mysticum DEI facit, & sic holocaustum sanctissimum est, quod totum hominem DEO devovet, & voluntatem facit sibi mortuam, DEO vivam. *R. Idem* & de religione dici potest, quæ DEO ut eminentissimo esse omnia subicere ac summum cultum præstare docet, *r. 53*. Et religio immediatè ac propiùs id facit, Obed. tantùm mediatè, intercurrente præcepto, quod si non esset, Obed. non esset. *8. Liberum necessario* cedere debet, & consilium præcepto. Sed actus religionis sunt liberi, ut victimæ & sacrificia, Obed. autem necessarius. *E. hæc* præstantior religione. *R. Negatur Consequ.* Liberum cedit necessario, quando hoc per præceptum jam factum est necessarium, & liberum adhuc præceptum non habet. *r. 54*. Sed quando & hoc jussum, tum utrumque necessarium fit. Sic post instituta sacrificia & victimæ fuerunt necessaria, & Obedientia. Neutrum ampliùs liberum. Et liberum cedit necessario, non semper ut præstantiori, sed ut *utiliori & pro tempore convenientiori*. Sic vinum cerevisiæ cedit in locis, ubi hæc usitata, etsi illud naturâ sui præstantius sit, *r. 54*. Deinde & religio ejusquè actus necessaria sunt intellectuali Creaturæ, non libera: Ex naturâ n. constat, Deum esse, & ens eminentissimum esse, *Vi d. Not. nat. C. 5. t. 16. visum*. Etiam si victimæ aut sacrificia non sint instituta. *9. Obedientia* mater virtutum omnium Gregorio est, à quâ cæteræ virtutes menti inseruntur. *E. & religioni* antecedit. *R. Antecedens* populariter & communi sensu dictum est, quâ præceptum ea respicit, quo omnes virtutes juberi possunt, *r. 55*. Non accurato. Sic n. fides & religio propriè radix virtutum spiritualium est, unde ea ut fructus promanant, *r. 53*. Non obediens Deo, nisi priùs colendum & honore dignum esse præassumpseris, quod

I

à reli-

à religione inducitur, *t. 53.* 10. *Credere DEO*, obedire ei, & satisfacere loco ferè eadem sunt, & omnia ad religionem pertinent. E. Obed. & religio idem esse possunt. *R. Religio latius dicta omnem virtutem*, quàm DEO debitum redditur, completitur, sic credere, quod ad honorem primæ veritatis, obedire, quod ad honorem divinæ superioritatis, & satisfacere, quod ad honoris loci restaurationem facit, simul continet. Sed hic *specialiter* sumitur, ut opus suum velut signum divinæ eminentiæ & excellentiæ circa DEUM occupatum, & ejus summitatem notans representare velit, *t. 53.* Sed Obed. opus suum tantùm ut debitum & ex præcepto ac auctoritate DEI necessarium exhibet, ne eam lædere aut contemnere vel le videatur.

57. Item Obed. Cognatum est Obsequentia, cum spontaneo motu ad præscriptum alterius se accommodatur, Obed. ex obligatione præcipientis fit, *V. t. 6.* monitum. Ita Principes obsequia sibi deferri ferunt, etiamsi non præceperint, ac gratiora ea spontè oblata esse solent, quàm quæ solius præcepti auctoritate exprimuntur: *Et Justini Universalis*, Quæ ut Obed. præceptum, sic Illa legem honestam respicit, quæ cujusvis virtutis actus juberi, & sic ad omnibus legibus obediendum in Communitate animus induci potest, *Vt dec. 3. Mis. d. 4.* dictum. Unde Just. Vnivers. omnem virtutem continere dicitur, non actu & formaliter, sed virtute & respectu ad legem ac bonum communitatis. Et Obed. omnem virtutem continet, quia præceptum respicit, quod de omni virtute esse potest, *t. 55.* Sed & eadem hæc cognata Obed. *Diversa* etiam ejus esse possunt. Obsequentia quid differat, *t. 9. 52.* videtur. Quid Pietas, *t. 52.* Quid religio, *t. 53.* Quid Obsequentia, *t. 6.* & hac *th.* Quid Justitia Vnivers. paulò ante ostensum.

58. Oppositum principale Obed. est Inobedientia, vitium aut vitiosa affectio intellectualis subjecti, præceptum superioris legitimi sub intentione reluctandi factoque suo ei repugnandi violans, eique parere detrectans. Dicitur & reluctancia, repugnantia, Contradictio, resistentia, peruvicacia. Periphrastice & tropicè fel draconis, propriæ volun.

luntatis noxia vertigo, aliterq; *V. Novarinum l. 2. elect. C. 16.* Adamum ea de vitâ ac integritate, Saulem de regno, Judam de salute, filios Heli de statu & successione, Absalomum de fortunâ civili & spirituali deiecit. Hebræis inobedientes filii Belial, q. sine jugo, dicuntur, *1. 38.* Item stulti, *Psal. 14. v. 1. Psal. 53. v. 1.* Quia subjectionis & obed. affectus etiam in illis, quæ aliquatenus probant, ipsis deest, *Rom. 8. v. 7.* Propheta Samariam veniens *DEO* inobediens leoni objectus est, *1. Reg. 13. v. 24.* Alius Prophetam jugulare nolens à leone similiter obtritus est, *1. Reg. 20. v. 36.* David in *Psalmo 2.* minatur, *DEUM* refractarios Christi sui in virgâ ferrea, recturum, & ut vas figuli confracturum esse. *V. & Apocal. 2. v. 27. C. 19. v. 15.* Quandoq; generaliter prævaricatio dicitur, quomodo in genere Inobedientia est cujusvis præcepti prævaricatio. Sic omne peccatum est Inobedientia, quia per illud præceptum aliquod violatur, qualecunq; illud sit. Hinc generaliter peccatum *ἀνομία*, illegalitas, & exorbitatio esse dicitur. *1. Joh. 3. v. 4.* Ita omne peccatum est offensio *DEI*, quâ contra amorem ipsi debitum est, vilipensio ac contemptus contra æstimationem ejus, unde ex *Ambrosio* divini præcepti prævaricatio dici solet. Sed specialiùs hic pro reluctantiâ sub formali & intentione reluctantiæ sumptâ sumitur, & propria species peccati aut vitiosæ affectionis ab aliis distincta est, per quam præceptum vel præcipiens contemnitur. Et contra *dupleæ præcept. propriè est, & illud*, quod expressâ intentione violatur, ut cum prohibitum est vallum ascendere, & ascenditur, *& istud*, quod tacitè involvitur, cum violatio præcepti prohibetur, ut non contemnes præceptum superioris.

Dices *1. Non datur* præceptum *DEI* aut Ecclesiæ, quo formalis obedientia præcisè ut sic præcipiatur, aut bonum opus câ intentione agi jubeatur, ut præcepto satisfiat. E. nec inobedient. formalis datur præcisè sub ratione reluctantiæ. R. *Omniò datur* tale præceptum. Præcepta *DEI* tui servabis, *Deut. 4. v. 1. C. 5. v. 6. 32. C. 6. v. 2. 3. Exod. 34. v. 11.* *DEVM* time & mandata ejus serva, *Eccles.*

12.v.13. Audi dⁱciplinam patris tui, & ne dimittas legem matris tuæ, Prov. 1.v.8. c.4.v.4. 10.c.7.v.1. seq. 24. C. 23. v.22. Obedite mihi filii Sanctorum, Sirac. 39.v.17. Obedite præpositis vestris, Hebr. 13.v.17. Sperate in gratiam q. filii obedientiæ, 1.Pet. 1.v.14. Et lumen Naturæ legitimis superioribus obediendum docet, ut primum principium in Intelligentiâ habere solet, Parentes sunt honorandi, non dehoneftandi. Licet etiam nullum præceptum illam intentionem apertè exprimat, insinuat tamen & implicat, Cum parere præcepto DEI & superiorum jubetur. t. 58. Quod hic satis est.

II. Sufficit bona præstare ex internâ suâ bonitate & honestate, non præcisè ac necesariò ex vi præcepti. E. & mala ex vi internæ malitiæ talia erunt, non præcisè præcepti. E. & Inobedien. non præcisè ex vi præcepti est. Malum enim opus est. R. Negatur consequentia. Etsi n. ex vi bonitatis ac malitiæ propriâ bona agi, mala vitari debeant: Ubi tamen affectio aliqua formaliter præceptum respicit, ex eoq; formale suum trahit, ut hic Obedientia, t. 5. Formaliter etiam ratione præcepti spectari debet vel servati vel violati. Vnde præceptum servatum Obedientiam, violatum Inobed. dat, & sic præcepti ratione Inobed. formalis spectanda ac definienda est. Et utrumq; hic spectari potest, tam interna bonitas ac malitia, quæ in virtute & vitio, quàm legalitas aut illegalitas, quæ lege aliquâ, DEI, Naturæ, aut superioris, jubetur aut inhibetur. Vnde peccatum illegalitas in genere dicitur, Vt Dec. 3. Mis. d. 2. t. 13. seq. plurib. dictum.

59. Causa & principia Inobed. Subjecta, affectiones, ac divisiones ejus exijs, quæ de Obed. tradita sunt, t. 8. seq. facile patere possunt. Non peculiari deductione opus habent. Totuplex, quozuplex ipsa Obed. esse potest. Spiritualis & Civilis, publica, quæ rebellio ac seditio dici solet, & privata, libera & coacta, ut cum multi Judæi pertyrannidem Antiochi Epiphaniis DEO & legi ejus inobedientes facti, 1. Maccab. 1. 3. 2. Macc. 6. Et alibi, absoluta & determinata, plenaria & semiplenaria, filiorum aut servorum, & similis. Patratur & cum agitur, quod agi non debet, ut furando, moechan-

chando, occidendo, Et cum aliter agitur, ac agi debet. Sic cum Saul Amalecitas exscindere debuit, & multis pepercit, *1. Sam. 15. v. 8. seq.* Et Israelitæ Cananaeos exscindere iussu multos reliquerunt, *Psal. 106. v. 34.* Vbi non minor inobed. in mollitie dissoluta est, cū illis parcitur, quā in nimio rigore, ut cum in animadvertendo nimium committitur, *Deut. 25. v. 3.* Exempla ejus ap. *Zuingerum in Theatr. Beyerling in Polyan. L. 13. Voc. Inobed. aliosq.* prostant. Pasm in historia sacra & profana reperiuntur. *Primus inobediens* in sacris memoratus Adam & Eva fuit, *Gen. 3. Ultim.* Canes, venefici, scortatores & mendaces sunt, *Apoc. 22. v. 15.* Aliqua hic etiam de Inobed. quari possunt, quæ brevibus subjungenda. *I. An peccatum mortale ea sit, an veniale?* Pontificij sæpè veniale ajunt, ut in præcepto dere levi, *Lesius l. 2. d. just. C. 46. d. 6. Valentia T. 3. d. 7. q. 9. t. 3. Cajetanum sum. V. Inobed. Lopez p. 1. C. 55.* Distinguenda Inobed. in spiritualem ac Civilem est. Spiritus in DEVM fertur, & ex contemptu præcipientis oritur, quod directè contra eminentiam, æstimationem, ac reverentiam ipsi debitam est, ac proinde contra religionis virtutem, quæ hoc modo evertitur, & sic mortale peccatum est, Vnde q. peccatum ariolandi dicitur *1. Sam. 15. Vt. 62.* patebit. Civilis in hominem fertur. Qui si legitimus superior sit, cui parere divinitus iustum, mortale peccatum est ei refragari. Si alius, Cui observantia ad minimum debeat, pro Circumstantiarum ratione variare, & mortale vel veniale peccatum esse potest, prout homo inobediens, præstans, res ipsa, in quâ præstatur, modus, sub quo, rationes, ob quas, aliæq.; per quæ præstatur, fuerint. Vbi ipsa potestas contemnitur, ut nullius pretij, lex DEI *Rom. 13. v. 1. seq.* violatur, & peccatum mortale est. Vbi homo ipse tantum, fortè ob defectum autoritatis, prudentiæ, eruditionis, contemnitur, & potestas ipsa non satis certa sit, aut hominem in præcipiendo errare posse existimatur, pro veniali ex parte acceptari possit. Naturâ sui tamen Inobed. peccatum mortale erit. Ratione subiecti, quod renatus est, DEO amicus, reconciliatus, & in ejus gratiâ, veniale esse poterit, ut in materiâ de peccato uberius doceri solet.]

60. 2. Inobedientia Adami quale & quantum peccatum fuerit? An omnium gravissimum? An desperatio odiumq; DEI gravius sit? Quidam extenuant eam, unoq; actu constituisse ajunt, nec ob eum totum genus humanum rejiciendum censent. Julius III. Po. Ro. pavonem suum assum absumptum aut perditum cum irâ DEI ob pomi esum comparare sustinuit, ut *Dreserus mill.* 6. p. 151. notat. *Chrysostomus* homicidium Cain gravius peccato Adæ putavit, Vt *Besius dom.* 5. p. *Pentec.* tradit. *Bellarmin.* negat absolute gravissimum fuisse. l. 3. d. pecc. C. 10. *Bonaventura* distinguit. Naturâ sui in sese absolute est peccatum gravissimum quoad odium ac offensam DEI, & quod reatum in totam posteritatem traduxit, eamq; instar pestiferi contagij infecit, corripit, ac gehennæ addixit, quod nullum aliud unquam in Orbe fecit. Omnia decalogi præcepta violavit. Primum apostasiâ, odio DEI & infidelitate, Secundum blasphemiam & periurio. 3. Rebellionem. 4. Violationem DEI Patris ac Creatoris, & apertâ inobedientiam. 5. Homicidio temporali & spiritali in se & totam posteritatem commisso. 6. Perfidiam Evæ in maritum commissa. 7. Prohibiti fructus & alieni boni sumptione ac comestione. 8. Falso testimonio, assensu, excusatione. 9. & 10. Altioris status, scientiæ, honoris, boni, pravâ appetitione. In Deum, seipsum, & proximum ac posteros suos gravissimè prævaricatus est Adamus. In corde infidelitas & dubitatio, in ore corruptio & falsiloquium, in opere rebellio & renuntiatio fuit. Ratione adjunctæ irremissibilitatis peccatum in Sp. S. gravius dici potest, quâ cum finali mediocorum omnium convertendi contemptu ac rejectione conjunctum est, Vt plurib. alibi in *Theol.* docetur.

61. 3. An unicâ illâ inobedientia tota posteritas corrumpi potuerit? Hoc paradoxum *Phorinistis* visum, & nec ipsum Adamum eâ corrumpi potuisse, minus posteritatem, censent. *Socinus L. suas.* C. 5. Et prælect. C. 4. Et d. statu pri. hom. C. 9. 10. *Ostorodus* C. 27. *Instit. Catech. Racou.* C. 10. *Smalcus d.* 2. c. *Frant.* p. 60. *Slichting c. Meissn. d. baptism.* a. 6. n. 1. *Volkelius L.* 5. d. relig. C. 18. Fallô. 1. Quia expressè per unius inobedientiam peccatores multi constituti dicuntur,

tur, *Rom. 5. v. 19.* Et iudicium ex uno in condemnationem procedere. *v. 16.* Ac mors, peccati stipendium, *Rom. 6. v. 23.* & in eos transijt, ut infantes, qui non ad similitudinem Adæ actualiter peccaverunt, *Rom. 5. v. 14.* Ideò quòd omnes in Adamo peccarint, *v. 12.* E. Adæ peccato omnes corruptos & peccatores esse oportet, secus mori non possent. 2. *Quia* innata ad peccandum proclivitas ac impetuofus furor in omnib. hominib. post lapsum animadvertitur, quod nec Socinistæ ipsi negare possunt, Et Scriptura docet, non esse, qui non peccet, *Psal. 14. 1. Reg. 8. Rom. 3. 5.* Ac universalis experientia attestatur: Quæ à parentibus attrahitur, *Gen. 6. 8. Psal. 51.* Tandem q; ad primum parentem Adam, reducenda erit. Quod ex primæ ejus apostasià oritur, ad nullâ aliâ radicem referri potest. Vno a. actu totam naturam corrumpi non posse & in *Physicis ac Medicis* falsum est, ut leprosis, contagio pestilenti, scabie pecorum, *Ubi grex totus in agris* unius perijt scabie ac porrigine porci, unus ictus lethalis totum hominem prosternit, una vitiosa radix totam arborem omnesq; ramos & fructus inficit ac prosternit, Et *Ethicis*, ubi unum enorme scelus totam ante actam vitam evertit, Et *Politicis*, ubi unius parricidio aut atroci scelere tota Civitas maculatur ac excinditur, totaq; familia statu ac honoribus deturbatur, Vt exempla nota sunt, Sic apud Macedones ptopinqui insidiatum Regi cum ipsis necabantur. *Curt. l. 8. C. 8. L. 6. C. 11.* Apud Persas etiam, *Ammian. l. 25.* Et *Theologicis*, ubi uno malitioso lapsu angeli mali tota species angelorum malorum beatudine excidit, & æternum corrupta ac damnata est, *2. Pet. 2. v. 4. J. da v. 6.* Et deniq; *Metaphysicis*, ubi principium rei Causæ universalis rationem habet, quâ corruptâ totam progeniem corrumpi oportet, Vt plenius Loco d. peccato contra Socinistas deducitur.

62. 4. Cur & quomodo Inobedientia velut peccatum ariolandi ac idololatricum dicatur *1. Sam. 15. v. 23.* ? Vt turpitudine ejus adumbre-
tur, & gravitas exaggeretur. *Magia* peccatum velut extremum & ultimum est: Vt Magus malitiosus totum se à DEO avertit, & ad Sathanam ut alterum suum DEUM convertit, de futuris ex avium
volatu

vo'atu, garritu, signis nugacibus conjectat, suum velle & nosse ut melius DEI præponit, sicq; se prudentiorem & meliorem DEO facit, artes suas velut divino principio ortas æstimat: Sic DEO pertinax inobediens ac refractarius. Vt ille commodi sui gratiâ multa in eo agit, magis quàm ut Sathanæ dominium agnoscere cupiat, Sic rebellis DEO, ut Saul. Vt ille obfirmatus in peccato tandem fit, ac pertinaciter Sathanæ & idolis adhæret, ut & stigmata sibi inurat, ac se stigmaticum idolorum servum profiteatur, quod Jojakim regem Juda fecisse *Tostatus, Pererius, & alij* tradunt, ut & in Cadavere ejus tales stigmatice notæ inventæ fuerint, ut *Lapide 2. Chron. 36. v. 8. Et Jerem. 22. v. 19.* notat. Quomodo alij se & turpitudinem suam Veneri & Priapo sacrilegè dedicant, ut mater Asæ regis Judæ fecit, *2. Reg. 15. v. 13. V. Eundem in Act. 5. v. 37.* Et Corinthiæ mulieres cultui Venetis ita addictæ, Vt 1000. puellas quotidie ad templum ejus lenocinio exponerent, ut ex *Herodoto ac Strabone Idem 1. Cor. 6. v. 20. & C. 11. v. 3.* notat. Ita servis olim stigmata inusta, qui inde inscripti & literati servi dicti. *V. 3. Maccab. 2. v. 29. Ut Idem Ezech. 9. v. 4.* observat, Vt valdè difficulter talis ad Deum redeat: Sic obstinate inobediens velut agit. Vt Ille cōtempo divino altari & oraculo ad aram dæmonis responsa accipit: Sic hic cordis sui placitis credēs illisq; adhærens salubrib. consilijs pertinaciter reluctatur. Vt is artes suas DEO ortas æstimari vult, ac n. quis faciat, odit, persequitur, incantat & occidit hominem: Sic rebellans DEO similia occupabit, si queat. Vt Ille voluntatem suam DEI præfert, & præcisè DEO reluctari cupit, ac gravi violatione, injuriâ, ac contemptu DEUM afficit: Sic in simili maliciosus inobediens, tandemq; DEUM velut negat, suumq; consultum ac placitum sibi DEUM facit. De inadvertenter inobediente alia ratio. De malitioso illâ dicuntur, qualis Saul fuit, *c. l. De peccato idololatrico* similis ferè ratio erit. In hoc figmentum cordis velut Deus concipitur, pro eo in corde ponitur, ejus loco colitur, observatur, tacitè Deus negatur, & idolum velut Deus habetur Deoq; præfertur, mendax oraculum, hoc n. *teraphim* notat, pro DEO consultitur, gravisq; Deo injuria infertur:

Sic

Sic in pertinace inobedientiâ. Dum mentis propositum pertinaciter deliberat, quasi ad adorandum simulacrum se inclinât. Dum in deliberando perseverat, foris majore contemptu erigitur, quia intus fictis propositi sui simulacris velut incurvatur, ut *Gregorius* loquitur. Suum judicium, prudentiam, & voluntatem ut fidum idolum quærît, consulit, sequitur, colit, observat, ut metam ac scopum omnium actorum statuit, eò omnia refert, ut illi satisfaciât, totâ virtute laborat, summum bonum velutin eâ statuit, ei se ac sua omnia dicat & tradit, DEUM eludere velut gestit, mandatum ejus ad suum figmentum redigit, cogit, & detorquet, ad ultimum deniq; se suumq; placitum DEO præfert, & simile ei agit, quod idololatra cum idolo suo solet. *Alii* velut vi avellere ac abrumpere locum *1. Sam. 15.* reddunt, ut inobedientia velut gigantes ac Titanes cum Jove olim, sic cum DEO pugnet, cælo solioq; deturbare velit, se loco ejus ponere, & suam voluntatem pro DEO sequi velit. Sic avarus idololatra est, *Ephes. 5. v. 5. Colos. 3. v. 5.* Gulosus ventrem, *Phil. 3. v. 19.* Libidinosus venerem, ambitiosus honorem velut pro DEO habet, eiq; servit. *Pariter inobediens* proprium consultum ac volitum ut DEUM habet ac observat. Ex naturâ sui & in sese gravius crimen est magia acidololatria, quâ quis dæmonem vel idolum ut DEUM consulit, & in veri DEI injuriam honorat ac observat. Sed inobedientia, quâ quis jussâ DEI abjicit, in multis similis illi est, & hoc hic asseritur. Pluribus Interpretes & Homiletici ad hunc loc. Et *Prov. 28. v. 28.* hæc deducunt.

63. 1. *Quale argumentum inobedientiæ Judæorum contra Romanos, cum Pharisæi dicunt, si Christum ita relinquimus, omnes in eum credent, & venient Romani, & locum ac gentem nostram tollent, Joh. 11. v. 48?* Est à periculoso ac nuxio Politico illud ductum, quod toti suæ genti è dogmate & sectâ Christi imminere censent, dicere volunt, Christus ille ingentia patrat miracula, multos habet applausores, quotidie plures ac majores acquirit, etiam Pharisaos, scribas, & primores quosdam nutare videas, mira ejus tanta sunt, ut vix simile quid in Orbe habuerint, fieri potest, ut omnes vel plerique Judæi ad

ultimum ei adhæreant, eum ut Ducem ac regem eligant, sequantur, observent, sicque nos apud Romanos in suspicionem veniamus, quasi novum regem ac Messiam nobis creare, Romanis rebellare, eorum iugo nos eximere, ac ab illis totaliter deficere, imò contra eos pugnare eosque Syriam exigere & excindere cupiamus & cogitemus. Per hoc Romani in nos ut rebelles irritati, tanquam rebellionis suspectos irruere queunt, nostrumque locum, Urbem, templum, Rempublicam, & regionem funditus evertere ac vastare molientur. Hoc priusquam fiat, satius fuerit Christum istum excindere & e medio tollere. *Sic illi ingentem paralogismum ex odio, livore, invidia in Christum & f. fidem à Christo in carne jam exhibitò fundatam ac annunciatam committunt.* 1. *Christus non erat nec esse cupiebat rex mundanus, temporalis, & civilis, Joh. 18. v. 36.* Eoque nec regnum Cæsaris curabat, aut ei eripere intendebat, sed spiritualis, & gentes à Sathanà ad DEUM reducere volebat. Quod cum temporali Romanorum poliria benè consistebat, nec eam tollebat, sed augebat, beatiorum ac feliciorum reddebat, & e tenebris ad lucem reducebat, *Act. 26. v. 16.* Ipse Christus tributum Romanis solvit, *Matth. 17. vers. 27.* Et solvendum esse Judæos docuit, *Matth. 22. v. 21.* Cum eum regem facere Judæi vellent, aufugit, *Joh. 6. v. 15.* Omnia mundana à se removebat, Minimè ergò Romani sibi ad eo timere habuerunt. 2. *Si Judæi Christo credidissent, ab eo Romanis parere, & tributa ut dominis pendere didicissent.* Hæc n. docuit Christus, *Matth. 22.* Et alibi. Non ergò de rebellionē suspecti Romanis fieri potuerunt. 3. *Ideo potius Romani everterunt Judæos, quia ipsi Christum occidere multoties voluerunt, ad ultimum etiam per Pilatum crucifixerunt, ut ipse Titus eorum Everfor judicavit ap. Josephum & Lapide in C. 11. Joh. v. 48.* Quod & R. Sam. Marochianus d. *adv. Mess. C. 1. fatetur, ap. Eundem C. 2. Esai. v. 9.* Judæi justo DEI judicio exæcati cum Christi causam odio Romanorum prætexerunt, ipsi in odium, gladium, & excidium eorum incurrerunt, tandem in mortem temporalem ac æternam lapsi sunt. 4. *Esto, è Christi do-*

sti dogmate ac factis aliquod Corporis periculum metuere Judæi potuissent: Potius tamen si ex Conscientiâ agere voluissent, pluris animæ, quàm Politicæ aut Corporis salutem facere debuissent. Et si salutem animæ credendo in Christum prætulissent, haud dubiè Christus etiam omne malum Corporis ab illis avertisset. Sic enim & DEVS in lege promisit, *Leu. 26. Deut. 28.* Et Christus in N.T. pœnas impietati ac incredulitati eorum præfagiit, *Matth. 23. v. 35. seq.*

64. 6. Petri inobedientia erga Christum in lotionem pedum *Joh. 13. v. 8.* qualis & quanta fuerit? Origenes propriam censet, eoq; eum proterviæ accusat in *Joh. h.l.* Si liber verè ejus est, fermè n. multa illi supposita sunt. *Augustin. tr. 56. in Johan.* eum excusat, & fidei, timoris, stuporis, ut *Luc. 5. v. 8.* reverentiæ ac caritatis repulsam censet. Simile *Cyrellus l. 9. in Joh. C. 4.* *Cyprianus ser. d. lor. ped.* Si verè ejus est, *Basilius, Ambrosius, Author ad frat. in erem. Chrysostomus, Theophilactus, aliq;* faciunt. Contra reverentiam Magistro debitam esse putavit, sordidâ pedum lotionem eum circa se occupari. Hoc Petri verba à lavantis, ut Magistri, doctoris, Domini, veræ lucis mundi, Messicæ & Christi DEI, ostensi sibi & aliis in transfiguratione filii DEI, *Matth. 9. Luc. 9. v. 35.* tanti tamque eximii Prophetæ majestate, & lavandi hominis, Petri, indignitate, servi, peccatoris, *Luc. 5.* Piscatoris, miseri ac indigni vermis, inutilis peccati mancipii, & discipuli Christi, eum indignè reformare, ac olim à sancto passionis proposito ausi, indeque jure Sathanæ ab eò vocati, *Matth. 26. v. 23.* Mortalis, abjecti, Officii ipsius sorditiæ ac vilitate, servilis, contempti, spurci, servis ac mancipiis digni, *1 Sam. 25. v. 41.* Partis lauandæ abjectione, pedis, infimæ hominis partis, luto ac sordibus calcandis destinatæ, non capitis, faciei, manuum, brachiorum, cum & Johannes baptista vix corrigiis calceorum Christo solvendis se dignum judicârit, *Matth. 3. v. 11. Marc. 1. v. 7.* Et tantus doctor tam viles partes eluere debeat: Instrumenti, manuum Christi dignitate, tot miraculis, sanctis actionibus, devotionibus, facultatibus ac virtutibus illustrium, in quas omnia DEUS dedit, *Joh.*

3. v. 35. C. 13. v. 30. Ac denique devotionis suæ & affectus in Magistro passim in historiâ Evangelicâ elucens, *Matth. 26. v. 33. 51. Joh. 13. v. 37. C. 21. v. 17.* Magnitudine sumpta ductaq; arguunt. Christus tamen recusationem ejus ut intempestivam ac ex ignorantia profectam arguit, & quod faciat, eum ignorare, postea scitutum ait: v. 7. Et ni lavet eum, non partem in Christo habiturum minando addit v. 8. Quare Petrus minis istis ut fulmine ictus illico obedit, & in lotionem tandem consentit, v. 9. Modestia laudem habet: Sed Obedientia summa est reverentia, omni victima potior, t. 54. Ex infirmitate ac ignorantia Petrus hic peccavit. Magnitudinem Magistri, vilitatem sui considerans, consilium Domini penetrare non potuit, officium admittere non cupiit aut ausus est. Satiùs Christum nihil sine gravi consilio, omnia ex destinatis causis agere, ejus voluntatem suâ præferre, ei plenè se submittere, optimum contra suggestiones rationis esse cogitavisset. Quomodo Maria egit, quando paradoxa & incredibilia ab Angelo audivit, *Luc. 1. v. 38.* Pium est, Christi verbis obedire, licet ratio ignoret, quid voluerit. Humana prudentia media sibi sæpè fingit, & divina negligit. Sic ad sanctorum intercessionem confugitur, cum satius DEVS & Christus ejus invocetur, *Psal. 50. v. 15. 1. Johan. 2. v. 1.* Spiritualis lotio inter nos & Christum dividitur, cum satiùs solius Christi admittatur, ut hic Petrus tandem agit, *V. & Apoc. 1. v. 5. C. 5. v. 9. Hebr. 9. v. 14.* Inobedientiam etiam promptâ admissione postea Idem Petrus pensavit. Quomodo in simili, *Matth. 14. v. 29. Luc. 7. v. 1. alibiq;* Christo morem gessit.

65. 7. An Vasthi reginæ inobedientia erga Asuerum excusari possit, *Esth. 1. v. 12.* Omnino. Quia partim ex temulentia, partim libidine, & temeritate Vasthin adduci jussit Asuerus, & incauta, imprudens, superba, inhonesta & invereconda hæc jussio fuit, gravem ac eximiam matronam dedecens, quam pudoris autoritatis reginæ & castitatis gratia jure detrectare regina potuit, ne formâ suâ ebriorum Satraparum ac populorum oculos & animos in foedam concupiscentiam illiceret, & illicitis flammis faces ac occasiones accenderet. Ut olim

olim Candaules Lydus uxorem suam Gygi ostendendo *ap. Herodot.*
l. 1. fecit, ac per id sibi exitium accersit. Et Persis lex erat, ab alienis
 uxores videri prohibens, *ut Josephus l. 11. c. 6.* tradit, quam ipsa cu-
 stodire sategit. Vnde *Sulpitius* de eà, quod stulto rege consultior,
 pudens spectaculū corporis exhibere iussa abnuerit, scribit. Quæ ul-
 terius hic *Rabbini* de nuditate fabulantur, fabulas eorū olent, ut alibi
 traditur. 8. Cur tantopere DEUS inobedientiam abominetur & puniat?
 Quia atrocissimum peccatum est, quod suam voluntatem DEI vo-
 luntati, & seipsum DEI loco ponere velut docet ac facit, *t. 62.* Quod
 abominatione & poenā dignissimum est. Unde atrociter à DE O
 sæpè punita est, *t. 58.* Quod & homines quandoq; imitantur, ut a-
 cerbè in eam animadvertant. Sic in bello Jonathanis inobedien-
 tiam Saul morte punire voluit, nisi populus eum eripuisset, *1 Sam.*
14. v. 44. Unde *Abulensis, Serarius, Ambrosius ser. 36. aliq;* Saulem hic
 excusant, quasi religiosum disciplinæ militaris voti; observatorem,
 etsi *Chrysostomus* ut parricidam accuset *hom. 14. Sam.* Excidio Ju-
 daeorum ab Hamane cogitato inobedientia inter alia prætexta fuit,
Esth. 3. v. 8. Joseph. L. 11. antiq. C. 6. T. Manlius apud Romanos fi-
 lium injussu suo contra hostes pugnantes & victorem securi per-
 cussit, *Gellius L. 9. C. 13.* Idem Posthumius dictator & Manlius
 Torquatus in filiis fecerunt. Papirius F. Rutilianum contra impe-
 rium exercitum educentem virgis cædi jussit. *Valerius M. L. 2. C. 2.*
 Exemplum plura passim obija. Inde omnes exhortationes, promissio-
 nes, comminationes divinæ ad obedientiam persuadendam &
 inobed. fugiendam tendunt, *Leu. 24. v. 1. seq. Deut. 28. v. 1. seq. Psal.*
37. v. 27. seq. Esai 1. v. 16. 19. 20. Jerem. 22. v. 21. C. 26. v. 4. seq. C.
35. v. 13. seq. C. 42. v. 13. 2. Thessal. 1. v. 8. Hebr. 2. v. 2. Et alibi.
 66. Ita primum Obed. Oppositum, Inobed. fuit. Secundarium e-
 jus Opp. est Obed. prava, cæca, distorta, aliena, *t. 40. seq.* Item ficta
 ac simulata. Sic latronum dux Lizungzus in bello Sinensi fami-
 liam suam Thienxunam dixit. Thienxun Cælo obedientem no-
 tat, quasi Cæli placito sibi imperium Sinæ tradatur, & populos à
 Regis avaritiâ liberare debeat. Cum reverâ rebellis, & factiosus

inobediens ac latro esset. *Martinus d. bell. Tart. p. 10. b.* Item cum non eo modo sit, quo imperatur, etsi res imperata fiat. Sic Gallus quidam ad Bruscam piscari iussus, ad Ligonem fluvium piscatus est, & nihil cepit. *Beyerlin. T. 13. p. 11.* Sic cum Creaturæ contra mandatum DEI obeditur, ut Sathanæ, t. 38. Item oblitio mandatorum DEI, securitas carnalis, studium mundi placendi, nimium rerum terrenarum desiderium & aucupium, similiaq;. Similiter omnes errores & errantes de obedientia Christi, angelorum, hominum, ut *Arminianorum, Socinistar. Pontificior. Monachorum ac Monialium, t. 10. seq.* Ita Magi à DEO ad Sathanam se convertentes, t. 38. 62. Et *Libertini* veri hostes obed. fuerunt, quibus peccata tantum opinionones fuerunt, & transgressiones legis assumptæ hypotheser, nihil naturæ sui prævum, in nullo sibi conscientiam formandam, omnia omnibus licere censuerunt, ut *Calvinus Instr. c. Libert. Viretus, Bullingerus c. Anabapt. Hutterus L. C. d. caus. pecc. p. 239.* Lapide in 1. Cor. 8. v. 7. aliq; tradunt. Begardi item & Beguinæ, Viros perfectos non ad bona opera, nec humanam obedientiam aut aliqua Ecclesiæ præcepta obligari dicentes, quos Clemens V. in Concil. Viennensi damnavit, ut *L. 5. Clementin. C. 3. t. 3.* Et in *C. Laide in Joh. 15. v. 2.* patet. Item *Prædestinati* ani ap. *Augustin. L. d. præd. & grat.* Qui Christum pro solis prædestinatis orasse, natum ac passum esse, illisque quæcunq; committant scelera, nil obesse, reprobatis autem bona, quæ agunt, nil prodesse docuerunt, quorum hæresin à Joh. Huls & Luthero his seculis renovatam ait *Lapide in Joh. 17. v. 9.* Magno falsi crimine, Cum uterq; utrumque dogma in scriptis refellat. Ita *Idem* nobis tribuit, quasi libertatem Christianam ab obedientia decalogi, legum, & superiorum exemptionem esse dicamus, *proleg. ad Rom. p. 20. b. Et C. 5. Galat. v. 13.* Pari calumniâ ac prius, cum omnia scripta, Loci communes, Polemica & Homiletica, contrarium testentur, *Ve d. Calum. Theolog. diceretur.*

67. Similiter hostes Obed. sunt, qui fidem resurrectionis nostræ tollunt. Tolle n. eam, & resoluta est omnis observantia omnis pietatis, ait *Chrysost. in Matth. 22.* Securitas etiam carnalis veram Obed.

Obed. versuram facere potest. Qui quæ carnis sunt, sapiunt, curant, accipiunt, promouent, nunquam spiritui DEI aut sanæ rationi Verbo ejus correctæ se subdunt. Caro enim adversus Spiritum perpetuò concupiscit, *Gal. 5. v. 17.* Hierosolyma imputatur, quod subinde obedientiam regum excusserit, seditiones ac rebelliones commoverit & fovit, *Lsd. 4. v. 12. 19.* Post ascensum Christi Judæi subinde obedientiam Romanorum excutere tentârunt, defectiones ac rebelliones moliti sunt, unde sæpius cæsi sunt, *V. Ioseph. l. 7. bell. Iud. C. 13.* Ut in tumultu sub Cumano 20000. cæsa, *V. Ioseph. L. 20. antiq. C. 4.* Et sub Vespasiano variè cæsi. *V. Eundem L. 3. d. bell. Iud. C. 1. 11.* Et alibi. Ita Ægyptius aliquis seditiosus & seductor, *Act. 21. v. 39. V. Lapide in h. l.* Sub Trajano per seditionem supra 40000. In Ægypto, Cypro, & Mesopotamiâ ad 200000. Judæi trucidati sunt, ut *Alstedius in histor. C. 21. t. 2.* aliiq; referunt. Sub Hadriano ad 50000. cæsa, totaq; gens protrita. *Euseb. l. 4. hist. C. 6. Lapide Ezech. 5. v. 3. Et Dan. 9. v. 27.* Hæc de universâ Obœdientiz naturâ hac vice dicta sufficiant.


AUCTARIA.


Ad r. 19. adde. *Novatianus item L. d. Trin. C. 31. Et Eusebius L. 5. demonstr.* Filio DEI ut DEO obedientiam tribuunt.


Ad r. 22. adde. *Forerius* inferiorem partem in Christo superiori in passione reluctatam fuisse ait in *manupret. c. Nicola. f. 10. c. 1.* Sed inordinatum hoc de Christo sentire. Aliud est, nolle mortem, quod simpliciter ex naturâ est, & DEO mortem volenti repugnare, quod ex carne corruptâ est. DEO volenti mortem se sine ullâ luctâ & rebellione plene subicere personalis in Christo gratiæ est. Nolle mori, naturæ in se est. Nolle contra DEUM, corruptæ naturæ. Nolle, si DEUS nolit, spiritus est, & tale quid in Christo fuit.




Gloria in excelsis DEO.











H. NICOLAI

OPERA.

TOMUS II.